



The monthly magazine «North Star»

ВОЙВЫВ КОДЗУВ

КОМИ
ЙӖЗЛӖН
ЖУРНАЛ

11 ' 99



Бронзайсь кистьом Нёбдинса Виттор нэмьяс кутас сулавны
Сыктывкарын сы нима академическóй театр дорын.

Снимайтис А. Сидоров.



ВОЙВЫВ КОДЗУВ



БЫД ТӨЛЫССЯ ЛИТЕРАТУРНО-
ХУДОЖЕСТВЕННОЙ
ЖУРНАЛ

11
НОЯБРЬ
(ВӨЛЬГЫМ)
1999

ПЕТӨ 1926 ВОСЯНЬ

■
ЛЭДЗӨНЫ:

КОМИ
ГИЖЫСЬЯСЛӨН
КОТЫР

КОМИ
РЕСПУБЛИКАСА
ПЕЧАТЬ
УПРАВЛЕНИЕ

■
СЫКТЫВКАР

□ □ □

ТАЙӨ НОМЕРЫН:

Александр ПАРНАЧЕВ. Аддзыліс сөмын Лымва. Повесть	3
Алёна МАЛЫЦЕВА. Выль кывбуръяс	30
Виталий КУРАТОВ. Кык висёт	33
Анжелика ЕЛФИМОВА. Выль кывбуръяс	48
Григорий ДУРКИН. Катерина. Висёт	51
Олег ЧУПРОВ. «Усть-Цильмаса пöчыс», «Бара кө- дзыд...», «Аддза: тэно он нин кут...», «Мам. «Ас чужан сиктö...», «Ковтöм тöждыс...», «Сэтшöм муыс...», «Во- нас öтчыд вола...». Кывбуръяс	56

РОЧ КЛАССИКАЫСЬ

Михаил ЗОЩЕНКО. Нырися пон. Агитатор. Аристократка. Муслун. Висьгъяс	60
---	----

ОЛÖМАЯСЛÖН ВО

Георгий ТУРЬЕВ. Арлыдсьыд он пышый	65
--	----

ЗЕМСТВО КАДЫСЬ

Л.Д.ЛЮОСЕВА. Йöзлөн дзоньвидзалун вöсна	71
---	----

ВЕЛÖДЫСЬЛЫ ОТСÖГ ВЫЛÖ

Валерий МАРТЫНОВ. Коми гижöдын ывла выв серпасъяс	77
--	----

□ □ □

СЕВЕРНАЯ ЗВЕЗДА



**Ежемесячный
литературно-художественный
журнал**



Учредители:

СОЮЗ ПИСАТЕЛЕЙ РЕСПУБЛИКИ КОМИ

**УПРАВЛЕНИЕ ПЕЧАТИ
РЕСПУБЛИКИ КОМИ**



РЕДАКЦИОННАЯ КОЛЛЕГИЯ:

Главный редактор

Михаил
ЕЛЬКИН

Альберт
ВАНЕЕВ

Виктор
НАПАЛКОВ

Ответственный
секретарь

Алексей
ОДИНЦОВ

Владимир
ТИМИН



Аддзыліс сөмын Лымва

ПОВЕСТЬ

Дзедасө веськавлөма вурдысь

ИВАШКА ЧӨВТИС мыш вывсьыс нопсө, сувтөдіс полковникъяслысь пищальяссө пу чөр бокө да мөдөдчис төдса гырка кыз пипу дінө, кодї налөн, Леонидкөд, вөлі туй выв склад пыдди. Сюйис кисө пу горсьяс... Складыс вөлі тыртөм...

— Татчө, шуанныд, дзедблінныд ваянторнытө? — юалис сійө полковникъяслысь. Но некоднанныс эз вочавидзны да Вячеслав бөр воліс на дінөдз.

Дзикөдз эбөстөммөм гөстьяс подтөг усьөмөн куйлісны нитш вылын да ваысь лыа выдө лэптөм чери моз сөмын и апайтисны паськөдөм вомъяснаныс сынөдсө. Павлөвич весиг абу вермөма чөвтыс пельпомъяс сайсьыс нопсө. Мешөкыс личкөма сійөс боквыв, му бердас топөдөма веськыд кисө. Вячеславлы ковмис мездыны сійөс мыш нопсьыс.

— Гырка пипуас ваянторнытө дзедблінныд? — выльысь юалис полковникъяслысь Ивашка, но найө бара эз вочавидзны — "Мудзнысла весиг пельныс тупкыссьөма, — мөвпыштис Вячеслав, кыкыс зепсьыс сигарет, өзтис да кутис куритчыны. — Мед, инө, шойччыштөны недыр".

Ивашкалөн куритчигкості паляліс жуявлөмсьыс Павлөвич, а сэсса и Федотыч.

— Кыз пипу горсьяс, шуанныд, дзедблінныд ваянторнытө? — бара юалис Ивашка сьөкыда лолалысь полковникъяслысь.

— Сэтчө, сэтчө, — өвтыштис кинас Павлөвич, — перьяв да сюяв нопъяд ставсө, мый эм, но спиртсө өтчыд нылыштмөн миян сөлькнитышт...

— Немтор сөлькнитнысө, горсйыс куш, гурйыштли нин киөн...

— Кыдзи сідз — куш? — мудзыс быттө абу и вөвлөма, сувтис Павлөвич, а сы бөрся кыпөдчис и Федотыч. — Оз вермы лоны!

— Тайө пуас дзедблінныд? — юалис Вячеслав, кор ставөн матыстчысны горс дінө.

— Татчө, — гогнитис юрнас Павлөвич. — Мошкалев вайөдіс тайө пу дїнас. Шойччыштим, а сэсса и кондысим.

— Но өд абу? Ош кө пакөститчис, көрт банкаяссө эськө сөмын өтарө-мөдарө көвдаліс-разөдіс, сигаретьяссө пазьдеритис-чашйис, но өд гөгөр сөстөм, бумага чир оз тыдав ни.

— Жаль, зэв жаль, — төкөтө оз бөрддзыссы Павлөвичлөн. — Спиртыс кык фляга тыр, пробкаөдзыс вөлі. Сигаретыс кык блок, кызы пачка "Кэмел"...

— "Кэмел", шуан? — чуймыштөмсьыс кыптөмджык гөлөсөн юалис Вячеслав.

— Но, "Кэмел", — стөчмөдіс Павлөвич.

— Кэ-мел... — кывсө торйөддөмөн аслымоз бара на шуис Ивашка, а сэсса шыасис полковникъяс дорө: — Вурдысь, а стөчджыка кө, кык кока көин водзалөма миянөс. Но, бөрнад немтор нин он вөч... Колянныд меным уджйөзаөсь, а уджйөзыд абу гез, оз рыжмы. Бур туй тїян! — кинас өвтыштөмөн кыв көрталіс Ивашка, крута бергөдчис да син лапнитігкості и саяліс сылөн мышкыс козья понөльяс пөвстө. Пол-

ковникъяс весиг эз удитны юавны Вячеславлысь, кодарын станциясы, ылын-ö сэтчöдз? Татчö локтиганыс, сьöкыд нопьяснаныс кыскысигөн найö эз видзöдны ни водзö, ни эз гонньöдлыны юрнысö öтарö-мöдарö. Улöдз копыртчöмөн восьялiсны Мошкалев бöрся, надейтчисны сöмын сы вылö, видiсны-ёрисны тайö помасьлытöм сьöкыд туйсö, пель-помъяснысö личкысь сьöкыд мешöкъяссö.

Гортас бöрсö мунны эз жö öтнанысөн чайтны, кутiсны лача кольбодысь вылö, а со кыз артмис: колисны дзик öтнанныс тайö зумыш пармаас да нöшта на и вой улö...

Полковникъясысь торйöдчöм бöрын, Ивашка туй визьсö кутiс неумын во сайн тшем пемыд вöр шöрысь адзöм важсыс-важ ичöтик керкалян. Кыпöдлöмаöсь сийöс код тöдö кор, гашкö, кольбө нэмын на. Первой волiгас на сийö гөгөрвоис: вöралан керкаыс важөн нин овтöм. Ни ар, ни тулыс сэтчö некод абу вольтöма. Код тöдас, кöзияныс, гашкö, важөн кувсьылис, а матыс рöдас, семьяс кыйсьысь-вöралысь рöдыс эз вöв. Со и кольбодö ассыс кузь нэмсö керкаыс öтнас. Пöлынтчыштöма нин, улыс керъясыс сiсьмöмаöсь да, но выдiджыкас лэчyd чер на оз мörччы: лы кодь чорыд.

Öтка керка дорö эз вайöд весиг пода ордым, нитш, сьöд турунвиж шепта ош нитш, туöма весиг öдзöс водзас.

Ивашка öни некодöс эз кöйи адззыны, мыйкö дыра кад кöйис кольчывны сöмын ас кежас и мöвпавны, мöвпавны. Вошöмторийс ёна жаль вöли сылы. Торйөн нин спиртыс. Эз, сийöс эз нин кыскы юмö, а кöтасьлөм-кынмөм бöрын чорыд зельёыс, турунъясөн кö сулöдны, бур лекарство эськö вöли. Вöли эськö, но со, абу...

"Вурдысь! Вурдысь веськавлöма гырка пипу дорас! — дöжнасис Ивашка. — Кодi нö эськö, кодi?.. "Кэмел"... Леонид сийöс куритчöдiс татшöм сигаретнас... Сылы сийöс сетöма Олег Першиков... Олег, дерт, варыш, но тшöтш, инö, и вурдысь? Збыль ли мый? Вöралысь гусялö вöралысьылысь?! Водзti некор вöвлытöмтор! Сэтшöмыслы пармаын вöчнысö немтор! Парма оз сибöд, öддортö татшöм войтырсö, но Олег, тыдалö, оз тöд, а, вермас лоны, оз пукты пыдди пармалысь вывтi чорыд законъяссö... Вурдысь овмöдчöма татчöс вöрын! А кодкö кö мöд гусясис? Воштысьлөн, шулöны, сё грек, а гусясьысьлөн öти...

Но öд "Кэмел" сигаретыс сы вылö индö!" — юрсö жуглис Ивашка. — И локтöма Олeгыс другъясыскöд лун-мöд сайын и, дерт, тайö туйтыс жö?!

Сьöкыд мөвпьяс бергалiсны Ивашкалөн юрын: "Адззыны да ректыны кö нин кутiсны дзeбасъяс, морт сямтöм öбичаа горш йöз кутасны куштыны и вöралан керкаяс да тшамъяс". И кымын дырджык бергöдлiс татшöм мөвпьяссö юрас, сымын дзуг да петан туй адззытöмөн кажитчис сылы танi водзö вылö кыйсьöм-олбöмыс. Вячеславöс эз кыскы аслас вöралан керкаö, эз кöйи адззыны Мошкалевöс, эз вермы эськö кывзыны сылысь норасьöмсö, няргөмсö.

"Колö коть сутки олыштны öткөн, сöмын ас кежысь, ставсö бура артыштны, — аслыс шуис Вячеслав. — Аски татысянь веськыда пета лэч туй вылö, эз на кö мун, адззысьла Леонидкöд. Сёрнитыштам, лоö-ö и водзö кежлö кыйсьыны позянлунным.

Ивашка восьтiс вöралан керкалысь "öдзöссö", позьö кö сiдз шуны йöра кучик торсö, мыйөн во куим сайн вевтгылис öдзöс розьсö. Пытшкас вöли пемыд. Дзик öти стеклötöм öшиньсö сийö кольбө во на тупкылис йöра ку торйөн жö да öни югыдыс пырис сöмын восьса öдзöсöдыс. Пыран стен бокас, пельöсас сулалiс изья гор, грездса сьöд пывсянын кодь. Сийö и шоньд сетысь, и пусян пач. Кольбөм восьянь тайö керкаас некод абу пыравлöма. Сюйлис кисö нар улö да быттьö асывнас пуктылöма, перийс сэтысь консерв улысь литр төрмөна жöч банка. Гор весьгас, пельöсса сёр улын öшалiс вель ьдждыд гөмзыль — сартас кодьöдз косьмөм йöра яй. Пузёдас чай, эм со яй — шоньд керкаын ззв бура позьö кольбөдны войсö. Кольбөм во, полковникъяс моз жö, вывтi уна босьтiс сьöрсыйс йöра яй. Öдвa и воöдчис тайö

керкабдыс. Пывсянас яйыс дыр каднас чеган кос лоома. Вомад ичотик тор сюян да паренча моз дыр позыб няклявны. И чоскыд, и потос...

Потолкбердса сёр вылысь Ивашка лэдзис некымын кос пес, ломтис горсё, лэччыліс шор дорё банканас вала, пуктис би дорас пузёбдны, а ачыс гор ваймытёдыс босытчис заптыны пес. Водзё кежлө. Он од тд, коркё бара тани ковмас узымдчыны. Вөралан керкаын кос пес — быть коланатор. Пес вочыштём бёрын сылы жё сёмын тдса местаысь вайис чай вылө марьямоль вуж, мыськис сійос шорын да тшынтём нин пывсянас пырём бёрын посьнёдомён китырнас пуктис быдмөг вужсё жваркйёмён пуысь банкаө. Мед бура заваритчас чайыс да лоө кораджык, банкасё вевтгис пельосысь аддзём стеклө торйөн. Ставсё тайос вочём бёрын лэчыд чернас зэв вёсньыда вёламыштіс йёра яй, нёшта на посьнёдліс да сійён и ужнайтыштіс. Кос йёра яй вермө вежны и шыд, и нянь. Ветлөдлы вөрөд коть лунтыр да кадысь кадө зепсыд суйыштав вомад кос яй торьяс — он и тшыгмыв, и выныд пыр отмында.

Шоныд пывсянса нар вылын куйлігөн Вячеславы дум вылас усины полковникьяс.

"Кытчө да кыдзи-мый вот узымдчисны-а? Сійө со шоныд керкаын, вевт улын, а найө од восьса енэж улынөсь; и отарсянь, и мөдарсянь пөлтө. Виставтём, велөдыштём вот лои, воас-ө вот юраныс вочыштны лыс чом либө коть нин төв сайтор. Мунісны гөстясыс и, тдөмысь, оз нин некор сэсся воыны. И мед. А Вячеслав на йылысь аски жө вунөдас. Бурнас казытывны найос нинөмысь, а лёкөдны... Мыйысь и лёкөдан пармаө некор петавлытём да та вёсна вёрын немтор вочны кужтём йөзсө? Мунісны и — мунісны, мый наысь. И черисысь уджйөзыс оз ков. Ставыс кө лоө лючки, уна на кыя. А найө, тдөмысь, оз и мөдөдны немтор".

Ивашкалы дум вылас усины Олег Першиковлөн кыйсысь ёртьясыс — кык инспекторыс да милиционерыс. Сійө төдіс: на пиысь некодлы тани и юрас оз воы удж кузьяс шөр могныс — видзны бырөдөмысь зверь-пөтка, выйчери. "Көнкө оти мөвпөн и олоны: унджык эськө лэптыны ваысь чоскыд гөрд черисө... Да эм-ө нёшта кодкө ярджык, горшдджык да совестьтөмджык браконьер татшөм инспекторьясысь да отпускалысь милиционерьясысь? Абу! Найө **власть!** Сідзкө и став законьясыс на кыин. Вөчасны, мый көсьясны, и суд ни рад! Нинөм налы паныд оз мөрччы! Видлы, индыв чуньнад сэтшөмьяс вылас — ачыд жө и мыга колян. Налөн юрсиныс оз вөрзысь, а тэныд водзё вылө кыйсыны оз кутны сетны. Кытчөкө крукасыны од пыр позыб".

Варышгясён Ивашка лыддис пармаө локтём погона став йөзсө, гырысь чина служащөйясөс, а на діно отлаөдліс и егерьясөс, и чери видзысь инспекторьясөс, кодьяс зептаныс новлөдлөны печатя да фотокарточкаа удостоверенияс. "Россияын од сёмын печатя бумага вылө и эскөны, а сэсся, пытшкөссяныыс мортыс мед коть и сись, төщө. Уджсө сэтшөмьясыслысь донгьялөны йөз водзын больгыны кужём сертиыс. Удж выланыс на пиысь кодсюрө, гашкө, и петкөдлөны асьнысө водзмөстчысьён, но вөрө ас вөлясысь, окотасысь веськалөм бёрын пөшти ставныс лооны варыш гыжьяось, коинлөн кодь пиньясаось, зэкьясысь нинөмөн торьявтөмөсь.

Көсьян кө, медым татшөм погона йөзсысь да инспекторьясысь вөлі кутшөмкө пөльза, накод колө ёртасыны, а войдөр, дерт, мевйөдны. Тундраын рөдмөны уна пөлөс пөткаяс. На пөвстын эмось и вынтём, быдөнысь полысь зверьяс да лэбачьяс. Но поздысьөны найө варышгьяскөд да кутшгьяскөд орчөн и шог ни маета оз төдны — бур дөзьөр улынөсь, а кутш ни варыш орчөн олысыяссө оз кедзөвт. Со и Сана повтөгджык мөдіс вөравны, кор аскөдыс кутис вайөдывлыны угоддьө вылас милиционерөс либө общественной инспекторөс. А мый төлкыс КГБ-са прапорщик Мошкалевысь либө москваса полковникьясысь.

Алкоголикъяс, ваён соралом спирт лун-лун дучкисны, эз палявыны. Мыйкө кө, дорйисны эськө? Мед эз! А Олегос дорйоны. Повтөг сійө кыпөдіс Лымва ді вылө керка да со нөшта на паськөдчө стрөйбанас. Куломъяссө вөйталіс дібөжса йирас, көні сулалөны ком, кебөс да тшөтш и выйчерийс эм. Вөтлы тэ сійөс сэтысь, видлы!"

Гажтөм мөвпгъясас вөйтчөмөн Ивашка куйліс стенбокса нар вылө вольсалөм кос нитш вылын, видзөдіс ваймысь гор вылө да эз и төдлы, кызди унмовсис. Садъмис югдігас на, но шоныд керкаын, небыд кос нитш вылын узис да кыліс асьсө личалөмаөн, бура шойччөмаөн, вынаөн. Нөдзөвтчыліс, нюжйөдлыштис ки-кокгъяссө да пуксис нар вылө.

"Асылын чечан да медводз мыссышт көдзид лысваөн, сынав ус-тоштө, пестыч каллянтө да и артышт, мый кутан вөчны луннас", — юрас воис дедушыслөн велөдөмыс.

"А менам кө оз на быдмы тоскыс и ускөй абу на?" — юалас вөлі вит арөса Ивашка.

"Абу на кө ус ни тош, босьт майтөг да быггья ваён мыськы чужөмтө,— сералө дедушыс. — Эн вунөд и зырымтө сульны, медым сөстөм сынөдыс бура ветліс ныр пырыд лолалігөн".

Ивашка шпыньмуніс дедушсө тэдзи казгыштөмысь да көмтөгыс и лэччыліс шор дорө мыссыны. Вөралан керкаас кайөм бөрын биасліс горгьяс, шонгыштис ытсыныны пүзөдлөм чайсө, өдзөс порог вылын пукалөмөн куритчис, көмасис-пасгасис да веськыдалөмөн мөдөдчис босьтавтөм на петляяса да пезьдөдлытөм чөсьяса лэч туй вылас. Рытлангыс Вячеслав воас Сана ордөдз да узьмөдчас сылөн керкаын. Сөрнитанторийс налөн лоө ытыывбид кежлө.

Лун шөр гөгөр Вячеслав вөлі нин аслас лэч туй вылас. Пожөм вөра өти эрдтор вылысь зон казяліс му вылын пукалысь дозмөрөс. Син лапнитігкөсті нетшыштис пельпом вывсьыс ичөт калибра винтовкасө, клутш-клотш гальснитис затворнас да муртса на дозмөр чеччыштис, мед лэбзыны, лыйис пөткакыс неуна вылөджик: лыйигкостагыс пөткакыс буретш пуля лэбан визяс удитас кыпөдчыштны.

Сідзи и лои. Дозмөр швачкысис-уси му вылө.

"Талун кежлө өти эм!" — радлыштис Ивашка да бара зьялкнитис винтовка затворнас.

И сэки сійө жө местасыс кыпөдчис мөд дозмөр. Лэбачысь ки вомлөс вылөджик жуныгыс мөд пуля. Дозмөр бара уси.

"Но-о! Мойвиө талун, мөд дозмөр со усыкөді, и кызкө ыззөм-вывсьыс бара нетшыштис затворсө да воддзаяс мозыс жө лыйис кыпөдчысь коймөд дозмөрлы. Жмуткысис и сійө, но Ивашкалөн син водзас югнитліс мыйкө югид визьөн усысь дозмөр сылісянь мулангыс.

"Мый нө тайө, Енмөй Господьөй — чуймис Вячеслав. — Ог-ө өти и сійө жө пөткасө тшолкөд? Дозмөрыс, чайтсьө, сутуга петляын. Шонді водзас сутугагыс, буди, и дзирдовтліс".

Ивашка өшөдіс ичөт калибра винтовкасө пельпом вылас да мөдөдчис дозмөргьяс пукаланінлань.

"Сідзи и эм, өти дозмөр со тыдалө, петляө кокнас веськалөма! - гөгөрвоис Вячеслав. — Но и бур... Мый эськө куті вөчны, куим дозмөрөс кө усыкөді? Өд ковмис эськө аслам керкаө бөр косны. Кытчө нө куим пөтканас? Нөшта өд и лэчгьясө веськалөмаяссө ковмас кыявны... Оз и төр ноппө!"

Ивашка чайтис, мый дозмөрыс вөля вылын да лыйліс вылөджик. Та вөсна сійө весиг эз веськавалы пуля улас.

Лэч туйті петляяс босьталігтыр да чөсьяс пезьдөдалігтыр мунигас вөралысылөн ноппыс пыр сьөкталіс и сьөкталіс. Сана ордө воис тыр ноппөн нин. Туяс аддзыліс енэжөд лунвывлань лэбысь дзодзөггьяслысь ыджыд кельөб. Пөткакыс лэбисны зэв выліті. "Водз тулыс лоө локтан во и ыджыд ва", — казгыштис йөзкостса приметасө Ивашка, кодөс дөдсяныс жө кывліс. — Арыс со таво ёна нюжаліс: сентябрь пом, а эз на лымгьявалы. Кузь ар пуксыліс, сідзкө, водз воас тулысыс, ыджыд ваа".

Туй выв йӧз неминучаынӧсь

Ас кежаныс кольӧм полковникъясӧс шымыртис полӧм. Кольӧдчӧмыс лои зэв кос: кутчысьлытӧг, водзӧ кежлӧ ёртасьны кӧсийсьтӧг да "слӧйман кӧ мянлань, быть кежав, ӧдзӧс пыр лоӧ восьса..." кывъястӧг. Эз кор найӧс шойччыштны мӧд во и Ивашка. Сідзкӧ оз и кут виччысьны, а сытӧг налы Лымва вылӧ туйыс пӧдса.

Полковникъяс весиг эз удитны юавны Вячеславлысь, орччӧн вомӧнтысь паськыд визиртыс кодарлань колӧ мунны, мед веськавны Котшмӧс станцияас. "Бур туй" — и ставыс, мый кывлісны Ивашкасянь.

Ӧні вӧрысь петысьяс муртса эз воны зыкӧ.

— Шуйгавыв колӧ мян мунны, эсылань, — индіс Федотыч.

— Кыдзи шуйгавыв?! Веськыдывлань, — паныд сувтіс Павлӧвич. Татчӧ ми локтім сэтчаньысь да гырка пу дӧнас кежим шуйгавыв. Сідзкӧ, визир вылас кӧ видзӧдны гырка пу дӧнсянныс, но, тасянь, колӧ сетчыны веськыдывлань.

— А ме шуа сэтчаньын станцияыс, — ас кыв вылас сулаліс Федотыч.

Сідзи эз и воны ӧти кывйӧ.

— Кадыс рытъявыв, мудзим ёна. Вай талун некытчӧ татысь ог вӧрзбӧй. Биасям да узымӧдчам, а аски, шойччыштӧм бӧрын тыдавны кутас, кытчӧ мунныс колӧ.

Федотычӧс кесійӧдлыны эз ковмы. Весиг рад лои шойччӧм вылас. Медкыз коз дӧнӧ чукӧртыштисны пес, но кужтӧгыд биыс ломзяліс сӧмын час джын либӧ унджык ноксьӧм бӧрын. Кӧрӧб джын истӧг видзисны. Бипур лӧсьӧдӧм бӧрын разисны ноп кӧвъяснысӧ. Сёяныс — буханка джын кымын сукар да солалӧм ком чери. Ӧд став надеяыс вӧлі гырка пипу вылас. Сэні вӧлісны яя консерв банкаяс, спирт, галетьяс, и со, нинӧм абу. Гашкӧ, килограммӧн морт вылӧ сёйисны сола черисӧ сукар йиригтырйи. А кылӧдны кос сёянсӧ вӧлі нинӧмӧн. Термосыныныс чайнысӧ локтігас на юисны, а выльсӧ пузбӧдны нинӧмӧн: некутшӧм доздук, весиг жӧч консерв банка сьӧраныс эз босьтлыны. Сідзи, чай юыштӧг и лои ужнайтӧма. Сэсся тэчисны би вылас пессӧ, мый вӧлі чукӧртӧма, пуксисны орччӧн да регыд и вугыртисны кыкнанныс. Садьмисны, кор кынмыны кутисны. Бипурыс посни шомӧдз ваймӧма, сэрапомъяс сӧмын кольыштӧмаӧсь. Пукталісны пес пом колясьяссӧ чусалысь ӧгыр вылас. Би бӧр ломзис, но дыр-ӧ кежлӧ... Пес запасныс сэсся эз вӧв, а арся войыд пемыд. Бипурса ичӧтик биыс воськов дасысь ылӧджык оз югдӧд, а кос пескыс сы ылнаас эз нин коль. Югыднас сэтысь, мый сюри, Павлӧвич кыскаліс. А ӧні, пестӧгыд, бипур регыд кусі. Кыкнанныс кутисны кынмыны. Рӧкыд вылад нӧшта и войтасыны кутіс, а сэсся и зэрмис.

— Турдам, изӧймитам тані асылӧдзис, — норасыштис Павлӧвич, ӧгыръяслань матыстліс часіа кисӧ. — Со, дас кык час на оз петкӧдлы, а коркӧ сизим бӧрын вӧлісь югдас. Кӧть мый, а колӧ корсьны пес.

— Татшӧм пемыднас? Кытысь ӧні аддзан? — нора шыасис Федотыч.

— Кималасӧн кӧть, но ковмас корсьны! Кулам ӧд, кулам тані!

Федотыч чӧв оліс.

— Кӧть мый, а ме корсьла пессӧ! — пукаланінсьыс чеччис Павлӧвич. — Мед ылӧ оз мунсы, мед вӧрас ог вош, тэ, Федотыч, кадысь кадӧ горӧдчывлы.

Вель дыр собаліс вӧрын Павлӧвич, но куйм сісь мыр кызкӧ вермӧма чужъялӧмӧн чегны да вайис. Зэрысь кӧтасьӧм мыръяс дыр эз ӧзйыны, вылітыс косьмигӧн ёна тшынӧдісны, но сэсся коркӧ и ӧзйисны жӧ. Бара лои гажаджык.

— Тайӧ, дерт, асылӧдз оз тырмы. Бара на ковмас пӧв-мӧдысь ветлыны, — водзӧ кежлӧ майшасьӧ Павлӧвич. — Гашкӧ нӧ ветлан, Федотыч?

— Меным оз сюр... Воша нӧшта вӧрас... Тэ тӧлксӧ ӧні тӧдан нин, ветлы инӧ... Ме чуксасьны кута, он вош.

— Нем вöчны, ковмас ветлыны, — вочавидзис Павлöвич, чеччис бипур дорыс да бара пырис вөрö.

Тайö пöрийö öтчыдыссьö сийö вайис нель мыр, а мöдыссьö вöсньыдик, но вель кузь пöрöм кос пожöм.

— Öдва и кыски, но добра-а! Öни сэсся асылöдзыс кызкö-мыйкö кыскысям, биаöсь лоам.

Павлöвич кузь пожöмыслысь шöрсö би вылас вожгöдiс. Орччөн, öтарас-мöдарас мыръяссö пуктiс.

— Сотчас да кузь пусыс кык краж лоö, орччөн бара пуктам би вылас шöрнас жö. Тадзи и вуджам войсö. Но ме чайта да, кыкнаннымы öттшöтш узьны оз позь. Öтиным кутам дежуритны, а мöдным узьны. Кык час мысти вежсям.

— Сöглас, — вочавидзис Федотыч. — Ме, сiдзкö, öни узьышта, а кор кадыс воас, чуксалан...

— Бур... Узьышт...

Кык час мысти Павлöвич чуксалис би видзны Федотычöс, а ачыс, биыс яра ломтыссьö да, боклань вешйыштöмөн куткыртчис нитш вылö.

Дыр-ö, регыд-ö коли кадыс, Павлöвич садьмис Федотычлөн ойзöм-горзöмысь, а сэсся и матькöмысь. Сийö вöли швачöдö тшыналысь курткасö пуö. Курткасыс би киньяс сöмын и сьакйöны. Оз кус да Федотыч шыбитiс öзйысь паськöмсö нитш вылö да видчигтырйи кутiс тальяны...

Шуйга пöлаыс вель ыджыда сотчöма да öд буретш пытшкöс зеп весьтгыс, кöни вöлины документъясыс да деньгаыс. Паспортыс шом кодь лоöма. Пуö кучкалöмсыс да таялöмсыс дрöбитчöма, киас немтор нин вöли босьтнысö.

Федотыч видчис кыз кужис, а Павлöвич, мед нин оз нöшта ёна дöзмы ёртыс, чöv олис. Та бöрын полковникьяс войсö сэсся колялисны узьтöг нин.

Асывнас, мыйöн сöмын югдыштiс, кыкнанныс скөрöсь, узьтöмось, тшыгöсь — полковникьяс петiсны туйö. Сёйнысö чериыс эськö вöли, но рыгнас этш тöдтöг сийöс сёйисны да öни вукöдiс, син водзаныс мед эз вöv. Косьмис горшныс, но кок ув кöдзыд ватö уна он ю. Прöсек вылын кежисны веськыдыв. Ас кыв вылас Павлöвич зумыда сулалис, а Федотычлы сэтшöм ыджыд неминуча бöрас ставыс нин кажитчис веськодьöн.

Тшыгйөн да нöшта и узьтöг войсö колялöм бöрын туйö петöм полковникьяс öдва довгисны зерьясысь нёйкалöм кадийсь прöсек вьвтi. Найö веськодьпырысь видзöдывлисны дыр мунöм бöрын паныдасысь квартал индалысь сюръя вылö. Сэтчö пасйöм лыдпасыс налы вöли гөгөрвотöм: некоднанныс эз тöдны, уна-ö нин лои мунöма узья местасыныс да ылын-ö на Котшмöс станциясы. Но дядьбяс, челядь моз радiгтыр, чиктылисны, кор муртса тöдчыс кок туйяса ордымыс лэччöдлiс чой горув, а водзын, зэв ылын шылькнитчöм увтасiнсян прöсекеыс быттö чепöсийлис енэжлань. Водзын, сiдзкö, лоö шор, сы дiнын и шойччöг.

Федотыч дась эськö вöли пуксывны прöсек вомөн пöрöм быд пу вылö, дзик пö нин лабич кодь, лолыштам пö, но Павлöвич стрöга öлöдлiс:

— Меным вылö тырмас и тöрыта-талуна öти войыс! Ныр вылö уся, но мöдысь войковтны осьса енэж улын шабаш! Мöдан кö каньгыны — коля!

Воштысьны Федотычлы некытчö, быть вöтчы. А сэсся сийöс öд Павлöвичысь на ёнджыкä повзьöдлiс муртса чусалысь бипур дорын мöдысь войсö кольбöдöмыс. Неминучаыс сийöс со öти войөн кутшöм суис! Öд кутасны кö туяс видавны документъяс, ковмас висьтавлыны йöй ногөн бипур дорын кольбöдöм войсö, мыгчöддыны сотчöм морöса курткасö. А эскасны-ö на татшöм мойдыслы? Эз, Федотыч и ачыс эз кöйы кольбöдны шуштöм парма шöрын нöшта öти вой да та вöсна кыв эз шулы Павлöвичлы паныд, а сöмын öддзöдыштлис оськовьяссö.

Лун шөр бөрын өти ёль дорын вель дыр шойччисны. Павлөвич лыддис деньгасё.

— Но, морё! Озджык на, буди, судзсы весиг билетгяс выланым, непёштё кутшөмкё сёян вылё!

— Общөй вагонын ковмас мунны, — нурбыльгис Федотыч.

— А тэ чайтін плацкарт либё нёшта купейнөй вагон вылё на нырйыса? Общөй вылас на со, мен кажитчө, озджык тырмы.

— Сідзкө, и збыльысь колө тэрмасьны, мед талун жө и веськалам поезд вылас, — повзис Федотыч да тэрмасьомён кутис разьны ноп көвсө, восьгис нопсө да кок улас кондіс мешөксьыс килограмм вит ком черисө.

— Мый нё вөчан? — паськөдіс сингьяссө Павлөвич.

— А-а! Черинас дай ставнас! Мед куваркангяс кокалөны... Ноп көвьысыс вундөмөн вундөны пельпомьясөс... Эбөсысь дзикөдз уси со ии...

Рөмдігөн полковникгяс кызкө-мыйкө воөдчисны жө Котшмөс посёлокөдз.

— А кывзы, Павлөвич? — шыясис ёртыс дорө Федотыч. — Вай ичөтикаөн вузыштам гөрд черинымөс. Дзикөдз өд жуялім да кынмим? Ньөблам доз... Нянь тупөсь вылё, билетгяс вылё на деньгаторйыс лишалыштас и?

Кежисны магазинлань. Вузасьысыс, магазинас некымын морт ньөбасьысыс вөлісны да, эз лысьт, тыдалө, черисө ньөбны. Полковникгяс нинөм ньөбтөг и петісны ывлаас. Сэні бергалісны на кодь жө, бритчгытөм да, тыдалө, мыйкө кыйөдысь мужикгяс.

— Кодькө тиян пиысь оз-ө ков сьөмга? — юаліс Павлөвич.

— Уна-ө коранныд? — матыстчис на дінө өти дядьө.

— Миянлы эськө сулеяөн морт вылё да шайт дасөн деньга? Кынмим дзикөдз, шонтысьыштны колө, а деньгаыс — Москваөдз билет вылё озджык тырмы, — донгьясьө Павлөвич.

— Сулеясө лавкасыс сетөны сөмын талон вылё. Мужикгяс төлысья нормасө кык рытөн и сысьялөны. Сійөн лавкаас некод оз и ньөб вынасө... Тиян өд абу жө тай сетөма вузасьысыс...

— Ми эг и корөй... Деньганым, шуи тай, билетгяс вылё Москваөдз озджык тырмы... Килограммөн мортгьыс эськө вузыштім гөрд черисө...

— Деньга менам абу, а верма вайны сулеяөн морт вылё аскур... Водкасыс сійө крепыдджык на.

— Вай, вай! — кутчысьліс дядьөлы сояс Федотыч. — Дзикөдз турдім... Көть нин шонтысьыштам...

— Тшук, сідзкө, сулышталй, — корис дядьө, — ме со этійө керкаас ола...

Аскур вылё гөрд чери тшытшөн мынтысьөм бөрын полковникгяс мөдөдчисны станциялань. Воча сюрьысь нывбабаяс сингьяснысө паськөдөмөн видзөдласны бритчгытөм чужөмгьяса дядьөяс вылё, а өтиыслөн нёшта и сотчөм паськөм вылё да ыліті кытшовтөны паныдөн локтысьясөс.

Көрт туй станцияын Федотыч пуксис диван вылё, кольччис видзны нопгяс да пищальяс, а Павлөвич муніс билет вузалан өшинь дорө. Кыдзи и чайтис, кык билет вылё сылөн эз судзсы өти шайт, но вель ыджыд кебөс чери лов вылё кассирша нюмгьялігыр на и сетіс билетсө.

— Час мысти воас тиян поездныд, — юөртис билетгьяссө мыччигмоз кассирша да пыр жө и тупкис ичөтик өшиньсө пөв торйөн. Ичөт станцияад билет ньөбысыс сэсья эз вөвны, а төдтөм дядьөкөд сёрнитны, дерт, вөлі немтор йлысь.

— Но, билетгяс лои ньөбөма, — Федотыч дінө матыстчөм бөрын тапнитіс кинас морөс зеп весьтас Павлөвич. — Öні позьө и шонтысьыштны.

— Дзик доз дорсьыс өд огө жө чурскөй. Кассиршаыс öні тэд төдса... Корлы стөкан...

“Линейный пункт милиции ст. Кочмес”, — стөкансө вайигмоз

лыддис өти өдзөс юр йылысь Павлөвич да өдзөслань кисё чургөдөмөн легйөдлыштис водз чуньнас, быгтьё кодөскө өлөдис: "Ми абу шышгьяс. Тi ас кечаныд, и ми ассыным жө туй кутам".

Полковникгьяс эз на удитны перйыны ноугьяссыс аскур сулеяяссө, воссис "Линейной пунктлөн" өдзөсыс. Сэтысь петис милиция формаа дядьё да нюмьялігтыр веськөдчис полковникгьяслань да дінаныс воём бөрын сетис честь.

— Капитан Никитенко... Кора тiянөс пыравны миян жырйө.

— Миян эмөсь документгьяс, видзөдлөй танi, — воча шыасис Павлөвич. — Менам эмөсь документгьясыс, а сылөн, — индiс Федотыч вылө, — сотчисны. Час мысти миян поезд...

— Немтор, немтор... пыраламөй недыр кезлө, — ас кыв вылас сулалс Никитенко да бара нюмьэвтис.

"Мойдгьяс вылын тадзи нюмьялө капканө веськалөм көчильлы наян руч", — ас кечас пасийс Павлөвич, но вөчны немтор: чеччис диван вылысь, босьтис киас пицальсө, а нопсө — пельпом вылас. Сы бөрысь кыпөдчис и Федотыч...

Милициялөн жырйө пырөм бөрын Павлөвич төкөтбө садьсө эз вошты: сэнi пукаліс... налысь черисө аскур вылө вежысь дядьёыс, а воча пызан вылас газет вылын куйліс гөрд чериысь вундөм кык тшытш. Жыргьяс нөшта вөлі милицияса лейтенант.

— Но, ёрггьяс, вайө төдмасымөй, — небыд, мурган гөлөсөн шыасис капитан. — Менө тi төданныд нин, висьтасьлі. Этaiө участкөвөй оперуполномоченной, лейтенант Павлов, а пукалысьсыс... Сiйө кык сулея аскур вылө вежөма тiянлысь эсiйө сьомгасө, — индiс пызан вылө. Павлов кутөма сiйөс вийчерисө магазинас вузалигөн, төдмалөма гражданиныслысь, кытчө тi мунінныд да со татчө и вайөдiс... Петкөдлөй, пөжалуйста, документгьяснытө.

Павлөвич тэрмасымөмөн перйис пытшкөс морөс зепсыс документгьяс да тшөтш и поезд вылө билетгьяссө.

— Час мысти миян поезд, — вылысь казгыштыс Павлөвич.

— Төда, висьтавлінныд... А тiян документгьясныд? — шыасис капитан Федотыч дiнө.

— Абу... Сотчисны... Паспортөй шомөдз... Этанi, зептын вөліны, — индiс сотчөм морөса куртка вылас.

— Унмовсьөма менам узигкөстi дежуритiгас, — содгiс Павлөвич, — со и суис неминучаыс.

— Но и но! — довкйөдлыштыс юрнас капитан. — Висьтасьөй, көнi кыйсинныд-вөралінныд?

— Асьным ми эг кыйсьөй ни эг вөралөй, — кутiс висьтавлыны Павлөвич. — Черисө вөралан припас вылө сетiс Лымва вылын кый-сьысь-вөралысь Ивашка... Ёртлөн документгьясыскөд тшөтш сотчiс и деныгасыс... Быть ковмис вежны черисө, кымим өна,.. — Павлөвич гөгөрвоис: сөмын ставсө, мый вөлі, лючки бура висьталөм бөрын найөс лэдзасны милициясыс. Федотыч, быгтьө дыр бөрдөм бөрын, сөмын шлюпкис нырнас да корсюрө гогнитліс юрнас: "Сiдзи ставыс и вөлі".

— Полковникгьяс, шуаннныд? — эскытөма видзөдліс Павлөвич вылө Никитенко да вылысь видзөдліс восьтөм паспорт вылас, а сэсыя и служебной удостоверениыскөд ним-вич-овсө өтластитiс.

— Сiдз... Дмитрук Николай Павлович... Москва... войскөвөй часть... веськөдлө военной кафедраөн...

— А тi? — шыасис Никитенко Федотович дiнө.

— Давыдов Владимир Федотович, полковник, ола Москва дорса Димитровка карын, өтлаын Дмитрукыскөд уджалам, военной академияын преподавательсыс... Со тай, танi вөліны, сотчисны документгьясөй... Туй вылө дөнья и...

— Вячеслав Ивашин, шуаннныд, гөрд черисө сетiс? — вылысь юалис Дмитруклысь Никитенко. — И уна сiйө гөрд черисө кыйө?

— Ми дырйи кулөмсө эз вөйтлы... Вөралiс... Важ запасас өти лов вөлөма... Сiйөс и сетiс... Шөриасим Федотычкөд.

— Кодъяс нӱшта сэнi кыйсьӱны?

— Миянӱс Лымва вылӱ нӱӱдысь Мошкалев, КГБ-са прапорщик... Ивашка висътавліс: Интаысь пӱ куимӱн воӱмаӱсь... Вӱр-ва видзъы да чери видзъы инспекторъяс, да промыслӱвик Олег Першиков. Но ми найӱс эг аддзылӱй... Печораысь пӱ заключӱннӱйяс кыйсьӱны ... Вертолӱтӱн найӱс сэтчӱ вайӱдӱмаӱсь. Но ми вӱрас пищальӱн эг петавлӱй да некодӱс эг и аддзылӱй.

Унаӱн пӱ кыйсьысьыс, висътавліс Ивашка, но ваыс ыджыд пӱ да немтор пӱ оз сюр. Ивашкаыс гортас жӱ мӱдӱдчӱ. Леонид другыс и, кодӱ ас керкасыныыс пӱ кыйсьӱ.

— Да-а! Йӱза, сідзкӱ, ӱнi Лымва вылын, — Никитенко видзӱдліс полковникъяслысь пищальяссӱ.

— Ни ӱтчдысь эн и лыӱӱй некоднансыс?

— Эг и петалӱй вӱрас да, — быттӱ яндысьӱмӱн висъталіс Павлӱвич.

— Вӱралысыяс тай эсы ынасыс волӱмныд... Восьтылӱй нопнытӱ, видзӱдлаам сэнi мый.

— Шобсынысӱ, капитан, тiян правоыс абу! — паныд сувтіс Павлӱвич.

— Эм... — индiс Никитенко пызан вылын куйлысь гӱрд чери тшытшъяс вылӱ, а сӱсся и пызанбокса улӱс вылын пукалысь дядьӱ вылӱ. — Чериыс, со тайӱ гражданиныс висъталіс, тiян... Вежӱма кык сулея аскур вылӱ.

Полковникъяслы быттӱ ковмис разны ноп кӱвъяссӱ. Милицияса капитан вольсаліс пызан вылас важ газетъяс да тшӱктіс ректыны нопъяссыс ставсӱ, мый эм. Черикӱд орччӱн сувтісны и аскур сулеяяс.

— С-сі-и-идз! Сьӱмга... Видзӱдлас серти килограмм куимӱн морт вылӱ... Кебӱс, кило витӱн морт вылӱ... Ком чери... Сьӱмгасӱ да кебӱссӱ кыйны оз позь... Веситам, гижам акт да дона черияссӱ конфискуйтам... — Никитенко перйис шкапысь пружинаа безмен да мурталіс сьӱктасӱ вийчери торъяслысь, а сӱсся и кебӱс черияслысь. Лыдпасъяссӱ пасйыштiс бумага вылӱ, петаліс станцияса буфетӱ да локтісны сэтчӱс вузасысьскӱд. — Ме гижышта акт, а тайӱс вузаланныд буфетаныд, — висъталіс буфетчицаыслы.

Буфетны вузасысь нывбаба полковникъяслысь конфискуйтӱм черисӱ нюмъялігтыр кутіс тӱчны ыджыд поднос вылӱ.

— Да кыдзи нӱ сідз позьӱ? — бӱрдан гӱлӱсӱн шыасис ӱнӱдз чӱв олысь Федотович. — Гортсаясӱс чӱсмӱдыштны кӱть ичӱтикаӱн лишӱдыштӱй? Кык лун татшӱм груз пельпомъяс сайын кыскалім, а со... Понлы бӱж улӱ!

Никитенколы, тыдалӱ, эз кажитчы сійӱс понкӱд ӱткодялӱмыс да стрӱга ӱлӱдiс:

— Сьӱмга да кебӱс аспомысь кыйны ни йӱз кийсь нӱӱбны оз позь!

Буфетчицалӱн чери подносӱн петӱм бӱрын капитан восьталіс пробкаыссӱ аскур сулеясысь да кутіс кисьтны аскурсӱ ва локтан кранувса тазйӱ.

— Александр Григорьевич, а гашкӱ, зельӱсӱ мӱд ног позис спишитны?... Кружкаӱн и... гуль-гуль. Актас, дерт, кыдз пӱлагайтчӱ гижаныд-а? — шыасис чери нӱӱбысь дядьӱ.

— А тӱкӱд та йылысь ми бӱрынджык на сӱрнитыштам, — коса вочавидзис капитан. — Висъталанныд, кытысь вузӱс аскурыд...

— Ставсӱ гӱгӱрвои, капитан... Чӱв ола сӱсся, ог шыав...

— Аскурнас вузасыны ни морт кийсь сійӱс нӱӱбны оз жӱ позь! — ӱнi нин полковникъяслань бергӱдчис милиционер.

— Кынмим ӱна, капитан ӱрт, — дорйысис Павлӱвич. — Ми ӱд сійӱс эг асьным вийӱдӱй... И черисӱ эг асьным кыйӱй ни...

— Ме гӱгӱрвоа... Абутӱм мыжсӱ ог тiян вылӱ и кӱвъяв...

Черисӱ веситӱмыс, протоколсӱ гижӱмыс, юасыӱм-висътасыӱмыскӱд да ружьяяс видлалӱмыскӱд босытiс час джын кымын кад.

— Капитан ёрт! Миян од билетяс... Поезд вылас сёрмам! Позьо кō, ставсō вōчōй ōдйōджык.

— Верми эськō и кольōдлыны тiянос, но мыжныд абу ыджыд да ог сёрмōд поезд выланыд... Эска, черисō эн асьныд кыйōй, ружьеяссыныд абу лыйльвлōмныдось... Гижам протокол, кырымаланныд да мōдōдам протоколсō удж выланыд... Сэни кыдзи видзōдласны асланыд администрацияныд?

— Капитан ёрт! Гашкō, оз ков письмōсō удж вылō мōдōдны? Сэтшōм неминучаяс пыр прōйдитим? — повзис Федотыч.

— Ковмас юōртны... Сэтшōм индōд миян сетōма, — быттō и збыльыс пикō волōм йōзсō гōгōрвоōмōн, жальпырысь вочавидзис Никитенко. — Ружье вылас Николай Павлōвичлōн документяс эм, эска, вōли и Владимир Федотовичлōн да ог мырдды, а актяссō, со кырымалōй да, коланаинō ковмас мōдōдны быть.

Павлōвич мōдысь тшōктытōг кырымасис, а Федотыч мōдлис пык-сьыны.

— Но, кыдзи кōсьяныд! Асьныд жō поезд вылас тэрмасяныд... Кольчылōй, сiдзкō, Владимир Федотович...

Та бōрын ōдйō кырымпасьяссō пукталiс актяс вылō и Давыдов. Полковникьяс зiля кутiсны бōр чукōртны нопьяснысō. Ōни мешōкьясыс лоисны тōдчымōн ичōтджыкōсь. Никитенко полковникьяслы нуōм вылас торйōдис сōмын ком чери.

— Капитан ёрт, а тi кōть кушшōмкō справка меным гижыштōй... Ас вылō, кодi ме сэтшōмыс да ружье вылō? — корис Федотыч. — Гортō вотōдз ōд вермасны и прōверитны туйын либō Москваын?

— Бур, бур! Тайōс ме вōчи нин, — вочавидзис Никитенко, пуктiс гижōда бумага вылō печать да мыччис Давыдовлы.

Нопьяснысō сōвтōм да Давыдовлы колана справка судзōдōм бōрын, полковникьяс збоймыштiсны, ыззыштiсны.

— Вывтi нин яра службатō нуōдан, капитан! — скōр нюмōн шыасис Никитенко дiнō Павлōвич. — Ассиян ми ог жō кольōй уджйōзабн... Бōрас эн кут видны миянōс, службаыд кō турки-тарки кутас мунны!

— Норасьōй, пōжалуйста... Тiян право... А со и поездыд воис... Тэрмасьōй! Котшмōсын сiйō сулалō сōмын вит минут...

Сана петō пармаысь

Леонидлōн вōралан керка дiнō воōм Ивашкалы синьяс улас уси ёртыслōн ывла вылō энвотōм пищальыс. Ōдзōс куричланыыс нёрвотōмōн, ствольяснас вывлань сулалiс.

“Санаōс, бур, мый гортас суи, — ас кежас радлыштiс Вячеслав. — Уна юōр-сёрни эм... Юр бергōдчō... А сiйō, но морō морт, пищальсō йōйыд уличō кольōма!” — босьтiс ружьесō да аскōдыс пыртiс керкаас.

— Овнытō, Лёня, дышōдис? — чолōмасьōм пыдди юалiс кōзиянлысь. — Вōр-васō экьяс гежмалōны, вурдысьяс шышыйсōны, а тэ со улич вылō пищаль энвотōмыд! — кōритыштiс. — Кытчō пукта?

— Зарадтōм ōд... Сувтōд эсiйō пельōсас, — ōвтыштiс кинас Леонид. — А сэссия кодлысь ме туйсō вуджи, кодлы кола?

— Но, сiдз кō нин, ачыл, гашкō, и збыль некодлы он ков, а татшōм пищальтō колō эськō и синийштны, дiнаджык видзны. Эм-ō кодлōнкō нōшта татшōмыс матiгōгōрын кыйсьысь-вōралысьяслōн, код тōдас? Аددзасны, петас вежныс дай шышнитасны, он и тōдлы!

— Сōглас тэкōд, Славик, сōглас. Пищальыслōн и збыльысь доныс ыджыд да нōшта он на и судзōд сiйōс некытысь. “Зимсон”, нималана германскōй фирмаын вōчōма. Татшōмыс сэссия мирас, бельгийскōйысь кындзи, гашкō, абу... И вежыс ёна нин петō та вылō ōти вōралысьлōн...

— Кодлōнкō?

— Олег Першиковлōн... Пōв-мōдысь паныдасьлiм да синьяссō менам пищаль вылысь оз вештыв, завидысла тайкō войтыштасны, — серōктiс Леонид.

— Вур-р-ды-ысь! — пиньяс пырыс сӧдзӧдӧс Вячеслав.

— Мый нин сӧдзи нимтысян? Мортӧс ачыс кыйсьӧ, ассьыс сӧйӧ.

— Ассьыс-ӧ сӧмын? Ме гӧстьясӧс важ туйӧдз кольӧдӧ тӧрыт. Горсья пипуӧ, висьтавлӧ тай, гӧстьяс кольӧмаӧсь патроньяс, консервьяс, спирт, сигарет — местаыс сӧмын!.. Вурдысь веськавлӧма дзебасӧ...

— Ректӧмаӧсь дзебастӧ?!

— Быгтӧ мӧс нюльштӧма! Пуд сайӧ пӧ грузсӧ ногыяссьыс ректисны, висьтавлӧс Мошкалӧв. Полковникьясыс пӧ дзикӧдз эбӧссьыныс усисны, укшальмисны да нӧшта и кокьясныс зыртӧма. Ковмӧма кондысьны. Дзик пырсӧ вот эг ветлы. И со, местаыс сӧмын...

— Пуксы, чайникыс пӧсь на, — индӧс пач вылас Леонид, — чайтӧ юигмозыд и висьтась.

— А мый сэн уна висьтасьнысӧ? — кружкаӧ чайсӧ кисьтигмоз вочавидзис Вячеслав. — Грекуйта ме Олег Першиков вылас... Зэкъяссӧ ӧд Лымва вылас вертолётӧн вайӧдӧсны. Сӧдзкӧ, и мыжавны найӧс нинӧмысь. А Олегыс другьясыскӧд подӧн, кытӧ и ми ветлам, локтис. Ваянторьясас полковникьясылӧн кызь пачка "Кэмел" сигарет вӧлӧма...

— Но и мый? Ог гӧгӧрво, кытчӧ синан?..

— Колян волӧгӧн тэ менӧ "Кэмелӧн" куритчӧдин... Сетӧма, шулин, Першиков... Дарӧвӧйнас, сӧдзкӧ, и лышкыдасӧ...

— Но ӧд сӧйӧ сӧмки сӧмын на жӧ гортсыс, шуис, воӧма... Ньӧбис. Куритчысь морт ӧд вӧрӧ табактӧг оз кай да нӧшта и дыр кежлӧ... Уна, кӧнкӧ, ньӧбис, — оз эскыссьы Леониды.

— А код тӧдӧ сӧсся. Воштысьыслӧн, шулӧны, сӧ грек, а гусясьыслӧн ӧти... Места вылас дзик нинӧм оз туплясь, чашйӧм бумага чир оз тыдав. Сӧдзкӧ, эз ош пакӧститчы, а морт, шыш матыстчылӧма... Вурдысь!..

— Ог куж нинӧм татчӧ шуны, — шлапнитис бокас кияснас Леонид. — Дзебасысь йӧзлысь пуктӧмтор кӧ босьтис, дерт нин кодкӧ дзик сӧвестьтӧм морт...

— Гортад, инӧ, мӧдӧдчин? Вольпасьтӧ со гартлӧмыд-тӧбӧмыд, дозмукьястӧ мешкӧ идралӧмыд...

— Мӧдӧдчи тай... Лымва вылысь чери дугдӧс шедны. Лагерникьясыс юсӧ помӧмаӧсь кулӧмьяснас куимлатӧ. Висьтавлӧн тай, километр кузгӧ, ӧланас кӧ, кулӧмьясныс... Кор голяныс пӧтас? А сӧсся дун-мӧд мысти ю вылас сӧник петас, йи кутас. Гырысь зверьяс вылӧ петтӧдз уджышта, а сӧсся — февральӧдз прӧмыслӧвӧй отпуск. Декабрӧдз ӧнӧ танӧ меным вӧчны нинӧм. Сӧк кежлӧ ошгьяс гуас водасны, йӧраяс тӧвьян местаас чукӧртчасны, байдӧгьяс тундраысь воасны, кӧргьяс вӧраинӧ, тӧвсья пӧскӧтинаяс вылас локтасны. Кыйсьыштам тэа-меа! Кӧсийсылӧн ӧд мекӧд лӧччыны... Кольӧдин нин гӧстьястӧ и? — тӧждысянаа артмис юалӧмыс Леонидлӧн. — Мунам ӧтлаын... Аски... Тэнад керкасянь... Но?

— Вежон кымын кежлӧ кольччыла на, кутшӧмсюрӧ уджгьяс вӧчтӧм на колисны — кулӧмгьяс дзоньталыштны да идравны, капкангьяс тӧв кежлас весавны-дасьтыны... Нӧшта и Мошкалӧв на кага моз ме вылӧ ӧшйис...

— Мый нин сӧдз, йӧра кодь дядьӧыс?

— Сотчис пӧсь чайник ваӧн... Лядвейясысь кучикыс, чайта, кульяс... Кок вож коласыс на тшӧтш сотчӧма и... Кокъяссӧ "А" буква моз паськӧдӧмӧн керка пытшкын сӧмын и ветлӧдлыштӧ... Пес и ва дасьтӧ, мед нин ывлаас сӧтшӧмнас эз ковмыв петавны.

— Да-а! Делӧясыд тэнад, Вячеслав! Гӧстьясыдкӧд бабитчин, а ӧнӧ и Мошкалӧвлӧн пестунняӧн лоин... Но инӧ, мый сӧсся вӧчан, сӧдзи кӧ нин шуӧма лонысӧ. Гортсаясыдлы мый колӧ висьтавлӧны?

— А мый налы торгья висьталӧмгьясыс? Кыдзи эм, сӧдзи и висьтавлӧ: кольччис пӧ неминучаӧ веськалӧм морткӧд вежон кежлӧ кымын да лӧччӧд налы ӧти чукчи. Локтигӧн петляысь ловйӧн на перий, дзик свежйӧн гортӧдз воас.

— Оз нин тӧр, Славик, тэнад дозмӧрыд ноппӧ. Ӑдва нин юр

йылöдыс көртавынсьö верми. Аслам кыйдöсысь тянö мыйсьюрö гöснеч пыдди петкöдышта, а этайö дозмөрнад верд прапорщиктö, мед öдйöджык бурдö да дырсö оз манит тэнö. Быд бурсö тэныд, Ивашка! Эсийö варышгьясыскöд да вурдысьясыскöд öтнад венö эн пыр, паныд эн лöсьöдчы, кытшовтыштав! Кокаласны...

— И тэныд бур туй жö, Лёня!

Ивашкалөн чай юйгкості Леонид идралис вольпасьсö лöскас, сэтчö жö мешöкö сөвтöм дозмукъяссö катöдис. Ёртсö колльöдны Вячеслав петалис ывлаöдзыс. Сэни другьяс кутчысьлісны да Леонид веськöдчис кузь туйö, а Ивашка бөр пырис керкаас да лэчкö шедöм сьöлаясысь кутіс дасыгыны ужын.

Котшмöсын

Угрöса оперуполномоченной Попов, кыдзи и чайгис, Котшмöс станцияö воис водз асывнас на тепловозлөн шоныд кабинаын. Турунвиж рöма светофор вылö видзöдтöг, тепловозса машинист дженьыдика кыкысь личкыліс тутсан рычагсö, ньöжмöдис составсö пöшти пода морт мунан öдöдз да Попов лючки-бура и чеччис пöшти станция весьтас, аттьöаланаа öвтыштис кинас машинистлы, а мöдыс гогнитис юрнас, йöткыштис реверссö водзлань да уна дас вагонгьяса составыс синвидза кутіс öддзыны, тюрны войвывлань, войвывлань.

"Гортас на буди? Ковмас виччысьыштны, — станцияса милиция-лөн линейной послань восьлалігөн мөвпалис Попов. — Лючки, сідзкö, вои". Но эз на удит матыстчыны станция стрöйба дїнас, мöд улича вывсынь сэтчö жö, пöшти öттшöтш воис и капитан Никитенко. Чолö-масисны.

Станция вотчинаас көзяин, Никитенко кытшыляліс гырдазайдыс Поповс, вайöдис аслас жыр öдзöс дорöдзыс да пыртöдис кабинетас.

— Попов ёртыс мыйкö нö, татшöм водзсö? — юалис Никитенко.

— Олö тян посёлокын вöралысь Ананьев? — Попов судзöдис пытшкöс зепсыс блокнот, медым видзöддыны ним-вичсö да ссыянь и панны сёрнисö.

— Эм, эм! А мыйкö нö...?

— Немтор, сы йылысь кө... Вöралöма Лымва вылын... Аддзылöма сөтчöм керка, а сэни... Куим морт... Следствие нуöдны мяянсян Турышев муніс, прокуратураысь следователь... Колö аддзöдчывны Ананьевыскöд, мый син улас веськавліс, кодкöд аддзысьліс, юасыштны?

Никитенко пыр жö кутчысис телефонö, кытчöкö звöнитіс. Мыйөн лэптисны мöдар помас трубкасö, стрöг гөлөсөн тшöктіс:

— Ананьевсö ме дінö! Пыр жö!

Трубкаас, көть бокисянь и он гөгөрво мый висьталöны, кыліс мыйкö вылö ыстысьöм.

— Кор? Кытчö? Дыр кежлö? — юасис капитан, а ссыся ышловзис да сөдтис: — Но, ставыс сідзкö, — пуктис трубкасö.

— Абу гортас Ананьевыс, — висьталіс Никитенко Поповлы. — Тöрыт пассажирскойөн мунома Ярославльö... Лун куим кежлö пö...

— Кор мыйкö öдйö көсьян вöчны, пыр нин мöдарö артмö! — дöзмөмөн шлопнитіс ки пыдöснас пидзöсас Попов. — Глазьев менсым стöч юөргьяс Лымва йывсыс виччысьö, а мый ме сылы висьтала? "Абу гортас Ананьевыс... Төвзя сы бöрся Ярославльö?" Сідз ли мый?

— Мыйла пыр Ярославльö! Лымва йывсыд кутшöмсюрö юөр и ме верма тэныд висьтавын, — лөньöдис Поповс Никитенко, восьтис көрт шкапсö да перйис сэтгысь вöсньыдик папка, восьтис. Кызы со да пасьяв аслыд, мый коланаыс... Гижав: Лымва дорын матын аслас вöралан керкасянь кыйсьö ухтаса вöралысь Ивашин Вячеслав Евгеньевич. Шуöны Ивашкаөн. Олö Ухтаын, Космонавтгьяслөн улича, комынöд номера керка, квайтöд квартира... Вöраланінсыс лэччис гортас октябрь көкьямыс лунö...

Водзö кызы... Лымва вылас кыпöдöма керка да сэтгысянь вöралö

Крупняков Леонид Александрович. Санаён шуоны... Оло Ухтаын жö Комаровлөн улича, кызь öти номера керкаса коймöд квартираын. Крупняковыс вöрсьыс петис мян станцияö да поездön мунис Ухтаас... сентябрь кызь öкмысöд лунö...

— Зэв бур! Зэв бур! Ивашкасяньыс да Санасяньыс и колö босьтчыны разныс гөрöдсö! — нимкодьмис Попов.

— Энлы тэрмась, а кывзы водзö! — öлöдис Поповöс Никитенко да босьтис киас нöшта некымын гижöм лист. Со, водзö кывзы... Сентябрь 28 лунö Лымва дорса Котшмöс ю бокась мян станцияö петисны кык полковник. Москваысьöсь, военной академияса преподавательяс... Мешöкьясаныс гортаныс нуоны, вöлөм, сьöмга, кебöс да ком чери... Пудйөн кымын морт вылö. Кыйны да морт киясь ньöбны позьтöм черисö, килограмм дасөн мортысь, лои коммодыштны, актөн сдайтi буфетö. Выйчерисö вежыштöмаöсь кык сулея аскур вылö... Актас сийöс пасйи жö... Со, тöдмась... Вöравны да чери кыйны полковникьясыс абу петавлöмаöсь. Сидзкö, тэ на йылысь пырмунигмоз и пасйышт. Насянь чённöйяс... Налөн, дерт, кодкö видзись эм, көзяин пыдди... Нöшта... Лымва вылас пö кыйсьö другьясыскöд прöмысловик Олег Першиков. Интаись... Пасъялан?.. Пасъяв, пасъяв, лö кытысянь босьтчыны корсьысьöмад... Но, кывзы и водзö на... Во-от, сентябрь кызь витöд лунö Лымва йывсянь, а тайö пöшти Урал мусюрлөн подувсянь, важ туй кузя Котшмöс станцияö петисны Интаса госпромхозысь куим егерь. Юрнуöдис тайö котырнас старшöй егерь Жаворонков Василий Николаевич... Мыйкö кө содтöд ковмас, аддзöдчылöй и ськöд. Найö öд Лымвасö йывсяньыс горулöдзыс прöйдитисны, унатор аддзылисны-кывлисны. Вермасны висьтавны, кодi нöшта сэтгöс угодьöясыс кыйсьö, кодьяскöд паныдасьлисны туяс, мый йылысь сёрнитисны?

— Быть аддзöдчыла, Александр Григорьевич, аттьö...

— Энлы тэрмась, а кывзы водзö, — торкис Поповöс Никитенко. — Жаворонковыс меным висьталис нöшта... Сентябрь кызь нельöд лунö мянö петкöдысь визирбокса горсья пипуысь аддзöмаöсь дзебас. Сэни вöлöма банкаясын яя консервьяс, садат флягаясын спирт, ружьё патроньяс, "Кэмел" сигарета кык блок и нöшта унатор на. Куим лун пö нин сөйтöмось вöлим да ректöмаöсь дзебассö. Бөръя помыс яндзимыс, тыдалö, кутöма йирны татшöм ногөн гусьясьöмсьыс да меным ставсö и висьталисны... Адресыс Жаворонковыслөн менам эм. Верман и ськöд сёрнитыштны.

— Но, Александр Григорьевич! Сы мында тi меным висьталінныд! — нимкодьясис Попов. — Весиг со полковникьясöс лысьтöмныд шобны!

— Полковникьяс?! Ой, шуан жö! — серöктис Никитенко. — Кымöсаныс эз вöв гижöма, а ме динö чери вылö аскур вежысьöс вайöдисны. Чериыс пö мянянын поезд виччысьысь дядьöяслөн. Со и тöдмасим... Бритчывтöмось, öтиыслөн паськөм шуйга пöлаыс морöс зепсьыс вылöджык сотчöма... Паспортыс, служебнöй удостоверениеыс, деньгаыс тшöтш... Унмовсьöмаöсь бипур дiнас. Жаль быдөн мортыс лоис, но öд менам служба... А найö дзик шöйтысь йöз кодь, видзöдлас серти кө, вöлисны. А нопряаныс кыйны позьтöм чери, аскур сулеясыс...

— Аттьö, зэв унатор йылысь висьталінныд. Öни позьö нин и корсьысьöмö босьтчыны. Вай тэрмасьöмөн йитлöй менö коммутатор пырыд мян милиция отделенияса начальник полковник Глазьевкöд. Висьтала телефонсö, — пытшкös зепсьыс Попов кутис перйыны блок-нотсö.

— Энлы тэрмась... Глазьевыдысь телефонсö ме и тэтöг тöда... Водзö кывзы... Ивашкалөн вöрсьыс петтöдз мян станцияö Котшмöс ю дорсяньыс петис Мошкалөв... Ружьетöм, ноптöм... Полковникьяс висьтавлисны... Сийö пö налөн мунан лунö сотчöма пуан чайникыса пöсь ваён. Ивашкаыс, полковникьяссьö кольбöдöм бöрын, көсийöма бурдöдны сийös ош гөсөн. Мошкалөвыс Котшмöс станцияаным воис октябрь витöд лунö...

— А коді сійо, Мошкалёвыс?

— Прапорщик, КГБ-са служивой... Оло Ухтаас жо... Адрессо удж вывсыс висьталасны. Мошкалёвыс Ивашкасяньыс кывлөма — тайос ме эг гижав, ас кывъясон висьтала — кывлөма, мый сентябрь шорсян Лымва вылас кыйсьоны "Печорспецдесыс" вит ли кwait заключённой, лагерса көзяиныслы черисо кыйоны. Вайөдомаос найос вертолётон. Накөд вөлөма кутшөмкө "король". Но сійо пө, төдөмысь, вöрас кыйсьома, ружьеа пө сөмын вöлис... Кор найө бөрсө лэбины Лымва вывсыс либө öни на кыйсьоны, ог төд. Тайос аслыд ковмас төдмавны, Печораас нин.

— А ставсө жө нин төданьыд, Александр Григорьевич, коді пыравлө тиян станцияад! — ошкыштис Попов.

— Службаой сэтшөм... Кабинетын некор пукавнысө. Ветлысь-мунысь-локтысь бөрся видзөдны — менам мог... Но оз жө быдөн веськавлыны синьяс улө. Олег Першиковскийд пө кыйсьомаос чери видзысь инспектор да тшөтш и вöрса зверь-пөткаос дөзьöритысь инспектор, а со эг аддзыв, кызди найө сэтчө мунисны. Интасяньыс өд мянө поездон воисны и быть эськө кутшөмкө мөгөн мян станцияо пыралисны, а со эг аддзыв. Буди, петисны вагонсыс да мянө пыравтөг, станциянымос бокити кытшовтөмөн и кайисны вöрас? Бөр локтөмсө налысь эг жө казавлы... Көнөсь? Гашкө, век на кыйсьоны? Ог төд, а тэ шуан быдтор пө төда... Ог жө, сідзкө, быдтор... А öни докладывайт Глазьевыдлы... Сейчас йитчам...

Став кывлөмторсө Глазьевлы висьталөм бöрын Попов корис Никитенкоос, медым сійо паныдалас локтигас Ананьевсө, вильысь ставсө лючки-бура юасяс, гижалас да юөртас Глазьевлы, а аслыс матысса поездон Глазьев пыр жө тшөктис мөдөдчыны Печораө, Лымва вылын кыйсьысь заключённойслөн "көзяинкөд" тшөктис аддзөдчывны.

Попов гөгөрвоис: Лымва да ськөд орччөн визувтысь Котшмөс ю бокъясын кыйсьомаось зэв уна йөз. И вöралан керкаыс да сэтчөс куим мортыс кө сотчисны кодлөнкө мыж вöсна, а эз неминуचाысь, корсысыны мыжасө оз ло кокни. Дзугсьөм сунис төб ковмас гартны тупышө... И некыти ороддытөг, гөрөдьястөг. Сьөкыд удж сійөс Турышевкөд водзын виччысьө.

— Ставыс кө лючки, рыт кежлас мыйсьурө төдмала Печораысь. Атьгө, Александр Григорьевич, — киасис капитан Никитенкокөд Попов, петис сылөн жырыысь да кутис виччысьны Печоралань мунысь поезд.

Көни "гезйыслөн" помыс?

Лымва вылө вертолёт воис стөч куим часын. Сотчөм вöралан керкаын и сы гөгöрын туясьөм-корсысьсөм да бумага вылө ставсө пасьялөм бöрын оперативно-следственной котыр сөмын и удитисны öзтлыны бипур, пузьөдны чай да пажнайтыштны.

— Но, дасьөсь нин лэбны? Ставөн чукөртчиньыд? — юалис вертолётса командир Лапшин. — Эштөдчиньыд?

— Дасьөсь, дасьөсь, — вочавидзис Турышев. — Дзик стөча и воин. Пажнайтыштны да чай юыштны муртса вевъялим. Стөч воин, кызди и көсийлин.

— Сідзкө пуксялөй, — Лапшин лэдзис вертолёт пытшкөссыс морт судта пос, доровтис өдзөс весьтас.

Ставөн пуксисны вертолётө да сійө пыр и кыпөдчис сынөдө. Рыт кежлас повөддьяс бурмыштис, кымбөрьясыс кыпалөмаось да вертолөтыс вылітіджык нин лэбис, а эз асья мозыс пу костьясті кытшлав. Пемдытөдз на оперативникьяс лючки воисны Интаө.

Оперативной совещаниеос Глазьев нуөдис сійө жө рытнас. Полковник некодос торкавтөг кывзис Лымва вылө ветлысьсөс, а сэссия и ачыс сёрнитис. Висьталис, мый юөртліс сылы Котшмөс станциясянь оперуполномоченной Попов.

— Сідзкө, криминал! Кодкө, а гашкө, кодьяскө вылын зэв ыджыд

мыж ошалё. Прокуратура аски жё панас уголовной делё, и миян паськыда колё босытчыны туясыны. Оперативной группанас кутас веськёдыны Турышев ёрт. Бөрйой сямаджык сотрудникъясто, Владимир Николаевич... Гусьясьомьяс поэю и томджык сотрудникьяслы сетны.

— Ёна бөрйысыны оз и ков, полковник ёрт. Поповысь бур отсасысь-туясысь миян сэсса одвакё кодкё аддысыяс, — вочавидзис Турышев. — Ковмас кё кодкё нёшта, бёрасджык сюртам асланым уджё... Поповлөн ни ёти эрдөдтём мыж абу...

...Кыдзи и чайтис Попов, Печораё Турышев звёнитлис сийё жё рытнас.

— Аддысылан "Печорспецлес" подразделениеса начальникыскөд, вертолётса командирыскөд. Төдмав, кор найё воисны Лымва вылас, кымын лун сэни кыйсыны, кодй юрнуодис чери кыйысь зэкьяснас? Кыйсьёмсысь прөст кадё төдмав, эз-ё шөйтны заключённойсыс вөр угодыёясас дөзёртөг? Сэтчөс кыйсысысыс — Ивашовыс, Крупняковыс либё Першиковыс эз-ё воыны на динё? Кодлөн кутшөм пищальяс вёлыны? — быдтор йылысь юась, — туйдис-индалис Поповы Турышев.

"Печорспецлес" подразделениеса "көзяинлөн" кантораыс аэропортсыныс вёли матын. Но Попов эз сэтчө первой нырвизьсё кут, кежис аэропортланыс. Бурджык лоё, медвөйдөр кё сёрнитыштас вертолётса командир Лапшыныскөд. Но вертолётыс быд лунъя сулаланас эз вөв. Аэропортса службаысь некод жё эз төд, кор да кытчө лэбис Лапшин. Найё пё миянысь нинөм оз юасыны ни оз висытасыны, кытчө туйсё кутёны.

Поповы ковмис мунны "көзяинлөн" кантораё. Но и сэтчөс лагерьясса медыджыд начальникыс эз вөв места вылас. "Командировкаын, Москваын", — сөмын и висыталисны. Юалис, кытчө лэбис вертолётыс, но бара жё некод немтор эз висытав. "Ог төдөй, көни, кутшөм могөн сийё лэбалё, — сөмын и вочавидзисны. — Та йылысь колё начальниклысь юавны, а сийё со абу места вылын. Кор воас командировкасыс — ог жё төдөй. Сетам телефоньяс, звёнитлөй..."

Попов татшөм коса вочавидзёмьясысыс гөгөрвоис: лагерьяс вылын медся ыджыд начальник өлөдөма быдөнөс, медым бөкөвөйлы налөн йёзыс оз некод висытавны вертолётлысь лэбалам туйяссө. Со и артмө: "Ог төдөй..." — медся дженьыд и медся стөч воча кыв. "Печорспецлес" подразделениеё Поповлөн волөмыс лои дзык весьшөрө. Коли аддзёдыны "Корольс".

Аэропортын да "Печорспецлес" учреждениеын весьшөрө ветлөдлөмнас Попов воштис лун джынсө.

"Но и но! Овлөны жё олөмад шудтём луньяс! Мыйё босытчан — ставыс гугөн артмө! Вертолёттө, сы шөрө-водзё вёрсаыс, гашкө, парма пыдөсас лэбөдис! Уркаяслөн "көзяиныс" со Москваөдз утыртьөма, быгтёо сылөн коммунистическөя уджалысь бригадысыс вөр лэздан да гусьөн чери кыян плансө дас пөв вевтыртьөмаөсь и лагерьясса медыджыд чина начальникыслы, "көзяиныслы" ЦК-са Генеральной Секретарь ачыс ас кинас ошөдас паськыд морөс вылас Зарни медаль! Тыпу, дай сөмын! Муна со чери видзысыяслөн инспекцияё, а "Корольс" кё тшөтш кытчөкө вакулыс Войвыв ваясса медджуджыд йирас пыртис? Шудтём лун! Шудтём лун! Гашкө нё асылөдз энөвтчывны? Гезыс кё киё ставнас эз сюр, көть нин помсыс мед ёти пратьё верма кутчысыны? Мый юорта Турышевлы? Сийё, дерт, телефон дорын, юөр менсым талун жё вичысь! Бур и доклад артмас: "Сийё абу! Сийё Союза юркарын! Сийё нитшялөм браконьерьяс бөрся вөтлысь!.. Места вылас-ё "Король?" Места вылас-ё? Көть нин мыйкө-мыйкө эськө кывлыны Лымва йывсыс ловъя морт вомысь..."

Тайё пөрийё Поповлөн весьшөрө майшассьөма. Король — татшөм сылөн и овыс — вёли аслас кабинетас. Чина мортөн дядьёыс вөлөма. Печора гөгөрсса став юяс, висьяс да тыяс вылас медся ыджыд начальникыслөн первой вежысь! А татшөм чиныд өд абу вутш юр!

Поповы ковмис вичыштны приёмнояс. Секретаршаыс пыралис

пыдіджык кабинетас, недыр олыштѳм бѳрын петіс бѳр да юѳртіс:
— Прѳстмас да корас, пуксыштлѳй регыдик кежлѳ.

Регыдыс бура куритѳм дыра лоис. Но вочааліс милиционерѳс чери
видзысь шоныда: чеччыліс весиг небыд улѳс вывсыс, топѳдліс кісѳ,
тшѳктіс пуксыны матѳджык пызан дорас, быттѳ тѳдѳдіс, ми пѳ
прѳст сѳлѳмаѳсь. Поповлы тайѳ вѳлі кивыв. Мыйкѳ пастѳялыштны
пызан вылас кокныдджык пидзѳс вылѳ меститѳм папка вылын дорысь.

Лымва вылын неважѳнѳя кыйсѳм йылысь юалѳм бѳрын Король
кызкѳ топыдджыка меститчис небыд пуклѳс вылас, чукѳртыштіс пызан
вывсыс бумагаяс. Но кор гѳгѳрвоис, мый милиционер оз пырѳдчы
вейчери кыйѳмѳ, а сѳмын юасѳ, кодѳяс лѳччисны-кайсны на дырйи
Лымва кузя пыжѳн, кодѳяс ветлѳдчисны пармаас — сѳрнитны мѳдіс
пыр восьсѳнджык и восьсѳнджык, а кор кывліс сотѳм вѳралан керка
да сѳні кувсѳм куим морт йылысь, копыртчис пызан шѳрланьыс,
кутчысис юрас да кымѳссѳ кѳрѳмѳн зіліс быд поснитѳр вайѳдны
вежѳрас.

— Мый и вѳчсѳ, мый и вѳчсѳ, аминѳй! Но и но! Менам вѳралігѳн
Лымва вылын лицензияѳн кыйсисны “Печѳрспецлесысь” заклучѳннѳйяс.
Юрнѳдіс бригаданас майѳр Резник. Ті сѳкѳд аддзысьлыны регыдѳн
он вермѳй, начальникыс, кывлі, сійѳс отпускѳ лѳдзѳма. Гортас, Россияѳ
мунѳма... Найѳ чериалісны, а ме сѳмын сѳляасѳс кыйи, но рыт-асывсѳ
ми пыр ѳтлары вѳлім. Зѳкѳясыс торѳя, орча палаткаын олісны, квайтѳн.
Майорыскѳд ми кыкѳн мѳд палаткаас узылім. Сѳйим ставѳн ѳтувѳя
ведраын пуѳм ком черива, консервѳяс... Кыйсим сентябрь дас квайт
лунсянь октябрь квайтѳд лунѳдз, а сѳсся вертолѳтѳн бѳр локтім
Печѳраѳ... Майѳр Резник пыр бригадаыскѳд вѳлі, нырщикаліс чери
кыйысьяснас... Пес рыт-асыв кежлѳ дасѳтыны, палаткаяс сувтѳдны —
быдлаын сійѳ... Абу еджыд ки пыдѳсьяса морт, но, пасѳя, стрѳг
начальник: заклучѳннѳйяссѳ бура синіѳ, некытѳ ѳлыстчывны эз
лѳдзлы... Миян лѳбан лунѳ Лымва дішѳрса керкаыс, Олег Першиковлѳн
пѳ, дзоньвидза на сулаліс... Сѳн жѳ кыйсысь, Санаѳн шуѳны, коркѳ
сентябрь бѳрѳя лунѳясас, лѳччигас нин вѳрса туй вылын паныдасылім,
гортас пывсян кодѳ нопйѳн муніс... Браконѳе-ер! Ачым отпускалі да эг
тшѳкты восьтны нѳпсѳ. Кайліс-ѳ сійѳ ми бѳрын мѳдысь, ѳг тѳд...
Ивашка, Котшмѳс ю бокин сылѳн керкаыс, Сана мунѳм бѳрас
некымынысь воліс миян палаткаяс дѳрѳ. Пельпом вылас сылѳн пыр
вѳлі ѳшѳдѳма “ТОЗ-18” ичѳт калибра уна зарада винтовка. Зонмыс
вѳраліс, а эз чери кый. Та вѳсна ме сылысь немтор эг и юасьлы.
Вѳрса зверь-пѳтка ѳд егерьяслѳн видзантор. Сѳсся, кывлі, Ивашкаыс
договорѳн кыйсѳ... Сідзкѳ, бумагаяс, разрешеннѳ эм, мыйѳ крукасян?
И нѳшта со мый... Вот ѳд, тѳкѳтѳ эг вунѳд! — ки пыдѳснас тапнитіс
юрас Король. — Октябрь квайтѳд лунѳ Лымва вылѳ воис вертолѳт.
Кулѳмѳяс да палаткаяс транспорт пытшкас пыртлігѳн ми дѳрѳ волісны
кыкѳн. Висѳтасисны зверь-пѳтка видзысь интаса инспекторѳясѳн.
Вѳралан ружѳеясаѳсь... Удѳствѳрѳниеяснысѳ, кыв выланыс эски да,
вот эг юав, а асьныс эз жѳ петкѳддыны... На пиысь ѳтиыслѳн кык
ствѳла дас кыкѳд калибра ружѳеысь кындзи мыш саяс вѳлі дзик
Ивашкалѳн кодѳ “ТОЗ-18” винтовка... Сынѳдын нин юрѳ воис: “Кызди
сійѳ, Ивашкалѳн юѳ винтовкаыс, инспекторѳяс ордас веськаліс?
Тѳрмасиганым эг куалѳй. Винтовкаыслыс кѳзьянсѳ, Ивашкасѳ, сійѳ
луннас эг аддзылѳй... А сылѳн-ѳ винтовкаыс, ѳг жѳ тѳд.

— А кодѳяс найѳ, инспекторѳясыс? Водзті накѳд эн паныдасылѳй?
Но, кѳтѳ кутшѳмджык ѳбликныс, кызд пасѳтасѳмаѳсь? — кѳсийс
стѳчмѳдны Попов.

— Но-о... Вѳрѳд ветлан кокныдык, шоныд куртѳкаѳсь... ѳні пѳшти
быд вѳралысь ѳтѳодя пасѳтасѳѳ. Резина салѳгаѳсь... Куртѳка выланыс
кыкнанныс йиасѳмаѳсь тасма модаа патронѳашѳясѳн. Патронѳясыс
лыйтѳмѳсь югѳялісны.

— Но мыгѳрныс кутшѳм? Чужѳмныс? Юрсиныс нин кѳтѳ, —
стѳчмѳдаліс Попов.

— Вель топыд тэчаса дядьбояс. Отиыс весьтөн кымын кузьджык мөдсьыс... И... гөрдов юрсиа... Синмө шыбитчанаыс немтор эз вөв. Сэсся ми өд тэрмасим...

— Но, аттьо и таысь. Кузь тушаа да нөштá шатен юрсиа — рыжой — инспекторьясыс, чайта, Интаас абу унаёнсь. Ковмас накөд аддзөдчывны... Аттьо и сыысь, мый висьтальштінныд.

— Немторйысь... Мыйон верми отсыштí эськө, но сэсся нинөм ог төд. Мыйкө кө нөшта — со телефон номерой, — мыччис бумага.

— Көсийли вертолётса командир Лапшинсө, сылысь көзяинсө аддзөддыны, но эг су места выланис.

— Ме накөд ог жө йитөдсө кут, — ылөсас вочавидзис Король. — Вөзийсьли вөралыштны — босьтлісны... Сыысь нин аттьо, а сэсся лагерьяскөд некутшөм йитөд ог кут. Службаясным миян ёна торьялөны.

— Гөгөрвоа, — мудер нюм төдчыштліс Поповлөн вом дорьясын, а ас кежас оперуполномоченной пасйис: "Пөрьясян, чери видзысь ыджыд начальник! "Печорспецдеслөн" — быдлаө сибалысь транспорт, кыйсьыяслөн бригада, кулөмьяс, а тэнад — вына ки да лицензияс... Аслыд и начальникиды выйчерисө бөждортө көтөдлытөг пызан шөрөдзыд ваясны..." — мөвпыштис тадзи Попов, но чина мортсө позьтөмсө кыйөмысь эрдөдөмыс сылөн талунья могьясө некутшөма эз пыр. Король эз казав оперативниклөн нюмысь янөданасө да кокнялөм сьөлөмөн бара шоныда киасис.

Королькөд тайө сёрнисө Печораса милициялөн уголовной корсьысьбөмьяс отделсянь Попов час джын мысти нин юөртис Турышевлы, а начальниксянныс вель тшөктөм:

"...Талун жө мөдөдчөй Ухтаө! Тянөс виччысьө сэтчөс Угроса начальник Самушин... Но, та вылын ставыс... Турышев", — дженьыда юөртис вель могьяс телетайп да лөнис.

"Д-да! Гезйыс ёна дзугсьөма, но помыс, тыдалө, сюрөма нин Турышевлы? Мыйла нө эськө сийө мөдөдө Ухтаас, а оз кор Интаө? — Печораса милицияысь петөм бөрын сэтчөс көрт туй станциялань тэрмасөмөн восьлалгытйри мөвпаліс Попов. — Од менам чайтөм серти майорлы колө вөлі талун жө бөр корны менө Интаө. Колө вөлі эськө аддзөдчывны зверь-пөткаөс видзысь кык инспекторыскөд, а со, мыйлакө мөдөдө Ухтаө? Кутшөм туйөд кутас мунны корсьысьбөмыс? Көні гезйыслөн помыс? Кызди ставсө, мый чукөрмө, гартны өти тупыль? Но и Турышев! Гез помсө ме кийсь мыррдис!.. А гашкө нө, сы кийн ён прать?"

Отсөг

Ухта карса ОУР-ысь начальник Самушин, кузь тушаа, паськыд пельпомьяса крепыд морт, бать моз паныдаліс Поповөс. Көні вөлі, кызд воис, дзик нинөм эз юась.

— Лок, прөйдит, пуксы этатчө прөст пызан саяс, — пельпомьясөдыс кутөмөн ачыс и вайөдіс томджык оперөс местабдыс, пуксьбдіс. — Медводз чаюйтыштам, а сэсся нин и делө йылысь сёрнитыштам.

Попов гөгөрвоис: Турышев звөнитлөма Самушинлы.

"Но и вежөр Владимир Николаевичлөн! — ас кежас шензис Попов. — Быттьө төдө, мый ме талун эг удит пыравны столөвояс! Со тшөктөма, тыдалө, вердыштны", а Самушинлы нимкодпырысь шуис: — Зэв лөсялө чайыд кузь туй бөрын. Позьө и чаюйтыштны...

Чай юөм да мыйсюрөөн нурьясьыштөм бөрын Самушин корис висьтавыны Лымва вылын лоөмторьяс йылысь.

Оперуполномоченнойс кывзис торкавтөг, а сэсся юаліс:

— Тянлы колө төдны, кодьяс сэтшөмьясыс Вячеслав Ивашин, Леонид Крупняков да Мошкалөв? Сідз?

— Колө. Адресьяс кындзи сэсся на йылысь немтор ог төдөй.

Ивашиныс думкерист, көрт туй станцияын уджалө...

— Думпкерист? Коді тай туйяс гудй-жуглө отбойной мөлөтөн? Ду-ду-ду-ду! — эз гөгөрво Попов.

— Оз-оз! — серөктіс Самушин. "Холодильник" вагоняс кольөдө. Лунвивсянь фруктаяс да мукөд өдйө тшыксян төвар ваялө. Быд думпкерист кольөдө нель вагон... Гөгөрвоин?

— Оні вежөрта... Охранник, груз кольөдысь.

— Но, сійө... Леонидыс ВОХР-ын, көрт туй станцияс жө уджалө... Төдан, мый ВОХР-ыс лоө?

— Найөс төда. Вагоняс да платформаяс жө дона көлуйөн кольөдөны... Винтовкааөсь... Тулуца дядьбөяс.

— Стөч сідз. Мошкалёвыс Ухтаса КГБ отделын служитө, прапорщик... Ивашовыс, Крупняковыс дай Мошкалёвыс, кывлі, куимнанныс чери кыйысыяс, вөралысыяс... Турышевыд тшөктіс тэныд отсыштны. Сета тэныд отсөг вылө Сергей Шукинөс. Бур чери кыйысь. Сыысь бура вөр-васө миян сэсся некод оз төд... Сөмын тэ кут төд вылын: во пом, уджныс асланым юр выв тыр. Отсасыны — мед отсасьө, но сылы сетөм "Делөяс" ме мөд сотрудниклы көвьавны ог вермы.

— Мед сөмын төдмөдө менө тайө куим кыйсысысьскөд, а сэсся ме ставсө ачым...

— Но, тайөс кө сөмын? Отсыштам... — личкыштіс телефон аппаратасыс кнопкасө. — Сергей! Пырав ме ордө звук кежлө!..

— Кыдзи Турышевыдлөн телефон номерыс? — юалис Поповлысь Самушин да корис коммутатор пырыс Интаса милициялысь отделение. Пыр и йитісны да Самушин Турышевкөд нин кутіс сёрнитны:

— Чолөм, Владимир Николаевич... Самушин... Менам кабинетын пукалө тэнад сыщикыд... Да... Чай со сөмын на юыштім... Лоө, лоө миянсянь отсөгыс... Сергей Шукин... Со нин пырыс менам кабинетө... Асьныс төдмасысны... Но, став бурсө, сиа бур лыдпасьасөн восө помавны... Зілям жө, мый вермам... Тіянөс корө шефныд, — джын гөлөсөн шыасис Попов дінө Самушин да мыччис трубкасө.

— Бур лун, Владимир Николаевич... Бура вои... Гөгөрвои, аттьө... Ставсө вөчам кыз колө... Вежөрта өд... Но... Ме сідз жө чайта... Аддзысьлытөдз, — Попов бөр мыччис Самушинылы телефон трубкасө.

— Оні кежлө ставыс, Владимир Николаевич... Менам пинкертон отсала-ас! Немторйысь аттьөавнысө, өти удж вөчам... Сідзи, сідзи... Но, быд бурсө! — кыпыда помаліс телефон пыр сёрнисө, пуктіс трубкасө да Сергей Шукин дінө нин шыасис: — Со, төдмасьой, Сергей: Интаса Угроысь оперуполномоченной Попов. Нуөд аслад кабинетө да сёрнитыштөй... Сет сылы колана, вермана отсөг, но ассьыд уджъястө эн жө эндөд.

— Шукин, — мыччис кисө Поповлы.

— Попов, — сідз жө дженьыда вочавидзис интаса опер.

— Петам менам кабинетө да сэні и мог йывсьыд сёрнитыштам...

Кабинетас Сергей Шукин тайө пөрийө вөлөма өтнас, көть жырьяс сулаліс куим пызан.

— Вывті бур! — ас кежас пасйис Попов. — Ог нин некодлы торкасьөй...

— Менсым нимөс начальник висьталіс нин, а тэно кызди шуөны? Ыдждөдлытөг, "тіасьтөг" шыасьөмыс нимкодьмөдіс Поповөс.

"Абу лебезитчысь, а сідзкө, колө лоны, и шурыд, кыв вылө сетчысь морт Шукиныс", — ас кежас пасйис Попов, а Сергейлы серам сорөн висьтасис: — Дед-бать — Печора йывса йөз вөлісны, важ Енлы эскысыяс, рөчөн кө — старөверьяс... и нимөс меным, гашкө, дедуш бөрийөма — Африкан...

— Да-да-а! Дед-батьныд, тыдалө, асланыс попныслы румкасө комөн кыстысны? — сералгтыр юалис Сергей.

— Код төдас? Эз кө мөдарө, пи чужис да, вежөрсө воштытөдз вермисны юктавны? Крапкөмаөсь тай меным мыйлакө сэтшөм ним... — серам сорөн жө вочавидзис Попов. — Арикөн өртгьяс шуисны, а эз жө пон нимөн — Шарикөн...

— Но, батъясös, шулöны, лёк кывйöн оз казтывлыны дай попыс, кöнкö, орт пельнас кылiс миянöс да гуас вывлань мышкöн бергöдчис. Пашпорттö босьтiгöн кö нимтö эн веж, öнi сёр нин. Ковмас нэм помöдзыд нин тайö нимнад шондi ув му вывтiгыс ветлöддыны, — бурьыс сералö Сергей.

— Ола-ас, абу öд мича ныв.

— Зэв на и олас, — довкнитiс юрнас Щукин да серамтöг нин юалис: — Но, висьтась, кутшöм гөрöд тшöктiс разьны начальниккыд? Кык район сайö со мöдöдöма? Уголовной розыск! Он жö öд кутшöмкö пышьгальс алиментщикöс либö зепгъяс куштысьöс корсь.

— Ог дерт... Миян районувса Лымва вöралан да чери кыян угоддöбын виöмаöсь, а сэсся керкаас сотöмны куим мортöс...

— Но, но, но?! — чуймис Сергей.

— Вот и но!.. Куимöн — Вячеслав Ивашин, Леонид Крупняков да КГБ-са прапорщик Мошкалёв олöны тiян карын, а кыйсян керкаясыс Лымвакöд орчча Котшмöс ю бокинöсь. Меным колö тайö йöзыскöд аддзöдчывны. Кора тэнö тöдмöдны накöд... Со и став отсöгыс тэсянь...

— Но-о, тайö абу сьökыд служба! — мойдын моз вочавидзис Щукин. — Коскö татшöм отсöгсьыд оз на сюй! Дзик пыр и тöдмалам Ухта көрт туй станцияса диспетчерлысь, — босьтiс телефон вывсьыс трубкасö Сергей да кутiс сёрнитны, мыйсьюрö пасьявны бумага вылö, а сэсся трубкасö пунктöм бöрын висьталiс Поповлы: — Ивашиныс мунöма Туркменияö фруктыла. Туйын пö нин. Виччысьöны вежон мысти, середаö... Крупняковыс аски, кökьямыс час асылын петö дежуритны сутки кежлö. Медбөрря смена пö сылөн, а сэсся петö отпускö... Кайö вөр керкаас кыйсьыны... Пышйö тiянысь грекуйтана мортныд, КГБ-ас дзик пыр триньöбтылам, — бара кыпöдiс телефон трубкасö Щукин, бергöддыштiс аппаратывьса гөгьльсö, сёрнитыштiс кодкöдкö недыр.

— Абу гортас! Но и но! Дыр тэныд ковмас миянын гöститны, кутан кö виччысьыны Ивашинсö да тшöтш и Мошкалёвсö... Патераад лэдза, раскладушка вылын небыд.

— Кытчö нö Мошкалёвыс усйысьöма?

— Сыктывкарö. Пединститутын пö уджсьыс ордöчывтöг велöдчö... Öнi арся сессия вылын зачөтгъяс да экзаменгъяс сдайталö... Ковмас кö, начальниккыд сийöс и тэтöг судзöдас.

— Менам волöмысь немтор, быттö, эз артмы. Мый сэсся вöчан... Вай йитгы бара Турышевкöд... телефоныс сылөн?

— Шеф шуис: Мошкалёвыслысь метöг, Сыктывкарас "зачөтсö" примитасны, а Крупняковсö тшöктiс вöравнысö мунигас кутны. Суткисö пö виччысьлам, мед нин көрт туйыслысь уджсö оз ло падмöдöма... — Турышевкöд телефон пыр сёрнитöм бöрын висьтавлiс Щукины Попов.

— А тэныд öд оз терпитсьы, окота көть нин фотоснимокгъяс вывсьыс найöясös, Крупняковсö да Ивашинсö аддзывны? — юалис Сергей. — Мошкалёвсö и, мед көть сийö и КГБ-са прапор?

— Петкöдды, вай, петкöдды, öбликнас көть тöдмасям.

— Здук... Пукалышт, петала паспортнöяс...

Колис минут дас, дас вит, Щукин пыртiс отделас кык бланк.

— Со этанi Крупняковыс нелямын вит арöса. Паспортас тайö медбөрря снимок. А со и Ивашиныс... Кызы вит арöса сийö тайö снимок вылас. Нелямын витыс абу на. Кутшöмджык чужöм вылас, ёнаö вежсис — ог тöд. А со и Мошкалёв... Паспортсö абу миянысь босьтöлма, но сийö тэныд оз и ков, мукöдгъяс кö ськöд кутасны сёрнитны.

— Но, атгö, верман бөр петкöдны документгъяссö паспортнöяд.

— Кыдзи тэ, Африкан, чайтан? Аски Леонидлы, шуам, колö петны дежуритны, а талун сийö дзик прöст... Керкасяныс неылын — сурөн вузасян кильдим... Петалас эськö сэтчö Леонидыс юыштны сур? Нем вöчöмысь? Сурыд оз кодзöд... Петалас?

— Хы! Ог тöд да?

— А ме эськö петали... Сур кружкаыд юр вежөртö оз гудырт, збодермöдыштас сöмын... И Крупняков, чайта, петалас... Ветлам

кильдимас, а? Мойвиас — аддзылан Леонидсö, нималана вöралысь, йöраяс кыйö, ошгьясö! Öнi кежлö ме прöст... Абу кө кильдимас, гортас пыралам.

— Ветлам но...

Милиция отделениеесы петöм бöрын Щукин да Попов вомöнтисны уличасö, мöдарбокса тротуар вывтис мунисны кык квартал да пырисны сурöн вузасян кильдимас. Пытшкас сур юсысыс — морт дас. Сергей кытшовтис сюсь сингьяснас пызангьяссö, гусьöникöн гырddзанас тувкыштис Африканлы бокас да муртса кывмөн вашкöдыштис:

— Ме тай шули: Крупняковыс, мися, тани! Со нö, пельöсланыс, пызан саяс кыкöныс. Таладор боксаыс и эм Леонидыс. Босьтлам сур кружкаөн морт вылö да пуксылам орчча прöст пызан саяс.

Вöралöм йылысь сёрниөн ылалöм Леонид да сёлөн кильдимса ёртыс эз и казавлыны сур кружкаясөн орчча пызан саяс пуксысы милиционергьясöс.

— ...Кытчöдз "Турбина" да "Жакан" пуляяс эз кутны вузавны магазинын, сэтчöдз ме пуляяссö ачым вöчавли, — висьтавлис орччөн пукалысьылы Крупняков. Важ тормоз колодкаясысь пергьяла баббит сора свинечсö, сывда пачын. Баббитыс пöймö пөрö, а свинечыс кольö. Сэтысь сэсся керышта шөр чунь пом ыджа тор да чугун пач пыдöсөн гöгльöдла-зырта, кытчöдз оз гöгрöсмы — сийөн и лыиси. Йöралы көть ошлы öтмоза мёрччö. Мичаа кө гöгрöсмас пуляяс зэв на стöча и инмö. Вузöс пуляяс öнi тырымён. Ноксыны оз ков, а доныс — кызькомын ур. А уна-ö эськö, тöдмав, пороксö пуляа патронас кыста?

— Но-о... Кык грамм, дерт, пуля улад колö, — топöдлис пельпомгьяссö Леонидлөн ёртыс. — Дас кыкöд калибраö ме кык грамм пукта... Йöралы кө...

— А куим кө?! Дас квайтöд калибра патронö куим грамм кө?! — öзйис Леонид. — Тшынтöмсö, нитропороксö?! Зарадөн-джынйөн öти патронас?! Звöдыс кутшöм лö? А? Ноко, висьтав!

— Но-о! Сөр вай, сөр! Сурнад коддзин?

— Эг коддзы! Сидзи и зарадитча...

— Ствольяссö пицальдысь медводдза зарадыс и чашнитис эськö! Асьтö на калечитис!

— Но тэ öд он орткöд тайö пызан саяс сёрнит. Ловгья со ме! Сур тэкöд юа... А зарадитча збылысь сидз, кызд висьталі...

— И пельпомтö эн на жугöдлы ни? Сои вечиктö прикладнас эз и чеггьявлы? — оз эскы Леонидкöд пукалысьыс.

— Ог соссы, юр вем пыркнитчылö, пельпом лун-мöд висьö, но зверыс, кытөн пуляяс суас, сэтчö и усьö. Ме быд зарад партияысь öти пуля пасö лыя. Бөргья весыт кызта пожöм, лöсышта черөн, вöча ки пыдöс пасыта еджыд пас да нелямын воськов ылнасянь и шковга сэтчö... Бытгьö майтöг пур, эскы көть эн, пуляяс прöйдитö. Сквöзь вурыштас. Сидз жö и зверь пырыс — лы не лы...

— А ружьеыд нö кутшöм? Тулка? Иж?

— Абу... Германскöй фирма, "Зимсон"... Калибрыс дас квайтöд.

— Рочын вöчöм пицальдысь ствольяссö эськö сартасöс моз разйöддис-чашнитис медводдза лыйöмсыс жö...

— Чашнитис эськö, сöглас, — гогнитис юрнас Леонид.

— Лёня, а кызди тэ ошгьяссö кыян? Зөр муяс öд вöрас тэнад абуöсь, кытчö эськö вöрса көзяиныс вердчынысö петавлис... Кызди гырысь зверьяссö корсян?

— Зөр муяс абуöсь, а чöдгья-пувгья да пельсыя угодгьяяс эмöсь. Сэни Бускокöд и кыйсям: Арнад ошкыд госа.

— И таво ошсö кыян?

— Кыя... А йöраяссö көть дасöс! Öти ошкös колö быть кыйны... Корисны... Аддза кө гусö? Зеп тыр лицензиясыс.

— Кучикыс кодлыкö ковмис ошволь либö ковёр пыдди? Йöра яйсö ог юась — лавкаö, а ошсö?

— Госыс, пытшкös госыс ковмöма. Сийö öд бурдöдчантор...

Простудаысь, сотчөминьяс мавтны, пöдан висьöм, гырк пытшкöс бурдöдö... Но и яйыс ошкыслөн чöскыд. Абу йöралөн кодь, а небыд.

— Сöптис, шубны бурдöдчантор жö... Кореецьяс пö сийöс ыджыд донысь, доллар вылö ньöбöны...

— Кывлі, гырк пытшкöсысь пö öдöмсö бурдöдö, но зельёсö дасыгыны ог сяммы...

— А кор нö кыйсынытö мöдöдчан?

— Аски асывсяныыс дежуритны муна сутки кежлö... Медбөрья смена... Аскомысь вöрас и кая. Отпуск нин сетисны... Петрöвичкöд Котшмöс станцияöдз тепловоз вылас муна, а сэтысянь вөр керкаöдз — лун югыда туй меным подöннас...

— Чериторыйыд нöшта эз коль сьöрад, Лёня?

— Абу сэсся... Мöдысь коркö, а öнi мöдöдчылам гортьяслань, колö шойччыштны.

— А тэ черисö вөр керкаад и косьтан?

— Сэни... Тшак и чери... Пач горйыс бур артмис... Жар, öдья. Кольöм локтигөн юрлöс кышöд тыр кос черисö гортö лэччöдi да сы мында жö косьтöм еджыд гоб... Но, помав нин суртö да мöдiм... Талун кежлö тырмас сэсся...

Кор орчча пызан сайысь сур юысыяс петисны ывлаö, Попов аттöбалана тапнитiс Щукинлы пельпомас.

— Бур и сёрни кывлім. Чериыс ачыс миян кулөмö юрсö суйö!

— Сiдзи, сiдзи, Интаöдзыд ас окотасысь мунас, а сэни сöмын чеччöд да нүд милицияад, — содтiс Щукин. — Некод оз и тöдлы, мый мортсö лой арестуйтöма. Уджывсаыс, гортсаыс, другьясыс, быдөн кутасны чайтны, мый Леонид аслас вöралан угодьöас.

— Ставыс эськö сiдз, но... — Попов джын сёрниас джөмдiс.

— Мый нö ноыс? — юалис Щукин.

— Лымва юсыыс "Зимсонсö" дас кыкöд калибраöс öд кыпöдöмаöсь, а Крупняковислөн, ачид кывлім, дас квайтöд калибра?.. Гашкö, сийö абу и мыжа?

— Бöрас ставсö тöдмаланныд. Юигас сийö эськö мыйсö эз сөр да... Кывлім öд, пороксö пö куим грамм кисьта пуля улас. А та мындаыс öд и дас кык калибра ружье вылö уна. Сөрö либö збыль сэтшöм бур пицальыс — ог гөгөрво? — милициялөн горотделлань мунiгөн шензис Щукин.

— А ме быттö гөгөрвоа? Нималана Германскöй фирма "Зимсонлысь" пицальяс "Союзохота" оз ньöбав. "Тулкаяс" да "Иж"-яс асланым тырмöны, но со тай — "Зимсон" кыськö воöма... Бур прöмыслöвиклы рубеж сайысь кутшöмкö ыджыд начальник прöмыс да выйчери вылас вайис?... Сотчöма, артмö, нöшта öти "Зимсон" вөр керкаас...

— И мый?

— Немтор... Меным тшöктiсны арестуйтны Леонид Крупняковсö, мыжа кöть абу... Тшöттш и Ивашкасö, кор воас... Вермас пö лоны — найö мыжаясыс... Тöдмаласны, кыз шуан, мыжаöсь-ö, абу-ö...

— Мунам, сiдзкö, гортас... Кисö мыш саяс и... "Шагай-шагай!" — ыззис Щукин.

— Турышевкöд колö бара сёрнитыштны. Кыдзи тшöктас? Гашкö сменасö мед нин уджалö? Сiдз тай тшöктыліс... Шум ни зык, ни ковтöм сёрни оз кыпты...

* * *

Самушинлөн кабинетсянь Попов вель дыр сёрнитiс Турышевкöд. А сэсся нин висьгасис:

— Мед пö бөрья сменасö уджалас, оз торк ВОХР-ыслысь графиксö, а вöравны мунiгас пö чеччöданныд Инта станцияö, пыртöданныд милиция линейнöй отделас да бурпырысь... Мöдысь на Владимир Николаевич пасйис, бурпырысь пö сёрнитöй... Йöзнас сотчöм керка йывсыыс пö эн юасыöй кыв ни джын... Тшöктiс виччысыны Инта карса

милициясы звёнок да пыр жё вайодны сэтчө Леонид Крупняковсö. Сэн пö мыйкö лöө...

Вомнысö паськөдөмөн кывзисны Поповлысь висьталөмсö Самушин да Щукин.

— Да-да-а! Юр вема тэнад шефыд! — докйөддыштис юрнас Самушин. — Колльөдöй, инö, Леонид Крупняковсö Интаөдзис Щукинкөд, а сэсса пыр сийөс и лэдз — уджным уна...

"Сингъяс да пельяс"

Лымва вылысь воём оперативникъяслысь аддзөмторгъяссö видзөдлөм бöрын Инта карса милициялөн отделениеысь начальник полковник Глазьев оперативной сөвещаниеыссö кутис нуөдны пöшти быд лун. Ыджыд мыж вöчысьөс туявны да эрдөдны сийөс тэрмөддисины Питшкөсса делөяс республикаса да тшөтш и МВД-лөн Союзной министерствояс. Звөнитисны быд лун, а Сыктывкарсянь весиг рыт и асыв.

Угро отделса быд сотрудиноклөн уджын медея тöдчанаөн лоис "Лымва" операция, коть и мукөд, водзаджык вöчөм мыжгъяс эрдөдалөмысь сэтчөс оперативникъясөс некод эз мезды.

Лымва вылын неминуча кык пөв содтис Турышевлысь уджсö. Көть лун и вой гортас ветлывтөг корсьысь. И корсьысис. Некемын лунөн лои тöдмалөма ним-овгъяссö ставлысь, кодгъяс кыйисны чери да вöралисны Лымва вылын. Тöдны кутисны и виөм да сы бöрын Олег Першиковлөн вöралан керкаын сотөм йöзлысь ним-овгъяссö. На лыдын вöли и керкаса көзяиныс, Олег Першиков.

Кодгъяс вöчисны ыджыд мыжсö, найөс колис на корсьны...

Турышевлөн чайтөм серти, мыжанас вермисны лоны Леонид Крупняков да Вячеслав Ивашин — прөмыслөвикгъяс, пыр сэнэ кыйсьысь-вöралысьяс. Глазевкөд сёрнитөм бöрын Турышев босытис нин прокурорлысь Вячеслав Ивашинөс да Леонид Крупняковсö арестуйтөм вылө ордер. Следственной изоляторө мортөс йөртны, оз кө сийө пышгъяв, дерт, кокни, но сьökыд пычкины сылысь каитчана, веськыда висьтасьөм. Тайөс тöд вылын кутөмөн, оперативникгъяс медалöны денгъа вылө аслыныс отсасысьяссö, "сингъяс да пельяс" (сексотгъяссö).

Мыжаөн чайтана арестуйтөм морт динө, бытгьö кутшөмкө мыжысь жö, пуксьөдöны денгъа вылө медалөм мортөс. Öтлаын пукалысьяс, дерт, сёрнитöны öта-мөдныскөд. Сексот асысö петкөдлө уна тöдысь мортон да, бытгьö, көсийө сетны пикö воём выль тöдсаыслы отсөг. Мыжа морт сылы, кадөн-дырөн эскö да и висьтасьö, а сэсса "допросгъяс" дырйиыс мыжа морт вомысь кывлөмасö сексот висьталө туясысьылы.

Инта карса милициялөн уголовной корсьысьөмгъяс отделын татшөм сексотыс вöлисны куимөн. Но отсасисны найö оперуполномоченной Близиклы зэв омöля. Та йылысь отделса бөргъя сөвещание вылын и кыпöддис сёрнисö майор Турышев.

— Кымын мыж вöчысьөс отсалисны эрдөдны тавося öкмыс төлысьөн тэнад отсасысьясыд? — юалис Турышев Близиклысь.

— Öтиөс, — юрсö лэдзөмөн вочавидзис Близик.

— Кык мортсö, кодгъяс эз сетны некутшөм отсөг, чөвтам "удж вывсьыс", а коймөдсö пуксьөдлам Леонид Крупняков динө. Нöшта видзөдлам, эм-ö коланлуныс видзны сийөс отдаллы отсасысьынас?

— А веськыда кө, ог ме радейт сэтшөм йөзсö, кодгъяс "вuzасьöны", — недыр чөв олыштөм бöрын шуис Андрей Близик. — Мый бурысь колö вöйтны тöдтөм мортсö?

— Сийөн и вuzасьöны, мый найö лыддысьсьöны миян гуся отсасысьясөн, "сингъясөн да пельясөн", денгъа мынтам. Куим во чөжнас кымын сексотсö аслыд отсасынь медалин? — водзö юасис Турышев.

— Ни öтиөс эг. А тайгъяссö медавлөмабсь менам татчö уджавны локтөдз на...

— Вот, вот! Абуөсь отсасысьясыд да, артмө, тэнад быдöнысь

медся уна эрдөдтөм мыж вөчысыс, — көрительштис Близикос Турышев, а ас кежас мөвпыштис: "Куим во нин уджалө Андрей уголовной корсысыбмьяс отделын. Локтис милициялыс шөр школа помалөм бөрүн. Велөдисны сийос сэни унаторйө, а водзө ассыс төдөмунгьяссө оз кыпөд... Сямыс, нырысыс ныж либө оз көсий? Код төдас? Но өд мян отделтөг на милицияын быдсяма службаыс эм: автоинспекция, участкөвойон, следовательон, тыр арлыдтөмьяскөд удж, но... пожарнойон нин көть... Быдлаын колөны йөз, сэтшөмьяс, кодьяс асланыс местаас уджсө сьөлөмсянныс вөчөны... Ковмас прөстджык кадө сөрнитыштны та йылыс Андрейкөд".

Оперативной уджын Турышевлөн вөлісны аслас гусяторгьяс. Уголовной кодекс серти туясыгөн "Делө" поэло отувтны "сингьяс да пельяс" (сексотгьяс) отсөгөн судзөдөм материал, мыжаөн лыддян мортыгыс следовательон перйөм висьтасьөм, магнитофонывьса гижөдьяс, снимокгьяс да мукөдтор. Быд туясысыс тайос вөчө ас ногыс. Уголовной розыскын дыр уджалігөн Турышевлөн та кузя чөжсис нин ыджыд опыт. Но быд туясыөм Владимир Николаевич лыддис творческой уджөн и босьтчыліс сэтчө, кыдзи и художник, вьль панассянь (эскизсянь), коді чужліс юрас дыр када мөвпын. Вьльөн панөм быд "Делөлы" корсис вьль комбинация, а эз мыджсыыв важ, лөсяланакодь жө дзуг гөрөд разян ног вылас.

Со и өні сийө мөвпыштис "Лымва" операциясө нуөдны вьль ног. Гижалис-чертитис плангьяс, дыр мөвпаліс сы вылын, но ставыс кажитчисны туйтөмөн. Чабралас бумага листгьяссө, вөчө вьль план. Дон вьлө уджалысыс "сингьяс да пельяс" "Лымва" операцияын гусьон туясыөм вьлө Турышев корис Сыктывкарысыс.

"Мортыс пассажирской поездон воас аски асывнас. Леонид Крупняков аски асывнас жө локтас поездон Интаөдз. Сэни сийос арестуйтасны... Сексот да Леонид "адзсыясны" Инта карса милициялөн следственной отделын... — пасйис аслас планө Владимир Николаевич да водзө кутіс мөвпавны. — Но кыдзи сексотсө "төдмөдны" Леонидыскөд? И не көнкө, а служебной кабинетын колө вөчны тайө медводдза адзсысыөмсө, следственной изоляторас Крупняковсө пуксьөдтөдз на.

Нөшта өти лист косявлөм бөрүн, Владимир Николаевич босьтис вьльөс, юр йылас гижис "План" да бара пыдисянь кутіс мөвпавны:

"Леонидос Инта станцияса милициялөн линейной пунктө пыртөдасны лун шөр бөрүн... Көвгьяласны браконьерство мыж, ружье позьтөм ногөн видзөм. Вайөдасны Интаса милициялөн отделениеө... Вьльысы ставсө кутасны юасыны... Кадыс вель уна кольө... Рыггьяывь лоө, восься нин ресторан... Сыктывкарысыс воөм сексотсө аэропортын колө паныдавны аслым... Ресторанын пукалөм вылас ковмас сетны "код-дзөдчынысө" шайт кызы вит... Сэсыя, медым следственной изоляторас пуксьөднысө помкаыс вөлі, ковмас сетны "ТТ" важ, спишитөм нин пистолет да капсюля, порока, но пулятөм өти патрон... Водзө?.. Сексотсө вайөдасны отделө "код юрөн" ресторанын "кампужитчөмысыс". Стөч сэки, кор сэни лоө Леонид Крупняков. Вайөдны "кампужитчысысө" тшөктас "комсомолец-дружинникгьяслы", а збылысысө том милиционергьяслы. Быттьөкө, найө "абу сяммөмаось" либө абу и гөгөрволөмаось "кампужитчысысө" шобнысө. Кор дядьө вылас кутасны гижны протокол, сийө "зэв ёна скөрмас", дзесбассыс перьяс пистолетсө да лыяс, медым пышйыны, пызан сайын пукалысыс милиционеры, но "оз веськав". Тадзи лоө бур помка дыр пукөдны сийос Леонидкөд да тшөтш и Ивашинкөд өти камераын", — сигөртис ассыс плансө Турышев, вьльысыс лыддис гижөдсө. Тайө, бөрья планыс, кажитчис сылы туянаөн. Коліс сөмын сөрнитчыны да воны өти кывйө милиция отделенияса начальник Глазьевкөд.

— Владимир Николаевич! Ти он төдөй, уна-ө нө зсыкө өні кадыс? — Турышевлөн жырысыс вьсьтис өдзөссө да юалис сылысыс Глазьев.

— Эт видзодды часі вылас, полковник ёрт, — вочавидзис Турышев. — А мый, сёр нин зэв?

— Дас өтиод час... А ме тiян мый шулі? Шулі, мед ті "Кад" информация программа кывзінныд да видзодінныд быд лун гортаныд! Политинформация пыдди...

Глазьев аддзис Турышевлон пызан вылысь сөмын на гижом плансө да корис:

— Но, вай, сідзкө, вай ассыд творческөй уджтө, писатель, видзодлам, мый сэтчө гартин и... котөрөн гортад! Виччысьоны өд, төда... Шыдыд шоммас и...

— Видзоддой да вөчөй кутшөмкө кыв көртөд. Дыр мөвпалі, уна бумага тшыкөді и со... Чайта, татшөм ногөн позьө босьтчыны разны Лымва вывса дзуг гөрөдсө? — Турышев пызан вомбныс мыччис "Плансө" Глазьевлы. — Шогмана кө, вынсьөдой талун жө... Войбыд кутас думайтсыны. Чайта, гуся отсасысь следствиелы тайө пөрийө польза вылө лоө. Но Близиклөн сексотъясыслы ог эскы, кора Сыктывкарысь, татчөс йөзлы дзик төдтөм мортөс...

Глазьев пөв-мөд лыддис Турышевлысь пасйөдъяссө, мөвпалыштис, а сэссия юалис:

— Кор муно вөравнысө Леонид Крупняковыс?

— Аскомысь. Сутки, юөртис Попов, колө на сылы дежуритны. Ухтасынныс Интаөдз сийөс гусьөн тшөкті кольөдны Поповлы сэтчөс милицияса сотрудник Щукинкөд, а сэссия чеччөдасны станцияас. Некод оз кут төдны, мый ми сийөс арестуйтим. Гортас, удж вылас и ёртъясыс төдөны: Леонид вөралө.

— Н-но, но... Пистолет, гижан, ковмас... Деньга... Мудера мөвпыштөмыд, мудера! — ошкыштис Турышевөс Глазьев. — Пистолетсө, спишитөмаөс, кыз позьө важджыкөс, вушйөм ствола, жугалөм воропаөс бөрийөй хозчасьса начальниккөд, деньгасө кассаысь босьтан, асывнас ме налы звөнитла... А воас-ө кад кезлө Сыктывкарсыс сексотыс?

— Самолөтнад нө дыр-ө мянөдз... Аскомысь жө и тані лоө... Аэропортас сийөс ачым паныдала да локтигмоз и сета пистолетсө да деньгасө ресторанас пукалом вылө. Велөда, кызди-мый сылы колө вөчнысө.

— Но, бур! Вынсьөда плантө, Владимир Николаевич... Мед жө пөртсяс олөмө тэнад мөвпыд... Но өлөд ассыд сотрудникьястө и карсыс воысьсө, мед оз вывтiасьны! Ставыс... Мун гортад да шойчы.

* * *

Удж вывсыс Леонид Крупняков воис гортас асылын, өкмыс час гөгөр. Мукөд лунө кө эськө, сутки дежуритөм бөрас, водіс шойчыны, но тайө пөрийө сийө юис крепыд чай, нурьясьыштис, вылысь видзөдліс нопсө: эз-ө мыйкө вунөд пуктыны, кышаліс вөралан паськөм да мөдөдчис көрт туй станциялань.

Ухтаын усис көч гөн кодь небыд, паськыд коръя лым.

"Со и мяннын нин төлыс ассыс нырсө мыччөдлө, — мөвпыштис Леонид. — Котшмөс да Лымва дорса пармаын, дерт, лымйис тыртис нин му веркөссө. Добра өні кыйсынытө! Кок улын небыд лым: йөра дорө дзик матөдз позьө сибөдчыны, кок шыяс пуркун кодь лымйөд мунигөн оз кывны. Майбыр, кыйсян кад төв пуксигад! Вежон мысти вөравны Ивашка воас... Лагерьса шпанаясыс, чайта, Лымва вылысь усйысисны нин. Йи увсыд он на куломась. Олег Першиковысь кызди сэтчөс угоддьөсын некод оз и коль... Сийө ас кезас, ми ас кезысь жө кутам кыйсыны-вөравны".

Тепловозса машинист Петрович, Леонидлөн бур төдсаыс, вагонникьяслөн шойччан жырийн нин вөлі, виччысис лунвывсянь воысь

товарной поезд. Ухтаын тепловозса бригада вежсяс медбөръяыс. Петрович аслас отсасыськөд составсө сэсся нуодас Воркутаодз, а тепловозсыс чеччөм бригадаыс шойчас, а сэсся войвывсянь воыс поезд лэччөдас Урдөмаодз.

Поезд вичысьсь прөст вагонникъяс да Петровичлөн отсасысьсыс швачкисны доминон. Тепловозса машинист видзөдаліс вьл газетъяс.

— Но, Сана мөдөдчөма вөравны, — жырьо сөмын на пырөм Леонидлань бергөдісны юръяснысө ворсысьяс.

— Мөдөдчи тай со... Важөн-ө на и вөлі вөр керкаыс, а гажой сэтшөма нин бырис, — чолөмасигмоз вочавидзис Леонид. — Майбыр пармаад овнытө: сөстөм сынөд, чөв-лөнъ ывла вьл.

— Сэсся он и гажтөмтчыв?

— Гортыд, семьяд дум вылад оз усьлыны ни?

— Кудым ош моз сідзи и олам? Телевизор ни радио? Югыд би ни пывсян? — быдөн мыйкө юалöны Леонидлыс.

— Но, шуам, семьяс юрысь от жө дзикөдз вунөд, гежөдика лэччывлыны кута, а гажтөмсө ме, вөршөрсә грездын быдмылөм морт, эг төдывлы пармаын некор. Мудзыштан да телевизор-радиоыд веськөдъ жө. Ичөтик керкаад карасина лампаөн ёна на и югыд, а пывсяныд миян Ивашкакөд эм. Зэв на и өдъя да жар — став мудзтө веськөдө, прөстуда сы бөрын оз көлась ни.

Сёрни костын төдлытөг и коли кадыс. Лунвывсянь воис поезд. Вагонникъяс жөч банкаө чукөртисны домино, петисны видзөдавны вагон көлесаяс, мавтавын буксаяс. Петрович аслас отсасыськөд веськөдчисны тепловозлань. На бөрсә турун нөб кодь нопя, восьлаліс Леонид Крупняков.

Машинист да сьлөн отсасысь бөрын тепловозлөн воддза кабинаө пыртөдан өдзөс сөмын на сайөдіс Леонидлысь ыджыд нопя паськыд мышсө, сійө жө тепловозланьыс котөртисны и Щукин да Попов. Көрт туй станцияса милициялөн отделельсь босьтөм ключөн Щукин восьтис тепловозлөн бөрладор юкөнас пыртөдысь өдзөссө да оперативникъяс некодөн казавтөг и пырисны тыртөм кабинаас.

— Оні Интаөдзыд верман нистыны-узыны, а оз кө лок унмыд, позьö и мойдчыны, нөдсыны, — серөктис Щукин. — Татчө, миян дорө, некод оз лок: войывлань мунігөн тепловознас веськөдлөны сійө кабинасяньыс, а кор мөдарө, лунвывлань кутас мунны поездыс, сійө секциясө выключитөны да машинанас татысянь нин кутасны веськөдлыны. Оз ков, майбыр, паровозлы моз бергөдчыны кытша көрт туйөд.

— Тэ нө машинистас велөдчылін ли мый? — юаліс Щукинлысь Попов.

— Эг велөдчыв, но унаысь ковмыліс тепловоз кабинаас ветлывны, Ухта районсө отарө-мөдарө вуджавлыны... Машинистъясыс и висьтавалісны. Нырладор кабинаас зэв радейта ветлынысө, но талун вот оз позь, "көчьясөн" ковмас Интаөдзыд мунны.

Петровичлөн поездыс Ухтаын сулаліс час джынйысь дырджык. Сэсся коркө кыліс кузя тутөстөм, уна дас вагонъяса состав ньөжйөник вөрзис, содтис и содтис өдсө да грыва-грамакылігтырйи кутіс төвзыны войывлань. Көлесаяс "патера" өшинь водзас оперативникъяслы тыдаліс сөмын пөката вевта вагонлөн помьс, а бокиса ичөтик өшинь сайын бөрлань кывтис ляпкыдик козъяса да шляпник пожөмъяса парма.

Гажтөм серпас. Сёрнитны Поповлы да Щукинлы торъясө вөлі немтор йылысь да найө небыд пуклөсьяс вылө куткыртчөмөн вугралісны туй чөжыс. Вомөнтисны Ухта да Печора районъяс.

— Печора-матушкалөн таво кежлө уджыс эштис, — ю вомөн нюжөдөм пос вывті вуджигөн индіс ва веркөс вывті кывтысь гырысь йи палакъяс вылө Попов. — Лун-мөд, и Көдзыд пөль йөртас сійөс кыз йи улө, вевттыс еджыд эшкынөн.

— Да, поэьо шуны Печора выло воома нин төв, — сөгласа довкнитис юрнас Щукин. — Вөрыслысь подувсө со лымыйс ставнас нин еждодөма.

Инта станцияө вотодз Щукин да Попов дизельной жыр пыр вуджисны тепловозлөн воддза кабинаас.

Милиционергясөс аддзөм бөрын тепловозса машинист да сылөн отсасысьыс төкөт्यों эз усны пуклос вывсыныс. Ёна повзис и Леонид.

— А? Ти нө кытөни пуксинныд? Эг тай нө аддзыв? Печораын? — юалис Петрович. — Мыйла нө тайө кабинаас эн пырөй? Төрим өд эськө кызкө-мыйкө...

— Мыйла ти новлодданныд тепловоз кабинааныд пассажирөс? — юалөмөн жө торкис Петровичөс Щукин.

— Тайө абу пассажир... Асланым уджалысь... Көрт туй станцияын ВОХР-ын уджалө, — правдайтчис машинист. — Вөравны муно. Котшмөс станцияөдз вөзйысис да босьти...

— Вөралысь? Ыджыд нопя, а ружьетөм? — быттьө эскытөг юалис Попов.

— Вөралысь, вөралысь! — тэрмасьөмөн вочавидзис Леонид. — Менам документгяс эмөсь! — морөс зептас суйлис кисө Леонид, перийс вөралысьлысь билет да мыччис Поповлы.

— Ковмас миянкөд чечывны Инта станцияас, — зэлыдакодь артмис Поповлөн. — Милициялөн линейной отделас бурджыка төдмасям.

— Но мен жө колө Котшмөсө... Вөравны, мися, муна.

— Дыр ог манитөй, — Поповлы отсөг выло воис Щукин. — Мөд поездөн мунаныд Котшмөсөдзныд...

Попов осьтгис Леонидысь вөралан билетсө, бөр тупкис да юалис:

— А паспортныд?

— Но! Паспорт ог жө кут вөрын новлоддыны! — ыззис Леонид. — Вөралан билетыс өд снимока тай...

— Печора — режимной зона. Вөралан билетыд выло ёна-ө поэьо эскыны...

— Машинистыс со, Петрович, висьталис нин жө: коді ме... Уджала Ухта станцияын ВОХР-ын.

— Ковмас миянкөд чечывны Инта станцияас, — кыв көрталис Попов да суйис Крупняковлысь вөралан билетсө кучик сумкаас.

Интаса вокзал прөйдитөм бөрын төварной поезд сувтис гөрд биөн öзйысь светофор водзө.

— Леонид Крупняков мөд поездөн мунас Котшмөс станцияөдзис, — тепловоз кабинаысь петигөн шуис машинистлы Попов. — Тиянөс өд тані регыдик сулодасны.

Милициялөн линейной пунктын Леонидысь немтор эз юасыны. Сэни дежуритысь милиционерыс звөнитлис карса милициялөн отделениеө да сьтысянь регыд и воис "УАЗ" легкөвой автомобиль. Шоперыс вөли өтнас и Леонидөс кольөднысө ковмис Щукинлы да Поповлы.

Карса милиция отделын Крупняковлысь быдторсө юасисны. Көни чужлөма, дыр-ө нин оло Ухтаас, семья йывсыс, а сэсыа и вөралөмас вуджисны.

— Вөравны, висьталан, муна, а ружьетөм?

— Быд пөрийө ыджыд нопийөн лэчча горто да мый сийөс кыскавнысө?

— Вөралан керкаад и видзан? А кодлыкө кө сюрө? Кутшөмкө мыж вөчасны тэнад ружьеөн? Поэьо мөй тадзи видзны ружье?

— Мыйла нө керкаын? Вөрын, дзевасын видза?

— Сімас сідзнадтө...

— Оз сім мавтас пытшкын...

Черисө ёна-ө кыйө, — юасисны, и медсясө, дерт, выйчери кыйөм йылысь гаралисны.

Леонид юасьөмгяс сертигыс гөгөрвоис: сылы оз эскыны да веськыда та йылысь ачыс нин юалис:

— Видзёда да ті меным гыж мында он эскöй. Верманныд туясыны: договорөн кыйся, абу браконьер...

Крупняков эз на помав вензяна сёрнисö — коридорын кыптис кутшöмкö зык. Кодкö грымöдчис, матькис, видчис быд ногыс... Воссис жыр öдзöс и сояныс гöрд кöртöда вель топыд тэчаса кык зон пыртöдисны код дядьöс.

— Дружинникьяс ми, — висьтасис гöрд кöртöда зон. — Ресторанын тайö вöлі кампужитчö. Коддзöма да кык төрелка жульöма, Чукöстисны, ресторан дінтігыс вöлі мунам да... Вайöдiм со...

Леонидкöд сёрнитысь милиционер уськöдчис код морт вылö.

— Кыдзи ним-овыд? — скöра юалис сійö.

— А-а т-тэ-эд кутшöм дело меöдз? С-с-с... Жуч-ка!

— Мы-ый? Мый, ноко, шуин? Ним-овыд, мися, кыдзи?

— А-а? Ним-ов т-тэныд? — пинь пырыс сöдзöдiс код дядьö.

Некод эз казавлы, кыдзи сійö мыш сайсыс, гач шыр костсыс, перйис наган да веськöдiс стволсö милиционер вылö. Наган аддзöм бöрын милиционер чепöсйис улöс вывсыс боклань. Сійö жö здукö гымöбтiс лыйöм шы. Дядьöлөн уси кысыс наганыс. Сійö бара чорыда матькыштiс да уськöдчис öдзöслань, но дружинникьяс личкисны сійöс джоджö.

— Эн ли мый шобöй? — скöрысь юалис милиционер.

— Зептас немтор эз вöв, — правдайтчис öти дружинникыс, а мöдыс тöждысьмöн юалис: "Тянöс дойдiс?"


— Дежурнöй! — равöстiс милиционер. — Наряд татчö, котөрөн! Пырисны кык милиционер.

— Кöдзыд камераö! Мед пальöдчö! Аски рöзберитчам!

Леонидöс милициясыс эз лэдзны. А мöд луннас сы дорö вайöдисны и кампужитчысь дядьöс. Юрас кутчысьöма, шыр кодь рам. Пуксис крöвать вылас сöмын и мурзö да ойгö.

Помыс локтан номерын.

Пукчаньны



Алёна МАЛЬЦЕВА

* * *

Кор ме тэнад войö келі,
Киыд вöлі сэтшöм мелі.
Мый ме öні век на тöда:
Тэ он радейт тадзи мöдöс.
Да и аддза, тэ он сорсыö,
Синмыд сöмын менö корсьö.
Менö некызди он ылöд,
Ставсö аддза, ставсö кыла.

* * *

Гыöра öшиньö кöчилъ
Гусьöник, шыш моз пырис.
Мый ме вöча?
Бара на лэптала нырöс.
Тайö тулыслөн кöрыс.
Мартыс тай ассыс вöчö.
Кöни водзыс да бöрыс?
Да мый ме вöча?
Вöча кö — Енмыс тшöктö,
Тайö ме тöда стöча.
А талун челядь моз öкта
Шондлысь гажмöм кöчилъ.

Чужанінлы

Регыд важмöм нин лымйш бырас.
Тöвся нокыс мед тшöтш оз коль.
Льбмйöй дзоридзөн бара тырас,
Восьтас синъяссö маръямоль.

Сэтчö тулыснас ог нин волы.
Кöть и гажöй нö кызд оз быр.
Сэні сьёлöмöй. Тшöтш и лолöй
Сэні инасьтöг ветлö пыр.

Ог нин аддзыв, кызд Вöль ю воссö,
Кызди лэбач сэн тэчö поз.
Мунны кытчöкö сэтсысь позьö,
Сöмын вунöдны — некызд оз.

Мича жельнӧг дзоридз

Мича жельнӧг дзоридз, сӧмын емыс ёсь.
Нюжӧдчывлӧ киӧй — босьтнысӧ оз позь.
Тадз жӧ мян олӧм, — колӧ, да он босьт,
Кӧсьян сьӧлӧм восьтны, сӧмын видлы восьт.
Олӧм — жельнӧг. Жельнӧг. Босьтны позьтӧм мич.
Мунӧгмозыд видзӧд. Сьӧлӧм пыткад видз...

Помтӧм саридз

Уна вояс ме кута лача.
Кадыс кольӧ, а тэ он вун.
Век на паныд ме тэныд варчча.
Кольӧ надзӧник вой да лун.

Паськыд саридзлӧн сэтшӧм отыс!
Киӧс нюжӧда, сӧмын мудз.
Тайкӧ сьӧлӧмӧй коркӧ потас, —
Кокӧй муӧдзыс тшӧтш оз судз.

Вошӧм олӧмӧй тадз и мунас?
Помтӧг паныдӧн варчча тэд.
Бырас лачаӧй — увлань суна,
Сэсья некор нин ог и пет.

Татшӧм менам тешкодъ лов

Талун бӧрда, аски йӧкта,
Татшӧм менам тешкодъ лов.
Пӧттӧдз тувсов гажсӧ ӧкта,
Сэсья шыбитны ог пов.
Век на юрын ветлӧ тӧлыс,
Нинӧм меным абу жаль,
Мыйкӧ жалита кӧ вӧли,
Кокъяс улын эг жӧ таль.
Мый кӧть талун ме и бӧрда?
Вывтӧ гажтӧма ог ов.
Талун сьӧд, а аски гӧрдӧн
Ӗзъяс менам вильыш лов.

* * *

Кодлы колӧ менам олӧм?
Оз ӧд сулав весиг грӧш.
Кӧть и аслым шуны пола,
Сьӧлӧм пытшкын сӧмын лӧж.
Мича — дзоридз. Гажа — тулыс.
Кыпыд биа сӧмын пач.
Мыйла Енмыс коркӧ шулис
Меным олӧм овны тадз?

* * *

Энӧй эскӧй мем. Энӧй
Ме ӧд унаыс ачым
Аскӧд пыравла венӧ.
Менам кывбурӧй — чача.
Талун гижа — и вунӧ.

Аски лоа нин мөд.

Коркө шондіа лунө

Ассым чутөс ог төд.

Збылысь, эскыны меным,

Кыз и төвлы, оз ков.

Көні кывбурой, сәні

Менам вежласян лов.

Сійө сэтшөм

Соддзө войтва тюрө-киссьө, —

Нюма шонді сывдө лым.

Мыйла сьөлөм век на висьө?

Сідзкө, сійө век на пым.

Сідзкө, век на сылы этша,

Оз кө лөнхлы лун и вой.

Мыйла эськө сійө сэтшөм?

Мыйла ачыс корсьө дой?

Кымын тулыс сәксянь воліс?

Кымын ва нин кывтіс, ой!

Век на сылы мыйкө колө.

Век на этша сылы дой.

Оз и вежсы сылөн этшыс,

Оз и өзты сійөс мөд.

Мый нин вөчан — сійө сэтшөм!

Тувсов гажас тшук оз пөд...

Виталий КУРАТОВ



Кык висът

Нетшыштӧм дзоридзыд косъмӧ

Костялы бара на ковмис дыр пукавны стрӧитчан контораын. Старшӧй инженерлӧн бӧръя кадӧ юр выв тырыс вӧлі уджыс: оз эшты график серти ӧкмыс судта олан керкаыс, со и лоӧ лукйысны удж бӧрын быд пӧлӧс бумага пиын, корсьны мыжаӧс.

Ывлаӧ петӧм бӧрын Костялы чужӧмас чапкис бус кодъ зэр. Луннас вӧлі шоныд, а рытнас поводдяыс вежсьӧма, кӧдздӧдӧма. Сюръяяс вылын мыйлакӧ биыс эз вӧв, енэжас ӧшйӧм кымӧръясыс дзыкӧдз пемдӧдӧны му эжсӧ, гашкӧ, та вӧсна и улич кузя ветлысь-мунысыс вӧлі этша.

Костялӧн пинжак вылас плац палгӧма, кӧтасьӧмысь оз пов, мунӧ гортас шойчигмоз, тэрмасьтӧг. Вӧйтгӧма аслас мӧвпгьясӧ да эз и пыр казав, кӧні, кодӧ горзӧ? А горзӧс керка сайын нывбаба, корис отсӧг: мездӧ пӧ, грабитӧны!

Костя, том морт, эз полысь рӧдысь вӧв, котӧрӧн чепӧсйис керка мышкӧ, кысянь кыліс горзӧм шы. Ывлаас кӧть рӧмдӧс нин, морт чужӧмыд омӧля тыдалӧс, но керка стен дорын ноксысьяслӧн мыгӧръясыс бура тӧдчисны. Кык зонка топӧдӧмаӧсь нылӧс, мырддӧны кысыс сумка, мӧдыс оз сет, лӧк горшӧн равзӧ, корӧ отсӧг. Костя варыш моз уськӧдчис зонкаяс вылӧ, первой ӧтисӧ шыбитӧс муас, сӧсся мӧдсӧ ныв дорысь нетшыштӧс, чужйис сӧтанас, скӧрысь стрӧжитӧс:

— Зырым бедьяс! Нывлысь сумка мырддьянныд, абу яндзимныд!..

Отсӧг локтӧм бӧрын нывлӧн вӧлись личалис вир-сӧныс да сыркъялӧмӧн бӧрддзис. Том морт босьтчис бурӧдны нылӧс, а сы костӧ сумка мырддьясыс удитӧмаӧсь пышйыны.

— Бур мортанӧй, сӧ пасибӧ мездӧмсьыд, — небыдик, вӧснбыдик гӧлӧсӧн, сыркъялӧмысь дугдытӧг аттьӧалӧс зонмӧс ныв. — Ме бӧрысь лавкаысь петӧмсянь вӧтчисны, тыдалӧ, чайтӧсны сумкаын сьӧм новлӧдла. Ӧтчид мырддьялысны да ӧні пола нин, сьӧрысь ог новлӧдды.

— Тайӧ зырым бедьясыс жӧ мырддьялысны? — жалитыштӧс нылӧс Костя.

— Ог тӧд, гашкӧ, и тайӧяс, гашкӧ, и эз. Чужӧмгьяссӧ эг аддзав, рытыс пемыд жӧ вӧлі, — ныв дугдӧс сыркъялӧмысь, носӧвикӧн чышкаліс синвасӧ.

— Лок кольӧда гортӧдзыд, кӧні тэ олан?

— Пушкина вылын, асланым керка, — нывлӧн гӧлӧсыс дзыкӧдз сайкаліс, кыліс весиг серамкодъ. — Сумкаыс выль да жаль, сӧсся папиросысь кындзи сӧні нем абу, батылы босьтӧ.

Костя олӧс Куратов нима улича вылын да нылӧс кольӧдны сылы

вөлі пöпyттö. Ныв горт дорö локтöм бöрын том мортлы окота вöли тöдны, кыдзи шуöны да юалис нимсö.

— Роза, — вöснныдик гөлөсөн шуыштіс ныв, быттö малыштіс небыдик кинас зонлыс чужöмсö. — Ме вузася рынок вылын кушöмсюрö шыльö-мыльöөн, верман коркö воыны, мыйкö ньöбны. А тьянöс кыдзи шуöны?

— Константин, бать-мам нимтöны Костяөн.

Та бöрын ныла-зонма и торьялісны.

Вöскресенньö вöлі. Костялы окота лои лун югыднас видзöдлыны Роза вылö, пемыдад тöдмасисны да эз аддзыв нывлысь чужöмсö, нарошнö локтіс рынок вылö аддзöдчывны. Ылөсас тöдіс, көні вузасьö Роза да регыд и аддзис киосксö. Аддзисисны да зэв лои рад кыкнанныслы, быттö важөн нин тöдöны öта-мöдсö. Тайö лун бöрас Костя быд лун мог пуктыліс пыравны Роза вузасянінö, мед видзöдлыны нывлысь мичаник гöгрөс чужöмсö, оз тусь вом дорьяссö, лöз енэж кодь сöстөм синьяссö. Ныв казяліс жö зонлысь быд лунья воывлөмсö да ачыс эз тöдлы, кыдзи радейтчис сы вылö.

Институтас велöдчигөн Костялөн гөрэдзассыліс радейтчөм, но велöдчөмсö помалисны, и нылыскöд йитöдыс ори: зонмөс ыстісны Сыктываркө, а ныв муніс Печораö. Розакöд тöдмасьöм бöрын Костялөн эз ло узьöм ни олөм, удж вылас и гортас юр вемсö йирö öти мөвп, кыдзи öдйöджык аддзисыны нывкөд. Удж бöрас гортас вольтöг, кынöмыс сьумалö көть оз, мунö Роза дінö, йöжгылясьö-виччысьö сэні киоск пöддалөм, сэсся кольбөдö нылөс гортöдыс.

Тадзи кыссис кык во. Тайö каднас зон удитіс тöдмавны ныв йылысь ставсö: во сайын помавлөма курсьяс, тöдса морт отсöгөн пырöма киоскö вузасьны. Бать-мамыс юöны, эмөсь ичөтджык да ыджыдджык вокьяс. Ичөтыс велöдчö на, ыджыдджыкыс уджтöмалö, лун-лун шөйтö кар кузя, чукөртö тыртөм сулея. Рытнас локтö гортас бать мозыс жö код, и пыр зык да шум. Ая-пия оз лөсявны, код юрнас тайкö оз косясьны. Роза көсийö мунны на дорысь, зыксянінсыс, надейтчö петны Костя сайö верөс сайö. Зон ачыс ышöдіс сы вылö, көсийс гөтрасьны, öд нывсö тöдö кык во нин, тайö каднас кымынысь кольбөдчөма, окалөма öмидз көра вом дорьяссö, нывсö тöдö гут и бан. Мед, колөкө, пö и омöл семьясыс, юысь бать-мамлөн, петас сы сайö, мунас голь позсыс. Öбөдитны некодлы оз сет. Овны мөдасны торья патераын, сө пасибö Онтон пöльлы патера козьналөмысь. Царство сылы небеснöй, вит во лө таво мөдар югыдö мунөмсяныс. Гортсыс мунас, бать-мам дорас кольбө на чойыс, оз ло налы гажтөм.

Тадзи Костя мөвпаліс командировкаас мунтöдз. Кык тöлысь кежлö сійөс мөдөдісны Питерö, стрөитчан трестö, кыдзи бур специалистсö опыт босьтны.

...Гортас локтөм бöрын Костя сійö жö рытнас муніс рынок вылö Роза дорö, вайис гөснеч — зэв мича исергаяс, но вузасянінас ныв эз вөв, сы пыдди киоскын мөд ныв нин сулаліс. Кытчö муніс Роза? Виль вузасьысь эз сяммы висьтавны. Колис нөшта тöлысь джын, и Роза ачыс корсьöма Костяөс, звөнитлөма удж вылас, корөма рытнас ресторано, мед сэні аддзöдчывны.

Гортас Костя уджалан паськөмсö вежис, бөрийс шкапсыс виза кольквиж дөрөм, пасьталіс пемыдсьöд костюм, кодөс пырджык празникьяс дырйи новліс. Ыджыд зеркалö водзын бергалігас и суис воксö удж вылысь локтысь Зина. Ичөтик сумкасö да босоножкияссö шыбитөм бöрын пыр и вомаліс воксö.

— Бара нин лөсьöдчан Роза дорад? Öвсыс, вокö, кадсö сөйны, Потаповкөд пö сійö нюлсьö.

— Кытысь кывлін? Эн нем абусö баит, — ырыштчыліс чойыс вылö Костя.

— Пөдруга висьталіс, сійö Потапов домас олө.

— Сөрөм. Вот талун муна и корала ас сайё.

— Йойтав. Кызы вит арёс тыртан — и век на челядь.

— Розаыс мыйён тэд оз кажитчы? Зэв мича ныв, и ме сийёс радейта, — дорйысис вокыс, ачыс пыр на сулалё зеркалё водзын, лёсьбодё галстуксё.

— Коді татшөм жар дырйи галстук новлө? Йой! — мамыс кодь гөлөсөн жалитыштис чойыс.

— От, либө, пасьтав.

— Эн, дай дөрөмыд тайё костюмыдлы оз мун, — Зина ачыс бөрйис лым еджыд дөрөм, мыччис вокыслы, — тайё лөсялө, мунан кө быттьё свиданнё вылад, но меным Розаыд синмын жель кодь.

— Меным кажитчө, гөтрасям, торйөн мөдам овны, пөльлөн патераыс тыртөм.

Чойыс татчө нем эз шу, пырис аслас жырийё вежсыны. Недыр мысти бөр петис орөм коска, лөз сера кокныдик халата. Вокыс кодь жө ичөтик веськыд ныра, пашкыр сьдов юрсиа, руд синъяса томиник ныв. Кольөм гожөм помалис медучилище, өні уджалис роддомын медсестраөн.

— Вокө, менам пөдруга тэ вылө радейтчөма, он, небось, сийёс казья. Розаыд сы дорын нямөд! — Зиналөн некыдз эз инась сьблөмыс, водзё броткис вок вылас, сэссия тшөтш матыстчис зеркалө дорё, йөткыштис воксө, мед лөсьбодыштны асьыс юрси кутөдсө, ядритыштис. — Тырмас мыш-водзтё бергөдлыны, төдас Розаыд тэнө.

Ресторан дорё зон локтис урчитөм кадысь неуна водзджык, виччысигмоз өзтис папирос да бөра-водза мөдис пөкажывайтны. Костя, ылалөма аслас думъясө, гартис-тэчис юрас нывкөд сёрни панассө да эз и казьялы Розалысь мышсяныыс сибөдчөм.

— А вот и ме! — зэв нимкодьпырысь шыасис ныв, сэссия вөлись мыччис кисө. Роза зэв мича лөз платтьөа, воротник дорсө быгөртөма бисерөн пөртмасьысь сикөтш кодь мольясөн, восьса морөса. Еджгов юрсисө лэдзөма мышкас коскөдзыс, югыдлөз синъясыс мудера дзоргөны зон вылө, вөсныдик паръяса ичөтик вомыс вашмунөма да тыдыштөны посныдик пиньяс. Золушка кодь ичөтик, вөсныдик, мусаник ныв!

Костя сывйыштис Розаёс коскөдыс и пырисны ресторано. Пызан сайё пуксьөм бөрын сёян-юан закажиттөдз ныв нюмьөвтис да шуис:

— Сөмын чур: ме тэнө пригласити, ме и мөда мынтысьны. Öнi ме озыр, закажит, мый тэд колө.

— Муса ныв, тадзинад абу лөсьыд. Ресторанад вежджык мужичөй вештысь, — зэв збыльысь пыксыны мөдис зон, аслас весиг ус помъясыс мөдисны тiравны, руд синъясас сувтис шензыштөм.

— Тэ менө унаысь гөститөдлин, талун менам өчередь.

— Ладнө, бөрыннас видзөддам. Мый кутам юны?

— Ме ликёр юа.

— Ме, либө, коньяк.

Официантөн заказ босьтөм бөрын Костя паськыда нюмдiс, мудер синъясөн видзөдлiс ныв вылө, сэссия пөлынтьiс юрсө да вашкөдөмөн мөдис вьсывавны.

— Талун ме тэнө корала и, көсья кывны сөмын “Да”.

— Часлы, эн тэрмась, вай гажөдчыштам, а бөрыннас и сёрнитам сы йылысь, но?

— Бара ковмас виччысьны! — дөзмискодь том морт.

— Вай ужын бөрөдзыс нөрөвитлам, сэки стөча вьсывала.

— Но, либө, — папирос өзтигмоз ньылыда шуис Костя.

Вайисны кык графинын юантор, закуска. Костя кисьтис пемыдгөрд ликёрсө ныв румкаө, сэссия мөд графинысь аслыс — коньяк.

— Тостыс лөө миян аддзысьөм вөсна. Мед миян костө некод эз лысьт скойны нырсө! — румкаяснас точкисьөм бөрын кыкнанныс

юисны. Сэсся сёйыштисны, өттор-мөдтор йылысь сёрнитыштисны да бара юыштисны, сы бөрүн Костя юалис:

— Көни өни уджалан? Ме өд ог на и төд.

— Өти частной фирмаын, Потаповлөн секретарь пыдди, телефон пыр чукөртала кычкө да кутшөм төвар колө, налөн карас вит вузасын лавка, некымын киоск, кык кафе, аптека. Сиктысын на лавкаяс эмөсь и, — чуньяссө куснөддөмөн лыддьөддис Роза. — Важ удж вылас ковмис эськө во джын мырсыны, мыйта төлысьнас удждонсө тани мынтөны.

— Потаповыс том? — вежөгтөмкодь кылис зон гөлөсын.

— Ар комына.

— Гөтыра?

— Шуөны, гөтрасьлөма, бөр юксьөмны. Став уджнас ёнджыкасө Потапов-батыс бергөдлө, пиыс сөмын отсасьө.

— Потаповъяс да "К" фирмаөн, инө, шусьө тэнад уджаланинды, — серамыс петис зонлөн.

— Меным веськодь, көть кызди шуасны. Мынтөны тай бура-а.

— Пиыс тэнө босьтис удж вылас? Кажитчин, сідзкө, сылы?

— Ог төд. Метөг сы дорө нывъясыс унаөн воывлөны, — Роза тани пөръясыштис: Потапов пиыслы сійө ёна кажитчө, рынок вылысь киоскыс аддзис да Розаөс пыр и корис аслас контораө уджавны.

Залын ворсис музыка. Сцена вывсъянь сьылсисны тешкодь куплетьяс, висьтавлисны анекдотьяс. Гажмыштөм гөсьтъяс эз нин пукавны места вылас, өткымынөн йөктисны пызан дорас, некымын пара бергалис вальсын.

Костялөн талун олан руыс кыпид вөли да бара на кисьталис румкаясө. Роза эз жө пыксыы, чукрасьтөг пөрөдис румкасыс вомас, кинас чышкыштис парьяссө, бара босьтчис сёйны. Вина жарсыс Костялөн чужөмыс ломалө, руд синъясас поздысис вильышлун, ус улас вазьөм льөбйыс калькалис, тыдавны мөдисны табак тшынысьыс вижөдыштөм пиньяс.

— Роза, сьөлөмшөр, ме тэнө радейта, көсья, мед тэ пыр вөлин мекөд, вай гөтрасям? — пөся кутис сёрнитны сьөлөмсянь петысь кывъясөн Костя. — Тэ сөглас вөлин лоны гөтырөн, сідз өд?

— Ме юысь бать-мам дорысь көсий мунны, а тэ гөтрасьөм пыдди кычкөкө пышйин! — көритөмкодь артмис нывлөн. — Шуйн: нөрөвитаам пө... Кутшөм мем сэки вөли өбиднө. Ачыд ышөдин, ме надейтчи, бать-мамлы и быдөн висьтавлі. А өни менсьым ки коран?

— Менө командировкаө ыстылисны, — правдайтчис Костя. — Аски вай ветлам мянө, бать-мам мед бласлөвитөны.

Та бөрүн Роза көритана синъясөн дыркодь видзөдис зон вылө, пыркнитис пашкыр юрсө, кывъяссө торйөддөмөн морөс пыдөссянь петысь лов шынас шуис:

— Кор ме вөйыси, сэки эн босьт, өни ачым ог көсий!

— Мыйла? Дугдін менө радейтны?

— Ме, Костя, воддза моз на тэнө радейта, но олөмыс вежсьө и мөд синъясөн куті свет вылас видзөдны. Өти-кө, выль уджыс меным кажитчө, ог көсий воштыны, мөд-кө, бать-мам моз гөль позйын ог көсий овны.

— Ме абу нин сэтшөм гөль, кызди тэ чайтан.

— Кыззы, ме кызь аросөдз майшаси юысь бать-мам дорын, югыд лунсө эг адззыв, йөз дінө петны платтьөйй эз вөв, пыр вежөй петис мича паськөмаяс вылө. И вот, бур морт босьтис менө удж вылө, мортө вөчис, уджысь ошкөны, сьөмөн оз өбөдитны. Сёя — мый колө, пасьтася — кызди көсья. Регыд кадөн лои йөз кодыс, ачыс Потапов ошкө менө, пыдди пуктө. Сійө озыр морт, а тэ гөльсыс-гөль.

— Тэ, муса ныв, гажмин тыдалө, ачыд он төд мый сёрнитан? — чуймис Костя.

— Ме абу на код, мед чуть кō гажмышті. А кори тэнō ресторанас веськыда висътавыны: тэ сайō ог пет! Коді тэ? Омōлик инженер, кодлы удждонсō во джын оз сетлыны. Гōтрасян да кыдзи мōдан семьятō вердны? Тшыг куласны.

— Роза, чōвлы! — олōдїс нылōс Костя, — менам патера эм, машина ньōби, батылōн Дырнōсын дача, сэсся од олōмыс коркō бурмас жō?

— Менам ставсō артыштōма нин, тайō мян боръяысь аддзысьлōм. Вай чукōсты официантсō, мынтысям и мунам.

Сёрниттōг петїсны ывлаō. Зон кōсийс на нылōс гортōдзыс кольōдны, но неылын сулалїс “Мерседес” автомобиль, чеччис сэтысь шоперыс да чукōстїс нылōс нимнас. Роза серōктїс, чожа матыстчис машина дорō, Костя вылō видзōдыттōг пуксис, и машина ыджыд одōн шуркнитїс-мунїс уличатї.

Костя вомсō паськōдōмōн сулыштїс ресторан дорын, сэсся зывōка шуис:

— Роза, эськō, мича дзоридз, но ёсь емъяса да ёна бытшласьō.

Ресторан дорысь ылыстчōм бōрын “Мерседес” вывса шопер висьталїс Розалы:

— Потапов пиыс ыстїс тэла, час сайō нин ывлаас виччыси.

— Кытысь сїйō тōдмалōма, мый ме ресторанын?

— Налōн быдлаын син да пель, ресторансяныыс звōнитлōмны, висьталōмны кодкōд тэ сэнї пукалан.

— А онї кытчō менō нуан?

— Асланыс офїсō корис, сёрнитантор пō эм.

Машина сувтїс окмыс судта керка дорō, Роза танї жō луннас уджалїс. Шоперкōд пырисны керка помō писькōдōм одзōсōд улыс судтаса кык жыръя контораō. Потапов пиыс, кыз яя, пōльтчōм чужōма, нимкодпырысь паныдалїс воысьясōс, а шоперлы шуис:

— Тэ мун гортад шойччы.

Контораас оти жырйын сулалїсны: пōрччысян шкап, пызанъяс, телефон, пельōсас бумагаясōн тырōм этажерка. Мōдас — телевизор, небыд диван, сэтшōм жō кык креслō, кожныдик зеркальнōй шкап, кōнї видзисны тарелкаяс, румкаяс, эз быравлы сэтысь и вина-сур.

— Личōдчы вай, висьтась, — шыясис кōзьяин джодж шōрын сулалысь ныв дорō. — Кутшōма гуляйтїд? Синъяс сертиыд тай быттō код-а.

— Игорь, ме шойччыны кōсья, мудзи талун, аски висьтася.

— Ме тэнō, рочакань, рытывбыд виччыси да ёнджыка мудзи. Вай оти здук пукалыштам, гажōдчыштам, — кōзьяин перийс шкапсыыс кык румка, коньяк доз и вōлись пуксьōдїс нылōс ичōтик пызан сайō.

— Тōнъя моз бара мыйōнкō юкталан? Асывнас юр чашка мōдлїс потны, — норасьны пондїс ныв.

Тōдмасьōм бōрас регыд и вōлї делōыс. Игорь кольōдїс удж бōрас нылōс да юктōдїс коньякōн. Роза эськō кык румка и юис, но бōрнас воштїс садсьō, нинōм оз помнит. Вōлōмкō, узьтōдан зеля вина пиас Потаповыс кисьтōма, медым нылōс вой кежлас кольны. Роза сэки ёна жō скōрмылїс, но мый нō вōчан? Кор найō кōзьяеваыс да ставыс насянь и вичмō.

Розалы онї коньякыс эз нин пыр горшас, но Потапов мырдōн юктōдїс румка-мōд. Сэсся сёрни панїс:

— Онї висьтась, мый Желевыс тэнсьыд кōсийс?

— Гōтрасьны кōсийō, коралō ас саяс.

— Тэ мый вочавидзин?

— Шуи: ог пет!

— Сїдзи веськыда и крапкин? — водзō пытайтїс Игорь.

— Эг чукаясь, водзō ог кōсийы корысявны.

— Правильнō, вай та вōсна юыштам.

— Мем тырмас, код нин.

— Ме юышта на, а тэ вод диван вылас, шебрасыс шкапас.

Потапов нёшта на лодсаліс румка-мод, сэсся пөрччысис да водіс ныв дорө.

Розакөд торъялөм бөрын Костя зэв ёна майшасис, майшасьомсьыс весиг чужөм вылас омөльтчис, пачкаөн лун папиросыс эз мод тырмыны, но том сьолөмыд некор тыртөм оз овлы. Аддзис сэтысь кушинсө чойсылөн пөдругаыс, Оля, да поздысис сэтчө дыр кежлө. Костя өні эз тэрмась гөтрасьомнас, төдмаліс, збыль-ө сійөс Оляыс радейтө.

Розаөс Костя дзикөдз воштіс, эз төд, көні сійө оло и кыдзи оло, шуда-ө Потапов пиыскөд?

Коркө, төв кольөм бөрын, гожөмнас Костялөн чойыс, Зина локтіс роддомысь, вайис татшөм юөр:

— Вокө, тэнад вөвлөм зазнобаыд төрыт пи чужтөма.

— Но, Потаповкөд сідзкө өтвывтчөма, — зон шуөмын эз кыв жалитөм ни көритөм, но сьолөмнас өнөдз век на эз вермы вунөдны Розасө.

Костя удж вылас ветлывліс подөн, и өтчыд друг вочаасис Розакөд, коді кагаа көляскаөн ветлөдліс тротуар вывті.

— Видза олан, Роза! — медводз шыасис зон.

— Бур лун, Костя, — юрсө муртса лэптыштіс ныв да син бөжнас кыйкнитліс мича костюма том морт вылө.

— Кыдзи олад-вылад? — сувтовкерис зон.

— Бура, — кызмырдөн шуис ныв и гөрддзасис горш діныс, водзө нем эз вермы висьтавы.

— Менам вежсьөмгьяс жө эмөсь, — ошйысьөм артмис зонлөн, — омөлик инженертө, кыдзи тэ коркө шулін, главнөйө пуктісны. Гөтрасьны көсья, субөтаө лоө свадьба. Тэнад со чужөма нин пи, а миян Олякөд ставыс на водзын. Но, ладнө, ог мод тіянөс манитны, гуляйтөй, — тадзи шуөм бөрын Костя муніс аслас туйөд.

Роза сулаліс коляска дорын, чышкаліс чышгьян помнас синвасө. Том йөй рунад ышмис озырлун вылө, чайтіс, Потапов гөтрасяс сы вылө, а мыйөн сійө төдмаліс Розалөн нөбасьөм йылысь, пыр и аддзис помка, вөтліс сійөс фирмасьыс. Нетшыштөм дзоридз моз Роза косьмөма: мича чужөмыс омөльтчөма, син гурангьясыс вөйөмны, лөзөдөмны. Коркөя мича платьбөсө, пельясас син ёран исергаяссө, чуняс зарни чунькытшсө сійө өні эз нин новлы...

Кузь туяд быдторйыс овлө

Тайө гижөдыс чужліс 60-өг воясө нин, но пыр на куйліс пызан йөрын. Öні аддзи да вьлысь лөсьөдыштали. Тайө лоөмторгьяс йывсьыс висьтавліс меным зэв төдса ёрт, когі ачыс вөлөма сәні. Сәки мир туйыс эз на вөв асфальта, совхоз-колхозгьяс скөтсө лэччөдлісны карө гопоставка вылө аслас кокөн на, важ туйөдыс.

Тайө хроника-висьтас сөмын героиялысь нимгьяссө вежөма, а сэсся — ставыс збыль.

Öти асылө Кебра сиктысь гузгысны-петісны мир туй вылө пемөс чукөр — ставыс комын нель душ. Ыджды сюра мөсьяс нориника бакөстлісны, арөса кодзөм бычөяс ныр пырыс ніргисны, төвйөдөм кукангьяс кизьөриник гөлөсьяснас ымөстлісны, тыдалө, төдісны ылі туйө петөмсө, поставка вылө лэччөдөмсө да прөщайтчисны найөс видзысьяскөд.

Найөс вөтлысьяснас вөліны витөн: кык мужичөй, сымда жө том ныв да дас нель арөса зон — Петя. Быдөнлөн киас — орс либө кузь нёр.

— Галя, тэ вѡснѡда пасьтасьѡмыд, а кѡдздѡдас кѡ? — сиктысь петѡм бѡрын тѡждысис ѡртыс вѡсна Настя.

— Мунігад ог кынмы, — вочавидзис сьѡд сэтѡр сингьяса Галя, — ной ковта пасьталі дай нойын плащ на эм.

Настя нѡшта мурталіс видзѡдласнас пѡдругасѡ да жалитыштіс: “Абу тай кузь туяд петѡмысь повзѡма, кыдзи бара пѡдѡныс карѡдзис лѣч-час-а?”

Галяѡс вир-яйнас Енмыс абу ѡбидитѡма, лѡсйытѡм гыр моз вѡчѡма: судта и пасьта ѡткодъ. Сійѡ ачыс и вѡзйысьѡма мѡсьясѡс поставка вылѡ лѣчѡдны: мед пѡ ветліг-мунігѡн вѡсняммышта, гос сывдышта, пигура вѡчышта.

— Настя, тэ гуртсѡ ордйѡд, мед мѡсьясыс оз чожа мунны, поснясыслы сьѡкыд вѡтчыныс, — нарадитіс син пѡла Митрей Вась, вѡтлысьяс пиын медся пѡрысь да асьсѡ нырщик пыдди пуктысь морт. — А тэ, Сергей, ѡтар туй дорсѡ видзѡд вѡрас пырѡмысь, — тшѡктіс орчѡн мунысь зонлы. — Петя мед мѡдар туй боксѡ кыйѡдѡ.

Настя ордйѡдіс гуртсѡ, лои пемѡсьяс водзын, ачыс нач туристка кодъ: дженыдик гѡлена резинѡвѡй сапѡга, лыжной гача, корѡм коска лѡз курткаа, кельыд ѡгырѡн сотчысь юрсисѡ кымѡма шангга кодъ беретѡн. Киас бедъ, мышкас ноптор. Том нывлы татшѡм паськѡмыс зѡв лѡсяліс, синмѡ шыбитчымѡн тѡдчѡдіс пелькиник да лѡсьыдик туша-тѣчассѡ. Сійѡ вѡсьлаліс пемѡсьяс водзын, корскюрѡ кыйкнитлывліс бѡрвыв, тыдалѡ, польштіс люкыштѡмысь.

А кадыс — гожѡм пом. Сулаліс кос поводдя, эз на тѡдчы арлѡн лов шыыс. Шѡнді, сынѡд, вѡр-ва — ставыс на вѡлі гожѡм ки улын: зѡрѡ, гымалѡ либѡ пѡжѡ. А ѡні со вежѡн сайѡ нин эз зѡр. Мѡс чукѡр весьтын бусьыс кымѡр артмѡ. Гурт вѡтлысьяслѡн паськѡмныс, чужѡмныс дзикѡдз нин рудмѡма. Пѡсь, буса, лолавны сьѡкыд. Буса вом доргьяссѡ ѡтарѡ нюлыштѡмысь Галялѡн парйыс сотчѡ.

Галя муніс ѡтар туй боктыс, Сергей да Петя — мѡдартыс, ѡтнас Митрей Вась камзѡдіс туй шѡрѡдыс, кадыс кадѡ равѡстывліс пемѡсьяс вылѡ, а мукѡддырйыс и плетгнас вурыштліс дыщджыка вѡсьлалысь пемѡслы. Сійѡ скѡтсѡ бѡрсяныс вѡліс.

Медводза лунсѡ пемѡсьяс чожа мунісны, пажынѡдз воисны нин Чукаыбѡдз. Тані шуисны пемѡсьясѡс шойччѡдыштны, йирѡдыштны, юктѡдны. Коньѡр пемѡсьяс руз-раз паськѡдчисны Вѡпра юдорса видз вылѡ.

Том йѡз уськѡдчисны ю дорѡ мыссыны, а Митрей Вась кольччис пастукавны.

— Ок! ѡні кѡ купайтчыштны — лѡсьыд! — okayтѡ Настя кѡдзыд васѡ чужѡмас чапйигтыр, пѡттѡдзис мыссьѡм бѡрын бергѡдѡ чужѡмсѡ пѡдругаыслань: — Ныр-вом кѡтъ едждыштіс эз?

— Акань кодъ лоин, — ошкѡ пѡдругасѡ Галя. Сійѡ радейтліс быдѡнѡс ошкыны. Нывгьяслы таысь зѡв любѡ; гашкѡ, сы вѡсна некѡр сійѡс эз и кѡдзѡвтны, эз ѡтдортны. Нылыс небыд характернас вылѡ пуксыгтѡг быдѡнкѡд лѡсяліс, торйѡн нин Настякѡд. Но асьсѡ Галя некытчѡ туйтѡмтіс туша-тѣчас радыис, кѡтъ и ныр-вомыс мича вѡлі. Сылы чайтис, мый зонгьяслы нылыдлѡн туша-тѣчасыс главнѡй, найѡ медводз вѡськѡдасны синнысѡ кок вылад, коскад, сѡсся морѡсад да вѡлисти видзѡдласны чужѡмад. Кажитчас кѡ — нюмдасны, оз кѡ и — оз. ѡні, кызь арѡс тырѡм бѡрас, ныв юр кольмыгтѡдзис мѡвпаліс верѡс сайѡ мунѡм йылысь, арталіс да донгьяліс тайѡ вѡськовсѡ быд боксянь, мѡвпаліс сідз и тадз, сѡсся бѡрын гѡгѡрвоис, мый бѡчка кодѡн кѡ лѡѡ пыр — нем и мѡвпавны верѡс сайѡ петѡм йылысь.

Мед водзѡ оз кыз, сійѡ дугдіс столѡвѡйын пѡваритѡмысь, пырис совхозѡ, медым пѡсь петтѡдз уджавны да тадзи вѡснѡдчыны, лоны статыѡн. И со тарыт ачыс вѡзйысис мѡсьясѡс карѡдз пѡдѡн лѣчѡдны.

Сергейлѡн мыссьыссьѡма да ѡні матыстчис нывгьяс дорѡ, шѡр

тушаа, зумыд пельпомъяса, кузьмӧс чужӧма, нывлӧн кодъ лӧз синъяса ён зон. Сыкӧд арлыдаясыс служитисны нин армияын, но Сергейӧс омӧля пельнас кылӧмысь эз босътны. Сёрнитис сійӧ гораа, кыз гӧлӧсӧн.

— Галина, мыйла тэнӧ оз шуны Линаӧн? — ю дорӧ пуксигмоз шмонь сёрни панис Сергей.

— Тэнӧ тай оз шуны Степанӧн, либӧ Иванӧн, Сергей ним эм да, — шмоньсӧ гӧгӧрвотӧг збыльысь вочавидзис ныв.

— Ангелина, Полина, Социалина — ставыс лоӧ дженьдӧдӧмӧн кӧ — Лина, а Галина, сідз жӧ помасьӧ Лина вылӧ. Сідзкӧ, ӧткодь, вот и кута шуны тэнӧ Линаӧн, — пыр на шмонитис Сергей.

— Эн сӧр. Менам Галя ним эм, и абу. мисьтӧмджык кутшӧмкӧ Линаысь.

Тадзи вензигӧн и шойччӧмыс помасис.

Настя да Галя ӧні кольччисны мӧсьяс бӧрӧ, нырщикавны ыстисны Петяӧс. Митрей Вась да Сергей нывъясысь кольччыштӧмны, мунігмозыс мыйкӧ варовитӧны. Настя мунӧ веськыдладортис ӧтнас, вӧйтчӧма аслас мӧвпьясӧ, казътылӧ, мый вӧлі бурыс да лёкыс олӧмас. Нывлӧн ӧні на син водзас сійӧ страшнӧй луныс, кодыр гӧрд вом дора мамыс да кутшӧмкӧ дядьӧ вайисны сійӧс карысь да колисны бабыс ордӧ. Нывлы кажитчӧ, мый тайӧ вӧлі зэв нин важӧн, но ӧні на сьӧлӧмыс забеднӧсыс топавлӧ, син доръясыс вазьылӧны. А батьсӧ оз помнит: вилӧмны сійӧс.

Настялӧн быдмӧмыс и велӧдчӧмыс мунис бабыс ордын. Та вӧсна, гашкӧ, и олӧм вылӧ видзӧдласыс, пытшкӧсса мирыс омӧля торъялісны ӧта-мӧдсыс. Йӧзсянь Настя кывлывліс бабыслӧн томдырся сюсьлун йылысь, сылӧн збойлун йылысь и, сійӧ бур киподтуя тӧлка пӧчыс сяммӧма вичмӧдны став бурторсӧ нучкаыслы. Ӑні найӧ йитчӧмаӧсь синмӧн аддзытӧм везьясӧн да некор эз дзебны ӧта-мӧдсыс войт мында гусятӧр. Ныв окотапырысь юксьывліс пӧчыскӧд аслас меся мича да сӧстӧм мӧвпьясӧн, эз кӧсий дзебны и ӧні Сергейкӧд лӧгасьӧм йылысь, кодкӧд шӧр школа помалӧсянь нин ӧртасисны. Сэсья бабыс жӧ и тшӧктис нучкасӧ петны тайӧ сьӧкыд туяс, гашкӧ, пӧ ӧтлаад мунігӧн бурасянный бӧр.

Настя дзумгысьӧма-вӧйӧма аслас думьясӧ, эз и казьявлы наян мӧслысь вӧрӧ пырӧмсӧ.

— Тэнӧ, ныланӧ, рӧмдігас слепӧкур али мый босътис? Мӧссӧ тай вӧрас колин! — Митрей Васьлӧн горӧдӧмыс вайӧдіс нылӧс ас саяс. Нывлы лои пыравны вӧрас да пановтны пемӧссӧ.

Настя лыддис асьсӧ мыжаӧн да горӧдыслы паньдсӧ нинӧм эз шу. Но сьӧлӧм дінас мыйкӧ зэлавліс, ӧбиднӧ вӧлі Сергей дырйи тадзи сійӧс шуӧмысь. А Митрей Васьлы веськодъ, быттӧ некод вылӧ эз и горӧдлы, плетьнас шенасигтыр мунӧ да аслыс бротӧдчӧ.

— Талун колӧ воӧдчыны Визин дорса Сорд грездӧдз, ставыс кӧ лоӧ лючки-ладнӧ, аски колӧ Межадорын узьны.

Сорд грездӧ ӧна рӧмыднас нин локтисны. Пемӧсьясӧс йӧрӧ меститӧм бӧрын ывлаыс дзикӧдз пемдіс, юр весьтын дзирдавны кутисны кодзувъяс.

Нывъясӧс узьны лэдзис ӧтка пӧчӧ, а мужичӧйяс шуисны войнас пемӧсьяс дорын дежуритчыны.

Нывъясӧс пӧчӧ ужнайтӧдіс да тшӧктис водны крӧватӧ, но найӧ ӧткажитчисны: ми пӧ бусаӧсь да пӧлатяд каям. Водӧм бӧрас Галя вӧлись кутис норасыны пӧдругаыслы.

— То кутшӧма кок зыртис, ӧдва нин локті.

Настя видзӧдліс да ойкнитис: Галялӧн кок шегйис вольсьӧма, ярсвидзӧ-доналӧ гӧрд.

— Колӧ мавтны мыйӧнкӧ да кӧртыштны, — майшасыны пондіс Настя. — Аски тэ муньнд ӧн вермы. Пӧчыслӧн вазелин, гашкӧ, эм, час ме чечыла да юала...

Ныв чеччис пöлатьысь, пырис жыръяс пöчö дорö, недыр мысти бөр петис, дозмукын руд мазь вайис.

— Бур зелля пö тайö.

Öтчыд мавтыштöмысь Галялөн садьыс быри, дой вылас быттьö кислöта кисьтыштисны.

— Ой-й-й! Мамöй-мамöй! Зöлитö!!

— Первойсö зöлитас, сэсся дугдас, — öлöдис пöдругасö Настя.

Но Галя нöшта на ёна мöдис ымзыны.

— Ой, караул! Ог, ог вермы терпитны... кула татчö!..

Настя бөр лэччис джоджö, кутис лыддыны гижöдсö, но этикеткаыс вижöдöма, вушйöма шондi водзын да омöля тöдчис. Медбöрын сяммис жö лыддыны да чожа кавшасис бөр пöлатьö.

— Тайö мазьыс лудöмысь, колö бөр чышкыны.

Галялөн дойыс ланьтис коркö вой шөр бöрын и вöлись нывъяс унмовсисны. Асывнас пöчыд казялöма ассьыс ылавлöмсö, нывъяс водзын кутис кевмысьны:

— Бобöяс, дивитö кöть эн, а пöрысь выжывыдлөн сорассьöма. Тайö мазьсö ме кольöм ар першавлысь корлi, порссиянь лудöм сойö вуджалi да.

Туйö петтöдз нывъяс лысьтисны мöсьяслысь кык ведра тыр йöв да пöшти ставсö пöчöлы колисны.

Талун Галя мунис чотигтыр, кок зыртöминыс доймис, но ачыс некод водзын эз няргы, Сергей казялис да пыр и юалис, а Митрей Вась жалитöм пыдди "гы-гы-гы" серöктис: абу пö кокад здоровьед, мед пö мукöдлатыс дзоньвидза-а.

Луныс бара лои шоныд, но тöнлун серти тöладжык, эзджык вöв öвада мöсьяс дорын. Лыска пуяс шувгисны, корьяс сёлыгисны. Гурт вöтлысьяс пыр частöджык чатöртчывлисны кымöртчыны мöдöм енэжö, виччысисны зэрыштöм.

Асывсянь öти кодзöм бычö мöдис чотны, сэсся пажын гөгөр и дзикöдз сувтис да нюжöдчис туй вылö. Митрей Вась, эськö, пондылис чеччöдны плетьнас, но весьшөрö. Пемöсыд, тыдалö, чорыда коксö песöма, беднöйлөн весиг син доръясыс вазьöмны, сьöкыда пошкö-лолалö. Том йöз виччысисны Митрей Васьылысь воча кыв, но та пыдди сийö арыштис бугыль пöвсö нывъяс вылö да лёкысь горöдис:

— Мöсьясыд вöрас пышйöны!

Том йöз уськöдчисны пановтны. Кор став пемöссö чукöртисны, Митрей Вась шуис Сергейлы:

— Тэ вай, зонмö, тайö сюра дявöлсö видзны кольччы. Шойччыштас да, гашкö, и водзö мунас.

Мусукукыс торйöдöмысь Настялөн вомыс калкалис шуны: ачыд пö тэ гуртөн "веськöдлысь" кольччы, зэв пö тай яра камандуйтан быдөн вылын, но, гашкö, повзис ныв сьölöмыс скөр дядьöысь, гашкö, яндысис Сергейысь да нинöм эз шу, сöмын плеш пырыс букыша видзöдлис "командир" вылö, код вöсна талун бара на сёрниттöм лоö Сергейкöд.

Том морт да кывтöм пемöс колины вöлökö öтнаныс.

Номъясысь öвтчигмоз Сергей сулалис, синъяснас коллöдис мөс чукөр, кытчöдз найö эз бердны чукыль сайö. Зон адзылис Настялысь бөрвыс видзöдлöмсö, муртса тöдчымөн кинас öвтыштöмсö, но эз гөгөрво, мый кöйис сийөн ныв шуны: кöритö али жалитö öтнасөн кольччöмысь, сэсся пыдисянь ышловзьö да гораа тöдчöдö:

— Колö Настякöд сёрнитлыны, бурасыны...

Том морт нетшкис мездор тыр турун, сетис пемöслы. Ачыс кежис туй бокö, корсис лöсьыдджык места, пуктис нопсö юр улас, нюжöдчис кызд улö. Номъяс дöзмöдчöмысь чужöмсö тупкис носöвикөн, кунис синъяссö да зилис немтор йылысь не думайтны, сiдзи прöста куйлыштны, виччысьны бычöлысь шойччöмсö, но куйлигас юр вемыс уджалö, вöйтö пыдöстöм мөвпъясö. Сергей медводз вежöртис, мый колö водзö

велодчыны. Во-мод сайын босътчыліс пырны институто, но кык бал тырмытөм вöсна эз веськав, öнi век на забеднö, мод-кö, армияö эз босътны сьöкыд пель вöснаыс. Кызь арöснад зонмыдлы топыда нин колö водзö олöм йылысь мөвпыштны. Аслас чайтөм серти кажитчис, мый мывкыдыс сылөн пыр на челядь кодь — төвруа. Татшөм кокныд характер вöснаыс жö и Настя лөгасис сы вылö. Колö жö вöли сылы Илья лун праздник дырйи шома юрнас крукыштны карысь локтөм гöрд вом дора нылöс да йöз водзас кольöдны сикт кузя.

Асьсö пыдди пуктысь ныв татшөмтор вöчöмысь зонлы дерт оз прöстит, лөгавны пондас, парсö чуйшöдлыны, кодкöд не öти рыт кольöдчöма, висьтавлöма сьöлөмсянь петысь пöсь кывъяс. Настяос Сергей сьöлөмсяныс радейтiс дай, буракö, нылыс эз вöv сы дорö кодзыд. И вот кызди артмис... Öнi том морт эз гөгөрво: дзикöдз кö лөгасис Настя, мыйла мөдöдчис ськöд сьöкыд да кузь туяс? Сергей эз висьтав ни эз нуöд нылöс, сийö ачыс кыськö кывлöма да вöзйысьöма. Сидзкö... сидзкö сийö эз нажötка понда мөдöдчы, пöчыс пенсия босътö, а ачыс совхозын уджалö — сьöмнад некор оз орлыны, сидзкö, мекöд бурасьöм ради лэччö.

Шондiыс лун шөр бöрын пыр тшöкыджыка сунласьлис кымөр сайö. Поводдяыс вежсис, но ывла вылас сынöдыс пыр на оняліс шоныдөн, мый вöсна ном-öвадыс сатшкысьöмөн сатшкысис куш яас. Сергей вöчис кыз пу корöсь да пондiс шенасьны, вöтлавны номъясöс. Тадзи мыйкö дыра пукаліс на, сэсся дзикöдз дöзмис öвад вылö, петiс туй вылö. Зон вылысь видлалiс пемöслысь коксö, но нинöм синмö шыбитчанасö эз адзы да жалитөм могысь пондiс малавны пемöслысь паськыд плешсö.

— Но, мый нö лоин, мый? Вай, батюшко, чеччы, водзö мунам, дзикöдз колясны мянöс...

И дивö! Кывтөм пемöс быгтьö гөгөрвоис мортлысь корöмсö, размöдысь выныштчис и сувтiс кок йылас. Сэсся чотiгтырйи мөдöдчис мунны.

Мудзөм да вир тшыг пемöсьясöс бара на ковмис Межадорö локтöдз сувтöдлыны да бур здук йирсьöдны, сэсся рытнас нин вöдчисны матыса грездöдз. Пемöсьясöс танi некытчö йөршитныс, грезддорса лут вылö и лои коньөрьясöс öтилаö чукортны. Гурт вöтлысьяслы бипур дорын жö ковмис войсö колявны. Настя Галякöд войбыд воча син эз лапкывны, дзоргисны-видзöдiсны мир туй вылö, мыччысяс оз бычöыскöд Сергей, но зон ни пемöс сидзи эз и локны. Аскинас виччысьнысö быри Митрей Васьлөн терпенньöсы да том йöзöс ытiс гуртнас водзö, ачыс кольччис сиктö, шуис, машина пö корсьла да Сергейлы паныд ветла.

Войнас прамöякодь зэрис, буссö туй вывсьыс весалис, мунны лои кокныдджык. Öвадыс талун эзджык төнлунъя моз сапкысь, омöльджыка вийсисны и пемöсьяс.

Петяös ытiсны нырщикавны гурт водзö, нывъяс кольчисны бөрö. Мужичöйястöгыд асьнысö кутiсны вольнöйджыка, тэрмасьтөг вöсьлалiсны пемöсьяс бөрся да зэв пöся варовитiсны. Галя век на чотыштö, мунö пöлынясьöмөн. Настя сы дорын кажитчис чöрс кодь вöсньöдөн да цирк кодь пелькөн. Мунiс кокныда.

Кык пöдруга орчөн мунiганыс мый йылысь сöмын эз большыны. Адам-Евасьянь да талунöдз том олöмыс интересуйтiс да майшöдлiс найös. А мый нö? Вöчны нинöм, яндысьны некодысь, гусаторьяс öта-мöдсьыс эз вöвны, вот и варовитiсны пöттöдзыс! Сёрни да басни сорөн мунiганыс нывъяс эз и казьявлыны пажын кад локтөмсö. Шуисны гуртсö шойччöдыштны, йирöдыштны туйдорса кушинын, аслыныслы колö вöли нурьясьыштны и. Öкурат тайö здукас и вöтöдiс найös Сергей. Локтöма пöпутнöй машинаөн, ачыс нюмъялö, синъяссö оз вештыв Настя вылысь, висьталiс: войсö колялöма вöлөкас, узьöмны бычöыскöд воча мыш,

а Митрей Вась абу и волёма паныдыс, машина аддзытём улö ыстысьёмөн. Талун асыв сійö кольчöма пемöс дiнас, медым кытчöкö инавны.

Пажнайтём бöрын Галя думыштiс: колö пö вешйивны друга-пöдруга дорысь, медым сетны налы сёрнитыштны, мед нин пö бурасыöны. Тайö мөвпсö тöд вылас кутёмөн и висьталiс:

— Ме гурт водзас жö Петякöд мунышта.

Сергей ог тöд гөгөрвоис-ö нывлысь тадзи вöчөмсö, но Настя дзик пыр жö казялис пöдругаыслысь мөвпьяссö да гусьöник нюмдыштiс. Ныла-зонма колины кыкөнöсь, кыв ни джын шутөг вель дыр мунисны. Эз лысытны юрнысö лэптыны, видзöддыны öта-мöдыслы синъясас. Сергейлы, эськö, окота вöли сёрнисö панны, но эз тöд, кысянь да кызди чöв олөмсö торкны? Настя тшöтш быттö кывсö нылыштытöма: первойөн эз окотит паныд сетчыны, лыддис асысö правöнджык, но думнас виччысис зонлысь сёрни панөмсö, сэсся кокныдджыка нин ышловзис мусукуыслысь гөлөссö кылөм бöрын.

— Тэ дыр-ö чайтан мөсьясыс олöны? — ныв дорö матыстчигмоз юалис зон. Та дырйи мыйлакö эз шу нывсö нимнас, но "тэ" кывсö торйöдыштiс.

Дыр-ö олöны мөсьясыс свет вылас, Настя эз тöд да вочавидзис ылöсас:

— Во дас кымын.

Сергей тöдысь морт моз кутiс висьтавны:

— Мөсьяс пö олöны 36 арөсöдз, öшгьяс да ыжгьяс — 20, а порсыяс — 16 арөсöдз. Пемöсьяс пиысь меддыр олöны вöвгьяс, поэбö шуны, дзор старикöдз — 67 во.

Татшөм тöдөмлун петкөдлөм бöрын ныв шензяна синъясөн видзöдiс зон вылö: вот пö тэ, зонмö, кутшөм тöдысь вөлөмыд, а ме пö ог и чайт вöли. Сергей казяли нывлысь сюся кывзөмсö да водзö пöся нудiс панөм сёрнисö. Öни сійö висьталiс, кутшөмөсь овлöны мөсьяслөн пөрöдаяс да мыйөн торьялöны öта-мөдсыс.

Галя мунiс гурт водзас сьылiгтырйи, колипкайлөн кодь мича гөлөсыс юргис туй вылын, паськөдчис нэмөвöйся вөр повствö, öтлаасис шувгысь-сельгысь пуяскöд, но бöрын мунысь ныла-зонма вöли ылалөмны асланыс сёрни-басниөн да эз и кывзыны сьылөмсö.

Ныр улас сунгысьтöдз мудзөм бöрын коркö локтiсны öти овтөм керка дорö, Ыб заводитчанинö. Пемдö нин вöли да водзö эз мөдöдчыны, шуисны сэни узмөдчыны.

Тани найöс и вөтöдiс Митрей Вась, висьталiс: бычöыслөн пö кокыс висьмөма ли, музгыльтчöма ли, муннысö водзö оз вермы, öти тöдса ордö пö коли, мөдысь мөсьяс лэччөдiгөн пö кöзяиныс бөр сетас. Сергей ачыс матайтчылис сійö бычöнас да эскис Митрей Васьлы, но эз тöд, дай думыштны эз лысыт, мый гуртөн "веськөдлысь" бычöсö асывнас нин вузалөма Межадор сельполы. Öни, көнкö, няпйöны-сөйöны нин чöскыд бычö яйсö сиктсаяс.

Митрей Васьлөн ичөтдырыс прöйдитiс кольөм война дырйи. Ичөтсыань пондiс нимавны кузь киаөн. Асланыс грездын керка эз кольлы сэни гульысьтөг. Вöли вывти лукав: пырас керкаад некод абутöминас, гурйыяс пачас, шыдсыс яйсö сөяс, йөв кашниксö ректас, чипан улсыс колксö босытас и бөр петас. Сөян-юанысь öтар нинөм на эз вөрöдлы. Сэсся воысь-во пöвадитчис и гырысьджыкторгьяс дiнö кутiс кватласьны. Мортыд, тыдалö, чөскаммис дарөвöй сөян-юан вылас, гусясьны кутiс и гөтрасьөм бöрас. Нинөм эз öтдорт, матынiнсьыд да дзебастөмджык пуктöминысь öдйö, мый аддзас да колö, шышнитлис. Тадзи, синмö пырысь гут моз, грекөвöйтiс сиктсаяссö, кытчöдз прамöй морт улö эз вьскав. Сэсся кольөм во на и локтiс дзескыдiныс пукаланiнысь, син повсö и быдөн сэни воштöма. Овмөдчис семьясыс торйөн: гөтырыс эз сибöд да олiс öтрасөн. Мый вöли нажөвитыштö, сийöс и юыштö.

Узьмөдчанинас керкаыс сулаліс юр пөла, сэні жө киссьөм карта да нейджды амбар.

Митрей Вась Межадорысь локтіс гажакодь, дзирдалысь бугыля, пукаліс бипур дорын, куритчигмозыс сераліс, анекдотгяс висьтавліс. Сэсса том йөзлы тшөктіс шойччыны, узыштны, ачыс көйыисис мөсьяс бөрся видзөдыштны.

Рыгьыс воис кымөра дай позис виччысьны, мый войнас ыркөдас. Увтасінгяс вевтгысьмөмаось майтөг быг кодь руөн, вөр-ва унмовсьома, кыліс сөмын пемөсьяслөн ыджыда лолалөмыс. Митрей Вась вель дыр бипур дорын пукаліс, некымынысь куритчис, сэсса чеччис, кок шытөт кынгис-муніс амбарлань, — татчө локтігас нин казяліс тайө нейджды стрөйбасө. Сійө видзөднысө вөлі вьль на: көзяиныс, тыдалө, мыйсюрө сэні видзис. "Пытшкас, гашкө, мыйкө згөдитчантор эм" — көинөс яй дінө моз кыкис мужичөйөс горшлуныс. Видліс өдзөссө — пытшкөссяныс игана. Вевт вьлас кавшасис, морт төрмөна розь вөчис да шлювөдчис пытшкөсас. Зепсьыс истөг корсигөн шаговтыштіс водзө, но вештөм кокыс некытчө эз мыджсьы да мужичөй сунгысис гуө кымынөн. Чужөм пасьталаыс чапнитіс көдзид, дуксьөм ва. Повзьөмысла мыйкө көйис горөдны, но сөмын упкөм и артмис. Сэсса Митрей Вась коркө сувтіс кокгяс вьлас, кималасөн гөгөр видлаліс да вөліс гөгөрвоис: тайө абу амбар, а эновтөм көбрег. Налькөй шедөм мортыд чорыда матьөктіс да вөлісь кутіс кавшасьны-петны гусьыс. Көйис вьлысь биасьны, но истөгыс көтасьөма, ковмис бара кималасөн петны пыран розьөдыс. Сылөн нопгяс шоньд дөрөм-гач вөлі, коліс вежсьыны, но бипур дорас эз көйы пасьтөгыс пөрччысьны да муніс киссьөм керка саяс.

Галя садьмис, кежис сійө жө керка саяс, но сійө жө здукас шердйысь вөв моз котөрөн локтіс пөдруга дінас.

— Ой, мамөй!.. Ой, караул!.. Ой, ой, ой! — повзьөмысла став вирьяйыс нывлөн тіралө.

— Мый лоис, вөтасин ли мый? — тшөтш садьмис Настя.

— Ой, караул! Эстөні пасьтөм бубу!..

Настя гораа серөктіс.

— Каститчө, буди.

— Збыль, сө збыль!

Нывгяс чеччисны, вьлысь ветлісны керка сайө, но сэні некод нин эз вөв. Митрей Вась сы кості удитөма локны да нюжөдчыны бипур дорө.

Аскинас мөс лэччөдысьяс зэв крут чойяса помасьлыгтөм Ыб сикт кузя мунісны пөшти лун джынсө. Том йөзлы сюри тані пөсь петтөдзыс котравны, панлавны пемөсьясөс йөз град йөрө пырөмысь. Горзөмысла Петялөн сибдөма гөлөсыс, Митрей Васьлөн ньылөм жө лэччө чужөм кузяыс, быттьө пөсь пывсянысь петөма. Мича да джуджды ыб гөраяс Галялысь вөрзьөдісны сьөлөмсө, ылькнитіс-петіс морөс кудсьыс горөдөм:

Джуджды гөра, Кебра гөра!

Зэв ылысянь тыдалө.

Өкаяннөй менам сьөлөм,

Кебрасасө думайтө!

Настя тыр шуда сингясөн видзөдліс пөдруга вьлас да этша и шензьыштіс, медбөрын эз терпитсьы да юаліс:

— Мишатө думыштін?

— Сійөс, но менө, тыдалө, зимөгорыд вунөдіс.

Нывгяс дорө матыстчис Митрей Вась, өтка синсө читкыралігтыр мөдіс висьтавны.

— Ыб помас эм төдса, зэв прамөй морт, сэтчө узьмөдчам. Чойяссө

лэччиг-кайигон пемосьясыс мудзисны да водзё вёлкас огё нин пырö.

Митрей Васёлн тдсаыс быдөнöс бура примитис, пемосьяссö кутшöмкö овтöм картаö и быдөн йөршитис. Нывъяссöс вердöм-юкталöм бöрын петкөдис шойччыны мөд керкаас, а мужичöйяс кольччисны көзяин дорö — зумыд, ён дядьö — чайник самöкур лэптис, юö пö, кодлы мыйта колö. Петя пыр и бöрынтьис, пырис жыръяс да водис. Сергей кутлис жö аснырасыны, но көзяиныс и кывзыны эз көсйы. Пырин кө пö мянö — тэ гость, а гостьöс не пыдди пуктыны — некытчö туйтöмтор. Сидзкө пö, давай чокнитчам...

Медводдза стöкансö порöдöм бöрын Сергейлөн ки и кок лёталис, чужöмыс гөрдөдис, синъясыс гудырмисны. Мөд стöканысь быть нин кутлис öткажитчыны, но öни Митрей Вась нин мөдис кевмысьны: юышт пö, мед мудзыд прöйдитас, сөнъяссыд вирсö разодас, сэсся кутшöм пö тэ мужик, чипан мында юыштöмысь кө коддзан? Та бöрын нöшта на мырдöналисны стöкан-мөд порöдны. Эновтисны сöмын сэк, кор зон кымынбөн сапкысис диван вылас, здук мысти нин шкоргис-узис.

Том морт коркө войнас садьмылис, мужичöйяс, кылö, пыр на чайник дорас варгисны.

— Но, сидзкө, по-рукам, — кылис көзяинлөн кыз басыс.

— Давай, — шуис Митрей Вась да кылис ки-на-ки воча швачкысьöм. Та бöрын деньгаөн моз кылис шпорөдчöм шы. Сэсся бара көзяинлөн гөлөс.

— Лыдды, ме честнöй морт...

— Ладнö, верита, — шуис Митрей Вась.

Сэсся кылö, кыкнаныс петисны ывлаö. Сергей көсйис виччысьны пырöмсö, но эз и тöдлы, кызди бара унмовсис.

Войнас бара зэрöма. Сергей кымöра лун кодыс зумыш, шог, морöс письыс ставнас көсйис петны ортсö, көсичаас быттьö нöшкөн сетöддисны, весиг сёрнитныыс вöли дыш. Настя гөгөрвоис том мортлысь майшасьöмсö да нöйти жалиттөг көрityштгис:

— Пир вылö али свадьба вылö веськавлн? А ещö: виччысьлы пö, рытнас пö локта... Вот тэ кутшöм вёлкыды...

Ныла-зонма кольчыштöмны мукöдсыс да некод эз кыв налысь сёрнисö. Сергей кылис асьсö мыжаөн, эз көсйы правдайтчыны. Зузьöдис-мунис сийö некод вылö видзөдтөг, нинöм йылысь думайттөг. Митрей Вась бара сы пыдди Галякөд шутитис, сералис — эз тöдчы сылөн некутшöм пöкмелля висьöм. Сергейöс жалитöм могысь вашнитис зонлы пеляс: "Пажгаөдз терпит, сэнн пöкмелитчам".

Том морт шеныштис кинас.

— Шабаш! И думайтны ог көсйы.

Водзөссö мужичöй гы-гы-гы-өн сöмын серөктис.

Мосьяссöс шойччөдигөн Настя друг матыстчис зон дорö. Синъясыс да чужöмыс зэв тöждысянаөсь, тöдчö, мыйыськö волнуйтчö.

— Сергей, — тэрыба кутис висьтавны ныв, — мем кажитчö: гуртас кык пемöс оз тырмы, гырысьыс, а посныдыс лишнöй.

— Мхы, интереснö. А тэ эн ылав? — эз веритсы зонлы.

— Сергей, со тайö куканыыс абу мян, мосьясыс коньөрöс люкалöны, оз сибöдны ас динас. Мукөд куканьяссö тай оз люкавны, сибалисны нин öта-мөд дорас, — Настя висьталис тайöс да видзөддывлис зон вылö, мый сийö вочасö шуас, но том морт чукөстис Галяöс да корис выльысь висьтавны.

— Миян узигкості вермис кодкө бычөсö вежны кукань вылö, — дыр думайттөг кыв көрталис Галя. — Колö Митрей Васьлы висьтавны.

— Вайö лыддям выльысь да вöлисти, — корис майшасьысь нывъяссö Сергей да ачыс медводз босьтчис артасыны.

— Танн дас көкъямыс душ гырысьыс, — лыддис зон, — ставыс кызь вöли, öтиöс Межадорö колимö, сидзкө, öти ыджыд пемöс оз тырмы, но бара öти куканьбөн со лыдыс унджык.

— Ме, тай, шуи, мися, ыджыд мӧс вежӧмны кукань вылӧ, — стӧчмӧдӧс Настя, — кыдзи сийӧ лои, колӧ тӧдмавны?

— Чӧвлӧ, ме войнас унзильӧнмоз кывлӧ налысь сӧрнисӧ, — ӧлӧдӧс нывьясӧс Сергей и висьталӧс, мый йылысь сӧрнитисны Митрей Вась да кӧзяиныс. — Вай огӧ на "веськӧдлысьыдлы" висьталӧ, быттьӧ ми нинӧмтор ог тӧдӧ, ачыс асьсӧ явитас.

Том йӧзлы зэв ӧбиднӧ вӧли ас мортӧн тадзи ылӧдлӧмысь, найӧс йӧй туйӧ да пыдди пуктытӧмысь.

Галя эз кӧсйы миритчыны чӧв олӧмнас, пузис скӧрлунысла сьӧлӧмыс.

— Но вир юысь лешак! Пӧвадитчӧма дарӧвӧй деньга вылад овнытӧ и век на оз кӧсйы ӧвсьыны. Колӧ чожа милицияӧ явитны.

— Некытчӧ ог явитӧ, — ӧлӧдӧс нылӧс Сергей, — асьным кӧ воштим, асьным и корсям...

Мӧсъяслӧн стада мунӧс водзӧ. А зэрлӧн дугдӧмыс оз тыдав: помся шливӧ и шливӧ. Мунысьяслӧн паськӧмныс кӧтасьӧма сулик ва, сьылӧяс дортӧяс, пельпомъяс вывсьыс ру кайӧ. Буса туйыс кизьӧрмӧма, нӧдзӧдӧма, шлюп-шлӧп кылӧ кок улын кизьӧр няйт. Зэрысла пемӧсъяслӧн гӧныс югъялӧ, мыськӧма мыш вывсьыс став буссӧ да няйтсӧ.

Том йӧз восьялӧсны чӧв-лӧнь. Быдӧн вӧйтчӧмаӧсь асланыс думъясӧ, быдӧн ас ногыс кӧсйӧ корсьны мыжаӧс.

Ыб—Пажгаа вӧлӧкыс кӧтъ эз вӧв сэтшӧм кузь, но быд лунтӧ мунӧгӧн пемӧсъяс мудзӧны, укшальмӧны, воштӧны сьӧктасӧ, тайӧс тӧд вылын кутӧмӧн Сергей шуис: колӧ пӧ вӧлӧк костъяссӧ дженьдӧдавны, частӧ-джык пемӧсъясӧс йирӧдны, юктӧдны, шойччӧдны. Та вӧсна и Пажга сиктӧ вотӧдз вӧлӧкас, паськыд кушинӧ узымӧдчисны. Сэсся бипур дорын и пансис сӧрнис.

— Ӑти бычӧ тӧрыт миян вошӧма, — став дӧнас моз шыасис Галя, но кӧсйис, мед кылӧс сийӧс тшӧтш и Митрей Вась.

Сергей кыйӧдӧс син пӧла мужичӧй бӧрся и казялӧс, кыдзи сьлӧн чукрасьӧм чужӧмыс гӧрдӧдӧс, тӧравны мӧдӧс льӧбйис.

— Кыдзи вошӧма? Тэ, ныланӧ, эн вай сӧр! — воча скӧрысь шыасис Митрей Вась. — Став пемӧсыс эм, тӧрыт ачым йӧрталӧгас лыдди, талун асыв сымда жӧ лыдыс, колӧкӧ, лыддӧй.

— Лыдыс артмӧ, но арӧса бычӧ пыдди кукань со мӧс чукӧрас... бокӧвӧй... — стӧчмӧдӧс Настя.

— Мый сэн чуклясьнысӧ, веськыда колӧ шуны: бычӧсӧ вежӧмыд, Митрей Вась, — крапкис-шуис Галя, ачыс бедьсӧ киас чорыджыка кабыртӧс, гашкӧ пӧ, син пӧлаыс варышӧн уськӧдчас сы вылӧ.

— Ме? Кыдзи, кӧнӧ вежи? — быттьӧ повзис Митрей Вась да сарӧга кимӧдзнас малыштіс пӧсявны мӧдӧм щӧтьӧн тырӧм чужӧмбансӧ. — Тӧ, том йӧз, олӧма морт вылас эн насмекайтчӧ, а то...

Сергей эз лэдз сылы помавныс, ёся видзӧдлӧс паньдӧн сулалысьлы ӧтка синмас, лэчыд пуртӧн моз вундӧс-шуис:

— Тэ, Митрей Вась, эн янӧд миянӧс, ме войнас кылӧ сӧрнитӧ, бычӧсӧ тэ деньга вылӧ вежин, эн лысьты соссьыны!

Зэв зывӧктана видзӧдласысь позис казявны, мый Митрей Вась вочасӧ кӧсйӧ шуны матькана чорыд кыв, но сийӧ жӧ звукас, тыдалӧ, гӧгӧрвоис, мый сийӧс эрдӧдӧмны да друг вежис сӧрнитанногсӧ.

— Сергей, зонмӧ, тӧрыт ӧтлаын вӧлим дай сэтшӧм жӧ ме код вӧли кыдзи и тэ, некытчӧ войбыдӧн эг петав. Нем абусӧ оз ков лӧсьӧдлыны, кывъяд чирей каяс!

— Митрей Вась, тэ олӧма морт, би пыр и ва пыр прӧйдитӧмыд и зэв бура гӧгӧрвоан, кутшӧм вильыд туй вылӧ бара сувтин, — пыр и вомалӧс пӧръясьысьсӧс том морт. — Абу кӧ окота выльысь дзескыдӧнас веськавлыны, ветлан Ыбас бычӧсӧ вайӧдны. Совхозыдлы деньгаыд оз ков, сылы яй кузя план мед тырӧ.

Некодды нинӧм шутӧг мужичӧй зэв скӧра кисыс плетьсӧ челӧдӧс

канава сайо, сьовзъысис и ыджыд воськолон мододчис сиктлань. Ставон чайтисны, мый бергодчис Ыбб, но бара на том йозто ылодлис: мунис и воши.

Пажгасянь кузя на ковмис мунны Гарья да Лозым сиктъясод, Соколовка грезд сэки пукалис на местаас, тані шор дорас пембсьясод йиродисны-юктодисны, но Вьльгортё локтодз пемдыны кутис да туйдорса кушинё медборъяысь вёлөкө узьмодчисны. Аскинас карё локтисны лун шор гогор. Гурт вөтлысьяс ставныс няйтось, чужомъясыс ном-оваднас курччаломысь пыктөма, пупышсялөма.

Мясокомбинатё скотос иналом борын том йоз кокныдджыка лолыштисны: уси пельпомьяс вьвсьыс сьокыд из. Могнысё портисны олөмө, но сьолөмьяс вьвсьыс шогыс эз вешйы: воштисны арөса кык бычө дай ачыс гуртөн "веськөддысьыс" пышйис. Гортас локтасны, ставсьыс ковмас кыв кутны.

Карын шуисны узьны оти вой, аски асыв, скорас кө автобус ыло билетыс, нбөбасны Визинөдз, а сзтысянь сзсся кызкө гортөдзыс воөдчасны нин.

Митрей Вась эз и лок, пышйис. Сергейлөн тонлун и талун юрас визъялис мөвп: кытчө сийө вермис мунны? Гортас эз кай, полис, бычө вежанинө, Ыбб өдвакө борсө мунис, сьомсө, конкө, вузасигас и босьглис. Вермис лэччыны карө, деньгаыс өд зеп тырыс, буавны модас лун и вой, кытчөдз оз кушмы зептыс.

— Вайө корсьламө, — ышөдис нывъясөс зон, — базар ылын эм сур юанин, тшук да сийө сэни.

Базарыс сэки вөли өния шор гостиницалы паньд, гогорыс пөвъясон потшөма.

И збыльысь, Митрей Вась пукалис неыджыд "Закусочнойн", грана ыджыд кружкаысь юис сур, ачыс ёна нин код. Залыс быгттьө мазі поз: код мужичөйяс ота-мөд вежмөныс ызгисны, сьылисны, матькисны, сэни жө и куритчисны.

Тайө шум пиас некод эз и казьявы, кызди Сергей нывъясыскөд кватитисны Митрей Васьлысь кияссө, бергодисны мышкас, а сы кості Петя гутөдис став зепсө. Сьомсө адззисны некимын сө шайт. Митрей Вась кор гогорвоис лоөмторсө, ырыштчылис жө чеччыны, но вата кодь кокьясыс эз кутны да бөр шняпкысис-пуксис улөс ыло. Вомсьыс быг резмөн модис пинясьны, матькыны. Та ыло Сергей сөмын шуис:

— Гортад локтан да сэки бура сёрнитам. А сьөмтө сёрнджык милицияө нуам, мед сэни тэкөд сёрнитасны. Öни некор.

Том морт нуөдис карас сзкся медся ыджыд вузасянинө да корис Настяөс бөрйыны еджыд мича платтьө, та дырйи яндысьөмөн шуис:

— Он кө мөд пыксьыны, ме көсья тэнө коравны...

Некодысь яндысьтөг ныв сывйыштис зонмөс да зэв чөскыда некимынысь окыштис.

Том йоз аскинас локтисны гортас. Төлысь бөрын вөли свадьба, Сергей да Настя гөтрасисны.

Совхозлы пакось вөчөмысь Митрей Вась, тыдалө, повзис да гортас эз и лок... Асьнысө нин сзсся милицияө корисны, следователь динө.

Анжелика ЕЛФИМОВА

* * *

Важон сөникасис
чайыд,
Чорзис нянь.
Дасысь, көнкө,
корліс
мамыд
паччөрсянь.

Тэнад быттьö
гөгөр куліс...
Овлывлө...
Тайö бара локтö
тулыс
му вылө...

* * *

Нюмнас öшинь сайын
май
синтö ёрö,
Ойдом видзтö
дзодзöгön
уйны корö.

Майлы эскыны
оз позь.
Шоньд ковта
пельпом вылö
шлапнита,
пачьяс ломта...

* * *

Тэ менö көнкө виччысян.
Ме тöда.
Тэд шуштöм керкаад,
И ывла вылас пöдан.
Ни сур, ни синва
кушинтö оз тырт.
Тэ гажтöмыдла кусан
асыв-рыт.

Ме тэныд паньыд
лөсьöдчи нин петны,
Мед тэкöд олөм
Ен кабырö сетны,

И тэкөд орччөн шонтыны
сөй гу,..
Мем сьөлөм индас,
көні тэнад му,..

* * *

Көсйи аслым лоны сарөн,
Асывводз
Пышйи сиктысь ыджыд карө,
Лои роч.

Менө өні выль друг кутлө,
Озырми.
Сөмын чужан муөй шудлы
Оз тырмы...

* * *

Быттьө мудзөм каньпи,
Куткыртчөма шань пи.
Вашьялігмоз нускө.
Вунөм сись тор дзүзгө,
Полігтырйи, гусьөн
Любуйтчө «оз тусьөн»...

* * *

Тэ лэбавны эн көсйи,
И ме чегъялі бордяс.
Тэд батыб сур эз вөйи,
И ме зновті гортөс.
Тэ шуин: «Енмыс уна»,
И ме пернаөс вошті.
Ок, кытчө бара-й мунам
Ми му да енэж костті...

* * *

Парма лөнбө шонді уси.
Аскиөдз!
Кольмис сынөд өмидз дуксьыс.
Мамук, лэдз
Кодалыштны пемыд лөзас.
Эн корсьысь.
Гашкө, тані сьөлөм дөзмас
Эндөмысь...

* * *

Ме коркө велала на,
велала
Водз тулыс
арысь
торйөдыштны.

Ме коркө серала на,
серала,
А, гашкө, весиг,
ылөдчышта.
Ме коркө пырала на,
пырала, —
От повзы
киссьом
кильчө поскысь.
Ме коркө ылавла на,
ылавла,
Мед меным сәки
лоас сё кызь...

* * *

Тэнад сингъасыд
менама сингъасын.
Пөдін төдлытөг,
и он сюр.
Курыд синваон
ог жө войтөдышт.
Ставыс, шондйөй, лоас бур...

Дона ёрт!

Эн вунөд сугзөдны «Войвыв кодзувтө» 2000 волөн водгза
джын кежлө. Тайос вөчны абу на сёр. Гижсян доныс — 27
шайт 60 ур.

Катерина

ВИСЬТ

МАМ ОРДӦ бӧръяысь локтигӧн ме эг су Катерина воча чойӧс.

— Кӧн нӧ Катяыд? — мамӧс кутыштлӧмӧн тшӧтш и юалі.

— Ок, Матвеюшко, — шого ышловзис мам. — Йӧйталіс да муніс ӧд кытчӧкӧ. Наръян-Марлань мӧдӧдчӧмӧн тай шуис-а...

Катя овліс миянын. Мамыс водз кувлі, а батыс эз вӧв. Ӧтлаын и быдмим. Кор воккӧд ми мунім гортысь, кольлісны мамкӧд кыкӧн.

— Со кыз, — шӧйӧвошӧмӧн моз шусис менам. — Муніс, сідзкӧ... Виль керкасӧ и ставсӧ эновтіс?..

— Ті бӧрся, — дӧзмӧмӧн моз содтіс мам да буквыша видзӧдліс мелань.

Помкаыс эз, дерт, мейн вӧв. Кӧть эськӧ тайӧ здукас ме быттьӧ кылі ачымӧс мыйыськӧ мыжаӧн кодъ жӧ. И эг куш мам водзын. Катерина водзын тшӧтш. Дай став чужан сикт водзын, кодӧс важӧн коркӧ эновті.

Воккӧд ми овмӧдчим да уджалім Мурманскын. Гортӧ письмӧясын быд ногыс век ошкылі сэтчӧс войвывылысь мичлунсӧ, гижлі, кызди уна рӧмъясӧн пӧртмасьӧ войся энэжыс, кызкӧ мӧд ногӧнджык, ярджыка ӧйӧны кодзувъяс. Шмонитлі, мися, кодзыд войвылыд керис да нэм кезлӧ смилитіс миянӧс ас бердас.

Со и Катеринаӧс кыскӧма войвывлань жӧ. Велӧдчыліс сійӧ ихтиологӧ — "чери зоотехникӧ". А уджавліс рыбинспекторӧн. Эз, дерт, новлы кобурын пистолет, эз кутав юяс вылысь чери горша кыйысьясӧс да мырдяв налысь кулӧмъяс, трегубечьяс. Катерина "воуйтіс" косінса браконьерьяскӧд, кодъяс лякӧсьтӧны юяс да тыяс кизьӧр ломтас-мавтасӧн, куйӧдӧн, му вынӧдъясӧн. Кӧть эськӧ и тайӧ уджыс абу жӧ нымбаба серти.

— Катяӧс, сідзкӧ, Вой кодзувлань жӧ кыскис,.. — шуышті ме ас кезысь моз, мыйкӧ дыра чӧв олыштӧм бӧрын.

— Мыйся нин кодзув сэн гаралан... Нем абусӧ, буди, сёрнитны пондін-а, — вомаліс мам повзыштӧм гӧлӧсӧн. Эз-ӧ нин чайт, мый везӧрӧй менам вӧрзыштӧма, абу ставыс ас местаын?

Сайкӧдышті мамӧс, висьталі мыйсьюрӧ кодзувъяс йылысь. Сёрнитыштім и мукӧдтор гӧгӧр. Быттьӧ и ачым тшӧтш сайкалышті, но век жӧ кылі кызкӧ мыжаӧн сыысь, мый этатшӧм гажтӧмӧн лоӧма чужан керканым. Катятӧг ставыс кусӧма, лоӧма овтӧм кодӧн. Кӧть и вуджліс сійӧ аслас виль керкаӧ, но кыз кадсӧ сідз мамкӧд и колявліс.

Мем, дерт, эз ковмы юасыны мамлысь, мыйла Катя эновтӧма ставсӧ да шутӧвтӧма-мунӧма нӧшта на войвывлань. Ладнӧ кӧть сылань, абу лунывса Кавказлань ли кытчӧ ли.

Унатор мунліс ме син водзын. И тӧді, мый Катяӧс вот-вот кыскас шогӧ. Дай ачыс, ме чайта, кыліс тайӧс. Гашкӧ, эз на сьӧлӧмнас кыв, но баябӧжас шогыс тотшӧдчис нин. Виль керкаӧ овмӧдчан гажнас и зільліс, гашкӧ, кызкӧ шеныштны кокбӧрляс таялысь шогсӧ, но олӧмтӧ он пӧръяв.

Сэки на, мыйӧн сӧмын разӧдчисны Катялысь виль керкаӧ овмӧдчӧмсӧ "пожъялысьяс", меысь некутшӧма яндысьтӧг шыбитчис сійӧ мам сыйӧ, ляскысис морӧс бердас да вель дыр ымзис-омляліс. И гӧгӧрвотӧм вӧлі, мыйкӧ висьтавыны кӧсйис-ӧ, мыйыськӧ прӧща корис-ӧ,

но брызгысь синваыс да ымзёмыс эз лэдзны сетны кывсё. Мамлы коли сёмын топодны нылёс морёс бердас да кагаёс моз меліа тапкөдөмөн буродны...

Ме сэтчөдз войтөдчи казтыломгьясё, мый эг пыр и кыв мамлысь шыасёмсё, чуксало, вөлөм, пызан сайо — рыгтя сёян дорё.

А сэк йёзыс шензисны: "Катерина лосьөдчө керка лэптыны..." Быдсяма сёрниыс пансьыліс: быгтё сійё мамкөд абу пондөма лёсявны. Тайо — өтияс. Мөдьяс сёрнитөмаөсь, мый и мекөд Катерина зыкө воөма, быгтё ылі войвылад менам чөжсьөма уна сьом, весиг и валютаөн, көсья гортө бөр локны, а некытчө.

Вөлі локта отпускө, пукся мудөд кер вылө, мужикьяс чукөрмасны, пуксяласны орччөн, сёрни панасны. Войвыв йылысь юасьёны, көть эськө быд воліг ме ставсө нин висьтавлі. Дөзмытөдз нин. А ме думысь, көсийёны кывны, ог-ө ме кызкө Катеринаөс крукышт бытшкана кывьясөн...

Оз сюр сэтшөм грезд либө сикт, көні эськө быдөн өта-мөд йывсьыс ставсө эз төдны. Деревняса войтырыд өд та боксянь ой-ой, абу карса кодыд. Овлө сідз, сёмын на мыйкө мөвпыштан, ас кежсьыд быгтё, а улича помад та йылысь сёрнитөны нин.

Гашкө, мамлөн коркө мыйкө виччысьтөг шусьыліс (ачыс сійё нинөм татшөмсө оз кут вежөрас). Гашкө, ачыс Катерина ыджыдджыка лолыштлис ли мый ли йёз дырйи. А соседьяс пиысь кодкө пыр и мөвпыштөма: "Катерина кодөскө көсийө, буракө, сибөдны, сы понда лосьөдчө юксьыны мам дорсьыс".

Дерт, оз нин ков вывті ыджыд вежөр, медым горөдны: "Да дөзмис нин сійё нылаёмсьыс!" Збыль өд дөзмис. Лөнь да уджачөс, сійөс верөс сайө петөмыс бокө колис, мукөд йөрьясті кытшовтіс. А висьталөй, кутшөм нывлы нө, крепыд дзоньвидзалуна кө сійө да ставыс ас местаын, абу окога петны верөс сайө?

Шуд аддзытөм менам чойлөн нөшта и аканьлөн кодь мича парьяс. И небыд да пөсь сьөлөм. И уджач, зарни кияс, кодьяс быдтор сяммөны вөчны. Да и көть кодарсянь эн босыт, вывті сійө шань, сюсь вежөра. И век шуө веськыда, кежлавтөг. Откымын чинаяс родісны весиг, кор Катерина топөдліс найөс вөр-ва урөстөмысь.

А ме век майшасьөмөн мөвпала сы йылысь, сьлөн артмытөм олөм йылысь, нывдырся тулысьяс йывсьыс, кодьяс лэбисны сыысь бокиті. И абу вынөй, медым мездьсьны татшөм мөвпьяссьыс, шеныштчыны наысь бусысь моз. Пыр мыйкө личкө сьөлөмөс, парсалө морөс пытшкөс сыысь, мыйла Катериналы ковмыліс вьль керкаыс, коді нинөм бурсө сылы эз вай, нинөм бурланьө эз веж. Ме өд сэки пукалі жө чөскыд сёян-юанысь чегысь пызан саяс, кодөс дасьтөма вөлі вьль керкаө овмөдчигас. И ме став сьөлөмсянь көсийылі, мед паськыда восьтөм өдзөсьясөдыс да гурийв жө восьса гырысь өшиньясөдыс пырисны тайө вьль оланінас шонді да шуд. Сыысь на унджык, винаөн шонөдыштөм да кыпыд лөлөн ме весиг эскөді Катеринаөс, мый ставыс буретш менам көсийөм серти и лоө. А артмис со кызкө мөдарө моз...

Казьтыломгьяс, мөвпьяс... Пукалам Катякөд мудөд кер вылын. Төлысь кывтө сикт весьтти, эзысь чарла быгтё пискөдчө сьөд енэжө сука шөтөм кодзувьяс пыр. А на пиын торьялө аслас югыдлунас миян Вой кодзувным...

— Аски, сідзкө, ветлам раймагө вьль мебельыдла, — көсийыс ме Катериналы. — Машина йывсьыс ме сёрнитчи нин.

Видзөдө ме вылө, нинөм оз шу.

— Он өд петкөд вьль керкаад мамлысь важ камодсө да мый да. Абу мөй сідз?

— Сідз, дерт, — муртса нурбыльгіс воча.

— Вот и ветлам. Телевизор ньөбам уна рөмаөс, ыджыд экранаөс.

— Мыйла сэтшөм донасө?

— Ньөбам, мед видзөдны кө, видзөдны нин.

— Ок, Матюша...

— Мамос первой каднас эн эновт — висьмас гажтөмысла...

— Ме сийос ас дорө босьта, төрам өд.

— Мыйла? Сийө өд велалөма ыджыд пач дорө. А тэ ордын көни кутас шонтыны пөрысь лыяссө, пось ваа батарея дорад али мый?

А төлысь пыр кывтис и кывтис. И югыда öзйис пемыд енэжын Вой коззув.

Катерина видзөдис ме вылө жугыль сингьясөн. И ме гөгөрвои — веськодьось сылы и коззувьяс, и оз ков некутшөм уна рөма телевизор. Сьөлөмыс сьлөн виччысис эз нин сэтшөм унатор: локны рыгнас удж вылысь, биасыны керкаын, пуны либө шонтыны рыгтя сёян аслыс и верослы. А воас водан кад — лөсьбдны кыкылы вылө вольпась, пөрччысьны, суныштны шоныд эшкын улө да быттө дөзмөппырысь шуыштны: "Вай кусөд нин хоккейтө!" — вешйыштны сэсся, кольны орччөн места.

Абу ыджыд шог, видзөдас кө верөсыд хоккейсө помөдз. Позьө петкөддыны, быттө узян нин, мед сэсся водигас кокньыдика шлопкас кинас небыдінад — "вешйышт, кылан", мыйысь быттө и дөзмыштан, позьө и мөдарлань бергөдчывны, ышнясьыштны.

А мөд ногөн кө, мыйла нө либө пессис тайö керканас, кок йывсьыс усьтөдз мудзлывліс? Кодлы и мый могысь ставис...

Катерина завидьтис весиг Машалы, медматисса пөдругаыслы, кодлы эз юмова овсы помся юысь верөсыскөд. Тайö дзик нин баба ногөн. Бөрділіс весиг...

Ачыс Енмыс, тыдалө, кылөма чойлысь гуся думгьяссө. Армияын служитөм бөрын локтис соседьяслөн пиыс, Андрей. Кузь тушаа, мича статя. И чужөмыс лөсьыд. Быттө абу уна значокгьяса сержант, а медся удал зонмыс, код вылө видзөддөмөн косьмис сьөлөмыс быд нывлөн. Танкист, мыйысь торгя нин нимкодясис совхозса пөрысь механик, коді важөн виччысис вежысьсө, мед петны пенсия вылө.

Андрей öдйө вежөртис совхозлысь важник техникатө, кытысь джынсө важөн нин колі киритны шыблөгө. Зіля босьтчис уджө и бура артмис ставыс. Но гортас... Скөр да асланыс мудер дядьыскөд öти кывйө эз волены. Раминик мам вылас сийө, ок кызди, велалөма командуйтны! Андрей пырысь-пыр сувтис дорйыны мамсө. Дядьыслы, гөгөрвоана, татшөмторйыд эз кажитчы. И кыптис дядя-пиа костын зык-вен. Мамыс эськө быд ног зілис бурөдны, но нинөм таысь эз артмы. И со öти субөтася пывсян бөрын, кодос тшуплөма дядьыс Андрей служитигөн, соседьясыс аддзисны, кызди еджыд юра дядьыс да сьод юрсиа Андрей шенасисны кулакьяснас. Тыдалө, пывсян пондаыс нин зыкө воөмаось. Мамыс котраліс на дорын, зілис кызкө небзьөдны писө:

— Андреюшко, донаой, сийө өд пөрысь выжив, эн быдтор пыдди пукты...

— Кок пөлой менам оз тувчыв татчө, тырмас!

Андрей эз кут кывзыны мамсө да улыс еджыд дөрөм кежсьыс ыджыд воськовгьясөн мөдөдчис горт дорсьыс. Но кытчө? Арся көдзыд рыгнас кодарө веськөдчан скөрыдла пузьөм сьөлөмнад?..

И бабаяс аддзылөмаось быттө (найө өд аддзөны быдтор — колө көть оз), кызди сэки миян мамным котөрөн петөма керкасыс, и абу öтнас, а Катякөд, кодлөн ставыс осьса: сингьясыс, вомыс, морөсас кизявтөм ковтаыс, весиг и выль керкалөн öдзөсыс — машинаөн көть пыр!..

"А яндысьтөм бутульяснас кызди "сөйис" том зонсө, коді эз төд, кытчө и воштысьны!.."

Катерина и збыль, кутшөмкө надея кутөмөн, кыв шүтөг чуксаліс ас ордас туй шөрын шөйөвошөмөн сулалысь зонмөс, быттө көсийс горөдны сылы: "Со ме, ставнам тэнад, мый аддзан..."

Тайө здукас сийө вөлі эз яндысьтөмөн, а мойдкывса сар нылөн. И эз ортсыса, синмө шыбитчана мичлунөн. Эз вөсньыдик гожьялөм сьылінас да пельпомгьяс пасьталаыс шавмунөм пемыд кудель рөма

юрсинас. Эз сюсь, кыськө ылі пыдісянь видзёдысь лёза-руд синъяснас, кодъяс эз и дзевны нывлысь кёсиймсө, ас дінас кыскөмсө. Ставсө тайос бердіс сылөн мөд, пытшкөсса мичлуныс: и эз горзы, а кызкө быттё родыштөмөн корис: лок, пыр, босът, ло менам сёлөмшөрөн, сөмын ёна радейт!

Зык вылө матігөгөр керкаясысь ывлаө петалысьяс регыд раздчисны, дивитісны Андрейлысь мамсө сысысь, мый эз вермы бурөдны писө дядьыскөд. Пи дорысь бөрийс верөссө. Эз мун сөмын Катерина, виччысьөмөн сулаліс восьса дзиръя дорас.

"А тэ ачыд, ачыд матыстчы сы дорө!" — тойлаліс быттё кодкө сійос дзиръясыс ортсө. — "Мун! Судьбаыд вөзийө тэныд татшөм шудсө!"

Вөрзёдчис надзөникөн, полөмпырысь. Восьлаліс и быттё ньөжйөникөн пырөдчис йиа кодзыд ваө, коді войтөв моз кыкис горшөдыс, эз лэдз лолыштны. Поліс, мед эськө сёлөмыс эз жө чеччышт ортсө, зэлөдіс кулакьясө тірзысь чуныяссө. Ыдждыд мыж вөчысь моз сувтіс сэсса зонлы паныда да синъяссө лэптывтөг муртса кывмөн шуис: "Лок, узян миянын. Төран өд..."

Ме сэк муні бөр гортысь Войвылө Катериналөн шудө зумыда эскөмөн, злі сувтөдны син водзө нимкодь серпасъяс. Сэтшөмъясөс, кодъяс йылысь, ме чайтөм серти, важөн нин мөвпаліс Катерина. Медбөрын и сылы уси шонді да шуда, кодъясөс вайис аскөдыс Андрей. Мөвпөн ме аддзи Катеринаөс шуда нюм чужөмаөн, кокныдик бобув моз лэбаліс син водзын. Вежөрөн серпасавлі, кызди сійө уськөдчө паныд удж вылысь локтысь верөсыслы, пыртөдө гортас, пуксьөдө чөскыд сёяна пызан сайө. Ачыс пуксьө паныд да шуда синъясөн видзөдө азыма сёйысь Андрей вылө. И нинөм сэсса налы эз ков!..

— Мый нө лои? — юася ме ужын сайын мамысь да сюся кывзыся сылөн быд кывйө.

— Сійө, мыйлы и колі лоны, — шуө мам, код вылө кө лөг куттөг ни дөзмытөг, некодөс мыжавтөг. — Андрейлы воис кад сывны ассыс сыланкывсө, зонмавны, ныласьны, гуляйтыштны гуляйттөмсө. Катеринаыд өд миян абу гөтыр, а тьотка сылы!

Сідзтө, дерт, сідз. Лөсялана быттё. Но менам сёлөмөй оз примит татшөм подувсө. Эновтіс, и ставыс... Но өд эновтөмъясыс оз сетчыны! Зільоны быд ногөн вайөдны бөр ставсө ас местаас, мукөдыс дасьөсь весиг верөсыслысь коксө мыськыны, мед сөмын бөр локтас...

Катерина эз уськөдчы синваөн бөрдны, эз сувт порог дорө өдзөссө кияснас тасалөмөн.

— Мун, — шуис кын гөлөсөн. — Вынөн ог кут.

А мыйөн сөмын пөдлассис өдзөсыс мунөм бөрас, уськөдчис вольпасьө. И дыр тірзисны пельпомъясыс, кызди и быд эновтөм, изйө пөртөм сёлөма на пөръялөм бабалөн. И мисьтөма нюокрасисны кияс костө топөдөм паръясыс. И кёсийс сійө, кызди и уна мукөд сы кодь, мед эськө бөр бергөдчис, пөрччис вылыс паськөмсө, чужийс порог дорө көмсө да водіс орччөн. Бергөдіс сэсса асланыс да крепыд паськыд кинас меліа чыпкис чужөмсьыс войталысь синвасө...

Мый та бөрын сылы ыдждыд югыд өшиньяса выль керкаыд, и меөн на козыналөм уна рөма телевизорыд, кор олөмыс рөмдіс, лоис ставыс мустөм руд рөмаөн...

Ывлаын кутіс пемдыны, кылісны ичөтсянь төдса шыяс, кор сикт лөсьөдчө вой кежлө, а ми мамкөд ужын бөрын пукалім да листалім вижөдөм нин важ фотокарточкаяс. Эз уна найө вөвны, торъя нин мамлөн да батлөн. Оти вылын найө кыкөнөсь. Мам пукалө венскөй улөс вылын, а бать сулалө орччөн. Мөд вылын ми став семьянаным. И со батлөн медбөръя снимок. Котлассянь ыстыліс. Фронт вылө нутөдз найөс сэн пасьтөдөмаөсь военной формаө. Бать снимайтчөма Зиновой соседнымкөд. Оглавин и усьбөмаөсь сэсса Старая Русса дорын. Отувья гу вылын ним-өвъяссө пасйөмаөсь.

Мукöд фотокарточкаясус Катеринакöд. Этша жö. Сэк эз зэв усъласъны фотографируйтчöм вылад.

Мамкöд ми медсясö миянлысь Катеринакöд фотографияяссö и видзöдалим. Мам читкырасьлис синъяснас, киас ылöдз чургöдлис снимокъяссö да томмыштöм гөлöсөн висътавліс:

— Тайö со школа помалігас. Сэк сылы буретш дас сизим тыри. Помнитан?

— А кыз нö, — довкнитлі юрөн да видзöді Катерина вылö, кутшöм сэк сійö вöлі.

Менам син водзын кинаныс кутчысьöмөн сулалысь ныв котыр, и на пöвстын Катерина, кудель рöма кыз көсасö шевкнитöма морöсла дорас. Сöстöм гöгрöс чужöма, чангыльтчыштöм ичöтик ныра. Сöстöм гырысь синъясыс видзöдöны веськыда ме вылö. Сэкöдз найö тöдлісны сöмын на челядь синва, быд немторсыс, найöс тшöкыдджыка чышкыштлис чужöмсыс мам киыс...

— А со медбөръя карточкаыс, — шуис мам кызкö вежсьöм, быттö мудзöм гөлöсөн.

Воддза Катеринаысь тан нинöм абу кольöма. Сöмын нимыс да воддза моз на гырысь, көть и чусыштöм нин синъясыс. Найö видзöдісны повзыштöмөн кодъ, быттö юасисны: "Мыйöн нö ме мыжа?"

Чайтсис, мый вот-вот воссясны топöдöм паръясыс и кылас юалöм: "Ме мöй кодлыкö кутшöмкö лёктор вöчи?"

Сьölöм вылын менам кызкö курыд, гажтöм мөвпгяс бергалöны юрын. Мый вочавидзны Катеринылы юавтöм юалöм вылас, ме эг тöд. Стöчджыка кө, тöді, да эг лысьт. Вежөрö писькöдчис быдöнлы тöдсатор: "Ставыслы — аслас кад". Артмö, Андрей абу тан мыжа. Сылөн нывъясыс муртса на невестаасисны. Сикт кузя со чукөрөн-чукөрөн ветлöны, кыпыда, шог тöдтөг на гажаа сьылöны. Воис кө эськö Катерина сьölöм вылас кутшöмкö ар нелямына айуловлы, коді зумыда нин сулаліс, тöдіс олöмсö, сэк эськö вермис мöд ногөн артмыны. Но көнöсь татшöмъясыс? Туянаыс ставныс семьяаöсь. А вина гагъясыд, карын көть сиктын, кодлы найö колöны?..

Вой, а мамкöд миян оз узьсы. Матыстчи öшинь дорö, видзöда Катялөн öвтöм керка вылö. Кöні тэ, Катюша?

— Вод, пиук, — кыла мамлысь гөлöссö.

— Катька-Катюша вежöрысь оз пет...

— Мый нин сэсся öні... Олöмыс, код вылö кутліс лачасö, эз артмы. И удж вылас эз зэв радейтны — вывті нин веськыд, ставсö быдöнлы синмас шуö. Öні эськö тай унатор вежсьöма да. И начальникыс мöд нин пö. Гашкö, бөр воас. Маша висътавліс, мый Катеринаöс корöны бөр воддза удж вылас...

Ме шуда сысы, мый петлі улыс Печора бергса зэв важса Чилимдін сиктысы, коды подувсё пуктісны старöverьяс Иван Грозный дьрйи на. Шуда и сысы, мый ола Ленинградын-Петербургы, но йтөдгьяс чужан сикткөд оз орны, мөдарө, найө ёнмөны воысь-во.

Кывбурьяса медводгза сборникöй, "Свидание с отцом", петавліс Коми книжнöй издательствоын. Сэн жö петіс и мөд книга — "Оленёнок на асфальте". А сэсыя петавлісны книгаяс Петербургы да Москван. Коми книжнöй издательство таво көсйысьö йзөдны менсьым "Окно в осенний сад" сборник.

Книгаясыс өтгор кывбурьяс петавлісны "Наш современник", "Русский мир", "Север", "Молодая гвардия" журнальясын. Зэв нимкодь адгзыны кывбурьясöс коми кыв вылын "Войвыв кодзув" журналын. Ме радейта и пыдди пукта коми войтырöс, өд чужан муöй абу сöмын Печораса Войвыв, а ставнас Коми Республиканым.

Олег ЧУПРОВ

* * *

Усть-Цильмаса пöчöяс, шаньöсь ті зэв,
Гажаджык ті костын ми воклы овны,
Сёрниын югзьö век тіян том ловныд —
Турөб көть омлялө, киссьö көть зэр.

Мый тіян пай вылө сöмын эз усь —
Быттысид, воштылід, нудід овмös,
Уджавны кыасянь кыаөдз ковмис,
Дзеблінныд мыччысьлөм сөдз синва тусь.

Сёрнияс чай либö вина оз торк,
Сэсыя и сылан ру поздысяс татчö,
Ыльсөм томлуннытö быттьö аддза,
Тіянкөд орччöныс пукушта кор.

Самöварлань рытывбыд нюжөдчö ки,
Жугыльмылад, здук — и серамныд петö...
Усть-Цильмаса пöчöяс, кувтөдзныд сетöй
Томьяслы ассыныд ловбитö ті!

* * *

Бара көдзыд — комын сайö,
Здукөн кынтан пель и ныр,
Некор оз вун сиктыс тайö,
Кöні коли челядьдыр.

Вежсис, паськаліс и лыдмис,
Войтыр быдтор вылө чож,
Сиктöй кар ыджаөдз быдмис,
Но поэзия эз вош.

Аддза кокьяс серти бурка;
Асыя рöмыд век на мед,
Тані абу Петербургыд —
Доддын сиктөд төвзя ме.

Ог, Усть-Цильмаос ог вунод,
Ола карын, сьолём тан.
Аслам сикткөд, көсья шуны,
Артмас ставыс, мый ог пан!

* * *

Аддза: тэнö он нин кут,
Татшөм муслун овлө отчид,
Миян дженьыд нэма шуд
Синъясад со век на төдчө.

Өзъян би кодь, варов, шань,
Мөдысь оз нин ло, мый воши,
Козьналин тэ, лышкыд ань,
Меным вунөдлытөм гожөм.

Мый нө...
Олөм оз на ор,
Ог кут дөзмөдчыны, корсьны,
Сөмын кыкөн лоад кор,
Эн жө нимьясөн тэ сорсьы...

Мам

Посводзө тшынасыштны петі,
Көн лөньлун поздысьома рам...
И коді олөм меным сетіс,
Друг быттьө югдіс — менам мам!

Тэ некытчө эн мунлы, мамөй!
Оз сөмын вунөднысө ков...
Ми гуыд дорө ветлөдламой,
Но керкааным — тэнад лов.

* * *

Ас чужан сиктө сы дыра эг волы
И быттьө лои карсаөн нин дзик,
Но шудсө бара козьналіс мем олөм,
Ме радла: чолөм,
Чужан му,
Ас сикт!

Жаль, сыланкыв он кывлы, кызди коркө,
И ывла вылө гудөк шы оз кор,
Выль войтыр веськодьпырысь мунө дорті,
И налөн сёрни здук кежлө оз ор.

Ме войын ньөжйө довга, мед ог сконьясь,
Лов пытшкөдз йиджө енэжвывса лөнь,
А орччөн мекөд сөмын сиктса понъяс
И, кажитчө, оз төдтөмтыны скөнъ.

* * *

Ковтөм төждысь
Виччысяна мезд
Вөзйө мем Печора и оз ылөд.

Аслам кольём кадлань
Дзорга ме,
Бытьё ылыс, төдтём берег вылө.

Талун кежлө немтор сэсь эз вун,
Ылыс берег — быдсөн вуджим сы пыр.
Некор Войвыв сёлөмысь оз мун,
Та вöсна и лолөй вылын кыпыд.

Олөм оліг, нылыдыс эг кывт,
Вала аслам юкмөс дорө волі,
Сиктөй йылысь мыла сьыланкыв
Гижи ме... А сьылан петө лолысь.

Коркө муна...
Быдөнлөн ас нэм.
Донъяла став кольөмасө чөла.
Войвыв вөлі велөдысьөн мем,
Мед и челядь дырйи,
Но өд вөлі!

Меным нинөм кокниа эз шед,
Сөмын аслам туй вылысь эг кежлы,
Төдлі муслун, кызди быд поэт, —
Сійөс мем не вунөдны, не вежны.

Ылын тасянь синъяс водзын ва,
Пуксьывла кор аслам өшинь дорө,
Луннас сы пыр тыдалө Нева,
Войнас — бытьё дзирдыштө Печора.

* * *

Сэтшөм муыс — век на кын,
А өд май нин эськө,
Гартчө, гартчө еджыд лым
Печора ю весьтын.

Век на шоньдөн оз өвт,
Вежось коз да пожөм,
Өкмыс төлысь миян — төв,
А мый кольө — гожөм.

Өти ань тан дона мем,
Сөмын ме ог юась,
Висьталөны: важөн эм
Сійөс пөчөн шуысь.

Ладнө, мед нин лоө тадз,
Кежавла кө, вөтнам...
А ме ломта гортын пач,
Рытсө колля өтнам.

Быдторсө, мый вөвлі тан,
Төдө важмөм керка,
Не кө сійө, шондібан,
Збоя тадз эг бергав.

Шпора кылö парус моз
Рытсынь öшлöм көлуй,
Медся муса чужан поз
Меным нэм чöж вöли.

Гартчö, гартчö еджыд лым,
Век на йиа юыс,
Сöмын лолбй вылын пым —
Шонтö войвыв муыс.

* * *

Вонас öтчыд вола ме,
Ола кык-ö-куим лун,
Во быд тасянь ылын мед,
Сöмын чужанiн оз вун. *

Со Печора, тöдса көдж,
Кыскö мортöс чужан поз...
Тэкöд аддзисимöй тшöтш,
Сёрнитiм пырмунигмос.

Миян воськовъясным надз,
Бара аддзисим во мысыт,
Быдтор гартла сiдз да тадз,
А мый вöвлi нин — ог лысыт.

«Вунöдiн нин али эн?» —
Вом доръяслөн öмидз көр...
Мед эз артмы мыйкö сэн,
Аски туйö пета бөр!

Вуджöдiс В.Тимин.

Нырися пон

Купеч Бабкиныльсь гусялісны мой куысь вуром пасьсö. Ярмис купеч, шызьöдіс öтувъя керкасö, көні сійö оліс ыджыд оланінысь вöтлöм бöрын. Чукöртчисны йöз керка йөрö бызьöдчыны.

— Пасьыс жаль, — шыасис йöз дорö Бабкин. — Сьöмöс эг жалит, со вайöді гусясьысьясöс эрдöдысь понйöс. Ок, и нырися! Гусясьысьтö ылісянь казялö. Аддзам вöрсö да чужöмән сьöвзя!

Бабкинсянь неылын сулаліс сера кепкаа морт, ськөд орччөн — ыджыд пон. Гöныс руд, нырыс кузь, повзьöг кодь и эм.

Исöдіс кепкаа дядьö урöд понсö, и сетіс команда «фас!». Кыскыштіс сынöдсö понйыс, видзöдіс йöз чукөрö, бергöдыштіс юрнас. Матыстчис Фекла нима бабö дорö. Фекла боклань вешйö, йöз чукөрö пырö, пон сійöс бөр шушун бöж дорöдыс кыскö.

— Некытчö он воштысь. Висьтась! — горзö кодкö йöз чукöрсыйс.

— Да, висьтася инö, грекö вöйи! — пидзöсчаныясис бабö. — Вит ведра сур шузьöді самöкур вылö, ог соссы. И аппаратыс лючки уджалö. Ставыс ваннöйын. Нуöдöй менö милицияö!

Йöз шызисны:

— Пасьсö кытчö сюртнялін?

— Пась йывсьыд нинöм ог тöд. Көть места вылын лыйлö. Ог тöд...

Нуöдісны бабöс, кытчö вöзйысис.

Агент бара тшöктіс корсьны. Бергöдіс пон кузь нырнас, сюся видзöдіс йöз чукөрö... и управдом дорö матыстчис.

Кельдöдіс управдом, уськөдчис пидзöс вылас:

— Көрталöй менö, честнöй войтыр, мыжми ме. Васыйс чукöртöм сьöмсö öд ас вылö види.

Йöз уськөдчисны управдом вылö, көрталісны. Пон сы кості сизимöд номерын олысьыльс гач поласö летö. Гражданин бледöдіс, уськөдчис йöз водзö: мыжа пö. Ме пö збыль трудовöй книжкаысь чужан воöс вежи. Меным колö эськөн армияын вöвсьыны, а ме со тані, тиян дорын электричествоөн, мукöд сикас коммунальнöй козинъясөн шонöдча. Көртавлöй менö!

Йöз шöйöвошисны... Мыйся тайö пон? Быд гусяторсö казялö! Купеч Бабкин лапйöдыштіс синъяснас, видзöдіс гөгөр: ставөн повзьöмаöсь. Кыскис зепсьыс сьöм чукөр и мыччис агенты:

— Нуöд тайö урöд-понтö, кытчö гажыд! Оз ков меным некутшöм пась.

Нырися пон купеч дорö сибöдчис, коксö исалö, кокчөръяс лöсьöдчö. Повзис купеч, кельдöдіс:

— Збыль, Енмыс аддзö, мыжа ме, веськыда кө шуны. Ой, мыжа! Мöс мыльöс ме! Абу. Пон мыльöс ме! Некутшöм пась менам эз вош. Ме сійö пасьсö воклысь тикырти. Кос синвайн бöрда!

Уськөдчисны йöз, коді кытчö. Нырися понмыд ещö некымынöс тшапкис, коді матын вöлі. Каитчисны пон водзын сюрöмаяс. Оз лэдз.

Öти казеннöй сьöм картіөн ворссьöма, мöд гöтырсö нöйтöма, коймöд сэтшöмтор вöчöма, мый оз позь и висьтавын бур йöз водзын.

Усйысисны йöз. Йöрыс тыртöммис. Колисны кыкөн, пон да агент. Понйыд кутіс бергавны агент дінын, бöжнас легöдчö, быттö көсйö шуны: тöда пö и тэнö, зарни тусьöс!

— Курччав менö, гражданка понйöй, — шуö агент. — Тэнö вердöм
вылö меным сетöны куим даса, сэтгыс кыксö ас вылö видза...
Мый водзö вöлi, ог тöд, ме сiдзжö усьыси...

1923 во

Агитатор

Авиационнöй школаыс стөрöж Григорий Косолапов мөдöдчис аслас
сиктö шойччыны.

— Со мый, Косолапов ёрт, — туйдöдiсны ёртгысыс Григорийöс, —
тэ сэни, мунан да, агитациятор нуöд. Шу землякъясыды, авиация пö
öни öдöба сöвмö... колö пö сылы ещö отсалыштны. Гашкö, сиктсаяс
аэроплан вылö сьом чукöртасыны.

— Вöча, — вочавидзис Косолапов. — Гашкö, мукöдторйын ог
вежöрт, но авиация йывсыд гартовта сiдзи!.. Асьныд тöданныд...

Сиктö Косолапов воис, да медводдза жö луннас пырис Сöветö:

— Ме, кызди карысь воём морт, кöсья нуöдны агитация сиктса
войтыр пöвстын.

— Пызйыштöй! — шуис председатель. — Аски жö чукöртам
собранныö.

Мöд луннас мужичöйясöс коралисны пöжарнöй сарай дорö.

Косолапов медводзгыс на петiс йöз водзö, яндысис неуна. Гөлöсыс
тиралис, сёрниыс эз клеитчы.

— Со кызди, дона ёртгыс. — заводитiс Косолапов. — Авиация,
сиктса войтыр... Ти кызди народ... позьö шуны, пемыд йöз, неуна
политика востыа... Шуам сiдз, тани Германия, а тани Керзон. Тани Россия,
а тани... бара мыйкö...

— Тэ тайö мый йылысь? — эз гөгөрвоны мужикъяс.

— Кызди мый йылысь? — лэптис гөлöссö Косолапов. — Авиация
йылысь ме сёрнита, сötана котыр! Сöвмö сийötö!... Тани Россия, а тани
Китай...

Мужикъяс кывзiсны жугыля.

— Эн кадсö миянлысь весьшөрö катты! — горöдiс кодкö.

— Ме сёрнита авиация йылысь, — гөгөрвоöдiс, кызд вермис,
Косолапов. — А тэ кад йылысь. Сийötö тшаква... век лоö... Авиация
сöвмö... сийö да. Кадыд ва моз локтö и мунö. И оз сувт... Ог кут
вензыны.

— Абу гөгөрвоана, — шуис председатель. — Колö матынджык
матсаяс дiнас лоны.

Косолапов матыстчис йöз чукөрлань, гаровтiс чигарка, кымыныськö
кыскыштiс, вылысь заводитiс.

— Мый тiянлы висьталi, дерт, он на лючки вежöртö. Но коркö и
ти вежöрсяланныд. Ме шуи, вöчöны, мися, эропланъяс. Сэссия пуксьöны
пытшкас и... лэбалöны енэжтыс. А енэжас, кызди ти тöданныд,
кутчысьны некытчö — пу... ни рос оз быдмы. Овлö, эропланыд
виччысьтöг гыпнитчас. Кызди лётчик Ермилкин ёрт. Лэбзыны — лэбзис.
А сэссия кызди грымгыяс му бердас. Тусь ни пызь эз коль...

— Абу тай сийötö лэбач, — сöгласа кывлысис öти мужик.

— Ме и шуа, — радлыштiс Косолапов отсöг вылö воёмысь, — дерт,
абу лэбач. Лэбачыд кöть усяс, немтор, бөр кыпöдчас. Эропланыдлөн
став лысьöмыс пазьмунö. Мöд лётчик Попков ёрт моз. Лючки енэжас
кыпöдчис... Моторыс тшöкмунi-гыпмунiс...

— Сэссия мый лои? — юалис бара кодкö.

— Тусь ни пызь... Дзик збыль... А öтчыд лётчикыс пу йылö öшйöма.
Кага моз öшалö... вежöрнас торксьöма, водзö енэжас чапасьö...
Быдсямаыс овлö. öтчыд мöс пропеллер улас веськалiс... рокö пöрис...
Понъяс веськавлöны и...

— А вöвъяс веськавлöны? — юалисны мужикъяс.

— И вѡвъяс веськавлѡны, — юрнас дѡвкнитіс Косолапов. — И оз этшаысь...

— Со кыдзи дурѡны, — шызис кодкѡ. — Вѡвъяссѡ бырѡдѡны. Мед кинис налѡн косьмас...

— Мыйся эро... найѡ сѡвмѡдѡны?

— Ме тай и шуа, — кыпыда шыасис Косолапов. — Сѡвмѡ авиацияыд, дона ѳртгьяс... Вай чукѡртчѡй и отсалѡй сѡмѡн.

— Тайѡ нѡ мый вылѡ, дона ѳрт, колѡ отсавнысѡ? — юалисны мужикгьяс.

— Эроплан вылѡ, — гѡгѡрвоѡдіс Косолапов.

Мужикгьяс жугыла векрыштчылісны да заводитісны разѡдчыны.

1923 во

Аристократка

Григорий Иванович пыдісянь ышловзис, малалыштіс щѡкасѡ да заводитіс висгьясны:

— Кѡтъ кыдзи менѡ энѡй вѡйпѡй, ме ог радейт сэтшѡм нывбабаяссѡ, кодгьяс новлѡны шляпа. Аньыд кѡ шляпаа да кокчѡрсѡ кѡ эрдѡдѡ фильдекс чулки, килутшас кѡ момпсик, да нѡшта вомас югьялѡ кѡ зарни пинь, — сэтшѡмыд аристократка. Меным сэтшѡмыд абу нывбаба, а сідзи... шылыдын.

А ѳти кадѡ ме радейтлі аристократкаѡс. Ёртасим и театрѡ ветлѡдлім. Театрас и эрдѡдіс сійѡ ассыс пѡж идеологиясѡ.

Тѡдмасьлі ськѡд асланым керка йѡрын собраннѡ дырйи. Видзѡда: сэтшѡм шоныдик ань бергалѡ, чулкиыс виль, зарни пинь югьялѡ, кор нюмѡвтлас. Кытысь, мися, тѡ, гражданка, юала сылысь. Сизимѡд номерын пѡ ола, вочавидзѡ. Мися, и водзѡ ов сѡні.

И кыдзкѡ пыр жѡ сійѡ менсьым сьлѡмѡс вѡрзьѡдіс. Тшѡкыдакодѡ куті кежавлыны сизимѡд номерас. Мися, кыдзи тгьян ва ваян трубаыд? Оз-ѡ вияв? Оз пѡ, шуыштѡ. Ачыс небыд чышгьян кѡртыштѡ юрас, немтор водзѡ оз шу. Сѡмын синнас кодзнитлѡ да зарни пиньсѡ петкѡдлѡ.

Ветлѡдлі ме сы дорѡ тѡлысь кымын — велалыштіс нин ме дінѡ. Менам юалѡм вылѡ кузьджыка нин вочавидзалѡ. Лючки пѡ уджалѡ ва ваян трубаыс, атгѡ пѡ тѡныд, Григорий Иванович.

Мый водзѡ — сымын матысмам. Кутім улич кузя шѡйтны. Петам ывлаѡ, и тшѡктѡ киняулѡдыс кутны. Босьта сойбордйѡдыс да кысся, быттѡ сир вугыр йылын. Паныд шуны ог лысьт, и йѡзсянныс яндзим.

Ѳтчыд меным и шуѡ: мый пѡ тѡ менѡ сѡмын улич кузя кыскалан, юр пѡ нин гѡгѡрмунѡ. Тѡ пѡ, кыдзи кавалер, и кыдзи власть дінын матын, нуѡдлін эськѡн менѡ театрѡ.

Мися, позьѡ...

Регыд меным комячейка ыстіс билет операѡ. Мѡд билетсѡ Васька слесарлысь махорка вылѡ вежи. Махоркасѡ меным удждон дінѡ содгѡд сетісны. Позьѡ шуны, козин.

Билетгьяс вылад ме эг и видзѡдлы. Найѡ, вѡлѡмкѡ, зѡв ылынѡсь ѡтамѡдсьыс. Менам уліас, Васькалѡн выліас, галѡркаын.

Пырим театрѡ. Зарни пиня невестаѡй пуксис уліас, ме кайи выліас. Выліас пукала и нинѡм ог аддзы, но кыла. Барьер вомѡныс тікыртча и аддза ассьым невестапуѡс. Сѡмын юр чуксѡ аддза, но и сійѡн позьѡ нимкодьясны. А воис антракт. Бара паныдасим. Шоныд рыт, мися, шуа сылы. Тайѡ пѡ тѡ кутшѡм кыв вылын чѡлѡмасын. Шѡйѡвоши. Мися, кыдзи тані ва трубаясыс? Ог пѡ тѡд, шуѡ. Ачыс буфетѡ лыйыштіс. Ме сы бѡрся бѡж моз. Сувтис и видзѡдѡ пирожнойяс вылѡ, кодгьяс паськыд блюд вылын сярвидзѡны.

Ме быттѡ выльѡн чужѡм буржуй, сы дорын бергала, лышкыда вѡзья: мися, кѡсгьян кѡ видлыны чѡскыд пѡжассѡ, энѡ яндысьѡй, ме, мися, мынтыся. Мерси, шуѡ. Матыстчис нывкѡс тасыті дорас и повтѡг босьтис, азыма сѡйис ѡтиѡс.

А сьомыс менам зептын бусчир мында. Гашкө, куим пирожной выло сөмын тырмас. Гудйыся зептын и сьөкыда ышлолала.

Нямис да выльос лэптис зарни пиньяд. Ме төкөтё гораа эг ымөст, но кутчыся. Кутшөмкө буржуйскөй вежавидзөм шымыртис, а сьомыс, шуи тай, бусчир мында. Курала-курала зеп пыдөсөс, а кабырам оз сод. Ме бергала ныв гөгөр, быттё петук чипан дорын, а сийö шпыннялö.

Мися, гашкө, пырны нин колö театрас, со звөнөк вöли. Оз пö, сералö. И босьтö коймөдөс! Ме и шуа, мися, тшыг вылад оз-ö юмолыс уна ло. Вермас вукöдны. Оз пö, ме велалöма нин. И босьтö нельöдөс! Менам сэсяя мынi кутöдыс. Мися, пукты! Пукты бөр, мися, горза. Сийö, дерг, повзис, вомыс калькмуни, а сэни зарни пинь югьялö. Помасис мян радейтчөмным, мөвпала. Онi нинөма нин буржуйскөй вежавидзөмыс меным. Пуктис бөр местаас пöжассö. Мися, уна-ö колö мынтыны куимсьыс, юала вузасьысьысь. А сийö польдчөма, тшапитчө ме водзын: нель пöжассьыс пö тьянлы колö мынтыны сы мындатö. Мися, кызди нель, кор куимос няним! Нельöдсö киö босьтлөма и пинь туй пö эм. Мися, кызди пинь туй, кодi курччис, эн кө ачид? Көзяин ме вылö ыршасьö: чьстьыд пö абу. Ме сы вылö: горшлуныд, мися, ассьыд водзджык чужлөма.

Шум-зык лыбис, йöз чукөртчисны. öти шуö, пинь туйыс пö төдчö, мөд шуö, дзик дзонь пö. Ме сетi зептысь став сьомсö, мый вöли. Тырмис нель вылö. Вьсьшөрö лои вензьöма. Шыаси ныв дорö, мися, мынтöма, сөйöй нельöдсö. А нылыд быттё оз и кыв, чужөмсö бергөдö. Сэтчö кутшөмкө мужичöй суйсис, вай пö ме видла. И сөйис, вöрсаыд, дармөвöйтö.

Пырим театрö, помөдз видзөдiм операсö. И гортö довгим. Горт дорас и крапкис зарни пиньяд, порсьысь пö небыд гөн эн виччысь. Сьöмыд кө абу, оз ков нуөдны нывбабаөс театрö.

Мися, абу сьöмын шудыс, энö, мися, мыжалöй, мый вьськыда шуала. Сэсяя и торьялим.

Ог радейт ме аристократкаястö.

1923 во

Муслун

Рытйысьсöмыс вöли кыпыд да помасис сөрөн.

Вася Чесноков дзикöдз усурмунис, килутшнас чышкалис ньылөдөм плешсö. Маша вылö видзөдiс жалпырысь да шуалис кевмысяна кывьяс:

— Энлы тэрмась, шабдi ёкмыль... Виччысьлаам медводдза трамвайсö, абу нин ылын асылöдзыс. Тани позьö пукалыштны, öттор-мөдтор керны... вугыртлыны... Тэ со, быттё лыйөм ньöv, төвзян кытчөкө... пöсь вылысь кодзыд вылö, сiдзи оз туй... Тадзитö позьö и висьмөдчыны.

— Мыйся тэ кавалер, полан кө кодзыдысь, — Маша камашасис нин.

— Да öд ме брөд пöсялөма, — бөрдөм сорөн артмис Васялөн.

— Пасьтась!

Вася кышалис пась. Петисны ывлаө. Вася киняулöдыс кутис Машаөс. Вöли кодзыд. Енэжын боввидзис төлысь. Кок улын дзуртис лым.

— Кутшөм тэ асныра, — нимкодпырысь видзөдiс Маша вылö Вася Чесноков. — Вöли кө тi пыдди кодкө мөд, места вылысь эськөн эг вөрзы. Дзик збыль. Воськов эськөн эг вöч. Мусаөсь меным тi, сы вöсна вөрзи.

Маша серөктис.

— Тьянлы вот серам, Мария Васильевна, а ме öд збыль, сьөлөм менам косьмö тi вöсна. Ин ог аддзы... нимыд век кыв йылын. Вот шуой, Вася Чесноков, вод рельсьяс вылас, виччысь асья трамвайсö. Вода öд. Ог вөрзы... Колö кө, мед таялө. Ен водзын шуа...

— Дугдöй, — шыасис Маша. — Бурджык, видзöддöй, кутшöм мича ывлаыс, кор тöлыся войыс. И карыс тшöтш шылькмунöма. Со кöни мичлуныс!

— Да, збыль, уна мичлуныс! — вочавидзис Вася да тешкодя видзöдлис воча стөнö, кöни штукатуркаыс вöли ротйысьöма. — Ас ногыс быдтор мича... И тайö мичлуныс, Мария Васильевна, тшöтш ызьбöдö менсьым долöс...

Вот унаöн, учёнöйяс и партийнöй рöбöтникъяс, шуасьöны, радейтчöмыс пö абу, а ме мöдарö чайта. Ме, Мария Васильевна, верма Тянöс радейтны кувтöдз. Ме коть мый тиян вöсна вöча... Вот шуöй, Вася Чесноков, швачöбты юрнад стенас — ог падмы.

— Но, заводитчис, — нимкодя шуис Маша.

— Збыль пасьварта... абу жаль. Кöсьянный?

Радейтчысьяс воисны Крюков нима канал вылö.

— Дзик збыль шуа, — бара дöзмöдчис Вася. — Кöсьянный кö, öни жö сунгыс каналас? А, Мария Васильевна? Тi меным онö эскöй, а ме верма... верма...

Вася Чесноков кутчысис перилöö и дышника, нымöнысь мöдiс кавшасьны.

— Вася, мый тi! — горöдiс Маша.

Кутшöмкö сьöд вуджөр мыччысис керка сайысь да сувтiс пöнар улö.

— Мый горзанныд? — шыш моз ньöжмыда шуис матыстчысь вуджöрыс, сюся гөгөрбок донъялис колльöдчысьясöс.

Маша чилöстiс и лемасис корт решётка бердö.

Тöдтöм морт кыскыштiс Вася Чесноковöс сой пöлöдыс:

— Но, зырым бедь, пөрччы пасьтö! — ньöжйö, но чорыда шуис вуджöрыс, — Паськөдан кö горштö, юр кузяыд сöтышта этйöн, и нэм жежад ланьтан. Гөгөрвоин, öбледь! Эн нюжмась!

— Ме... мö... мö, — ымзiс Вася. Сийö тадзикөн кöсийс гөгөрвоöдны, кыдзи пö тадзсö позьö.

— Но! — бандит чашнитiс пасьсö.

Вася дзöран киясөн пөрччис.

— Сапöгтö пөрччы! — бара на чорыда шуис мортыс.

— Ме... мö... мö, — шуалiс Вася. — Көдзыд... лымья...

— Но!

— Эсийöс он вөрöд, — Вася юрнас доккнитiс Машалань. — Сылөн и пась, и камаш... а ме сапöг пөрччы...

Сирасьöм морт видзöдлис Машалань и ньöжйö шуис:

— Тэ сийöс пөрччöд... бөрнас. Пөрччин?

Маша сьувтчöмөн чöла видзöдiс кыськö налы шог вылö усьöм мортлань.

Вася Чесноков пөрччис сапöгсö, вомгорулас броткис:

— Сылөн и пась, и камаш, а ме сы пыдди...

Вөр кышалiс Васьöлысь пасьсö, сапöгъяссö суйис киняулас, медбöрын ещö стрöжитiс:

— Чöv ов! Горöдан — эштöда. И тэ тшöтш, — вирдыштлiс синъяснас Машалань.

Мырдöналысь здукөн кытчöкö сылис. Васьö пукалис лым вылын, шога видзöдiс еджыд латш вылас.

— Ме жö шулi... вот и шедiм, — Васьö скöра видзöдлис Маша вылö.

— И колö вöли войнас ывла вывтiыс шййтны! Да?

Кодыр пышйысь мортлөн воськов шыяс дзикöдз лөнисны, Васьö чеччис лым вывсыс да вöсньыдик гөлөсөн мöдiс чiлзыны:

— Караул! Грабитöны.

Здук мусти чепöсийс чеччалiгтыр котöртны. Маша вөрзыйтöг сулалiс.

Рочысь комиöгiс Е.Рочев.

Арлыдсыд он пышйы

Сизим во сайын, 1992 вося йырым (октябрь) 16 лунö, ООН-лөн Генеральной Ассамблея 1999-өг во шуис нуöдны кызди став му шарвывса олөма йöзлысь во. И со сийö матысмö помлань. Такöг йитöдын журналист Александр Петрунев корис вочавидзны кутшöмсюрö юасьöмьяс вылö ветераньяслөн Коми республикаса советысь председателъ Георгий Васильевич ТУРЬЕВÖС.

— Георгий Васильевич, республикаса ветераньяслөн котырьясын, тиян да карса-районса советьяслөн уджын тайö воыс мыйöнкö торьялö воддзаяссыс? Тиян советныд öд кутас, тыдалö, кызкö муртавны, мый лои вöчöма, да и юөртны вöчöм йывссыс олөма йöзлы, вылиса юралысьяслы. Эм мый йылысь висьтасьнысö?

— Да, ООН-лөн Генеральной Ассамблеяөн шуөм серти, помлань матысмьсь тайö воыс — олөмаяслөн во. Мунис сийö "Став арлыдаяслөн öтувья туй кузя" пас улын. А медшөр могнас сувтöдöма сийöс, медым отсавны ООН-лы лоны матынджык олөма йöзлань, медым олөма йöз кылисны асьнысö коланаясөн, вермисны овны тыр вир-яя олөмөн, сюртчисны войтырьяслөн социальнöя сöвмөмö, мед тыр-бура видзöдисны вермытöмьяс бöрся, öти кывйөн, олөма йöз мед ниномын эз кывны асьнысö öдтортöмөн, удзöдöмөн, мыйынкö дзескөдöмөн.

1998 вося öшым (декабрь) 2 лунö петис Российской Федерацияса Президентлөн Указ — "О проведении в Российской Федерации Международного года пожилых людей". Сы серти нин тавося урасьöм (февраль) 9 лунö сетис асьыс индöд миян республикаса Юралысь Ю.Спиридонов. Тайö индöднас вынсьöдöма Комиын олөмаяслысь Международнöй во нуöдан оргкомитет, кытчö пыртисны и менö. Вескөдлö оргкомитетнас республикаса Юралысьöс вежысь Г.М.Дзуцев.

Олөмаяслысь во нуöдан планö миянлы удайтчылис пыртны унатор, позö шуны, ставсö, мый вöзйылисны ветераньяслөн республикаса да кар-районьясса советьяс, көть та могысь ковмис ёнакодъ вензыны став пöлөс юралысьяскөд — министерствоясын, администрациясын, предприятиясын. И вöлим кутшöмакö дөвöльöсь таысь.

Но збыль вылас артмис эз сідз, кызди да мый мөвпыштлим. Во пансигас ставыс котралисны бöрйысьöмьясөн — дасьтысисны, а сэсся лои бöрйöма выль депутатьясöс республикалөн Государственнöй советö. Олөма йöз йылысь гаравлисны сöмын сэк, кор тайö кызкö инмылис бöрйысьöмьяслы. Сыысь öддор, во заводитчөмсянь олөма йöзöс дугдिसны могмөдны дон мынтытөг лекарствоясөн, кутисны босьтны содтöд дон норма серти ыджыдджык олан вежöсьясысь, весиг и войनावывса ветераньяслысь.

Колян во да тайö воыслөн воддза джыньяс дугдисны пöртны олөмö Республикаса Юралысьлысь 1998 во сора (июль) 21 лунся Указ, код серти вичмөддисны выль патераяс войनावывса ветераньяслы. Торья нин инмис тайö сыктываркаса да сиктса ветераньяслы.

Кольöм, 1998-öд воыс муналис сиктса олысьяслөн во пас улын. Öт-вылысь социальнöй могьяс кузя министерствокöд да ветераньяскöд удж нуöдан оргкомитеткöд (сийöс лöсьöдöма республикаса Юралысь бердын, вескөдлö Г.М.Дзуцев) ми лöсьöдлим программа, коді сідзи и шусылис — "Сиктса ветераньяслы". Сы серти унатор эськө колі и позис вöчны, медым кызкö кокньöдыштны олөмсö сикт-грездса арлыда йöзлысь. Но миян дор эз сувтны медся озыр да вына кык министерство — финаньяс да экономика кузя. А натөг мый верман вöчны? Став көсийöмьясным кабала вылö и долины. Сыысь на öддор, тайö во заводитчөмсяныс, кызди тöдса, карса да районьясса администрацияс

пыртисны вузалан товарьяс да йозос могмодомьяс выло вит процента выль налог. Весиг ветераньяслысь котырьясоз эз мездыны пенсионной фондэ 28 процента взносясысь.

Тадзи со пансис миян оломаяслон международной во. Апрельын ветераньяслон совет кором серти Г.М.Дзудев чукортлис эськэ министрствоясысь да мукодлаысь чина войтырос, но бурлань вежсьомьяс эз жэ артмыны. Муниципальной образованияесон откымын юралысьяс да госслужба нуодысь чиновникьяс кызыннас нуодоны сэтшом туйвизь, мый оломаяслон международной воыд налы дзик веськодь, вочоны сидз, мый косийоны, некодысь да ниномысь вежавидзтот.

Октябрь отид лунэ ми вочим кутшомсюрэ кыв кортодьяс. Но, кызди казялинныд, нимкодясян помкаяс абуось. Быдтор выло доньяс содоны и содоны, а корысялан пенсияс оз вежсьыны. Нином выло видзодтот, нуодсьё водзэ сидз шусяна жилищно-коммунальной реформа, кодэ медводз кучкэ пенсионерьяслы, кодьяс олоны патераясын. Сыктывкарса Интернациональной улича помланын лосьодисны коммунальной услугагысь мынтысян отувья шорин. Кор он пырав сэтчэ, век тырёма арлыда йозон. Коньорьяс виччысьоны кутшомкэ личодыштотьяс. Кызыштан налысь сернисэ да гогорвоан, мый оломаяслон международной воыд миян ниномон оз торьяв мукод воясысь, модарэ, арлыда йозлон оломыс водзэ пыр отарэ дзутсьё да гольмэ.

— Косья юавны тиянысь, уна-э республикаын олома йозыс, ко-дарлань катовтчэ войтырыс — порысьмомлань?

— Позьэ пасйыны медводз, мый республикаын ветераньяслон котырыс лоэ медся уна лыда да вына общественной организацияон — кыксэ ветымын сюрс морт, найос отувтэны окмыссэ кызь ветеранской котыр. Миян совет улэ отувтэчыны став сикас ветераныс. Лыддэодла со:

— войनावывса ветераньяс — 6698 морт;

— усьомаяслон семьяс — 3057;

— война кадэ тылын уджалысьяс — 51399;

— уджывса ветераньяс — 106992;

— пенсионерьяс, кодьяслон "ветеран труда" нимыс абу на — 99846;

— Вооружённой Вынгьясса ветераньяс — 1534;

— право дорьян органьясысь ветераньяс — 4557.

Лоэ местаын содгыны татчэ, мый кызын ветераныс миян советской кадэ нин чужом да быдомэ йоз. Сьокыд весиг доньявны, мыйта вын да кужомлун пуктисны найэ Родинанымос совмодомэ. Ставыс, мый йитчэма Советской Союзлон историякэ, — налон удж.

Миян котырым абу йитчэма политикакэ, котэ ми водзмостчэмомн сюртчам бэрийсьомьяс дасытан да нуодан уджэ, отвылысь сернитчам, кодьяс дор сувтны ветераньяслы, кодьяс вэсна эськэ колэ голэсуитны бэрийсьомьяс дырйи.

Медшор могьясон асланым уджын ми лыддыам сийос, медым эськэ:

— бурмодны ветеран-пенсионерьяслысь оломсэ, социальная дор-ыны найос;

— ёнмодны ветераньяслысь да налон котырьяслысь отувьялунсэ;

— отсавны быдтыны да велодны том йозос чужан му радейтысьясон да дорйысьясон;

— колны нэмьяс кежлэ войтыр вежэрын ловьяён Родина вэсна тышьясын усьом воиньяслысь нимьяссэ да паметьсэ; отсавны дзэбны-гуавны войनावывса кувсысь ветераньясоз;

— котыртны ветеран-пенсионерьяслысь шойччэомсэ.

— Георгий Васильевич, меным медся жальос сиктса ветераньяс, стэчдыка кэ, сикт-грездса дзик нин вермытом пэчьяс — пэлясыс од налон усялины война вылын. Нэмсэ коньорьяс мырсисны, медым вердны-юктавны странаос, и век вэлины медся гольось, отдортанаось. И они налы локтэ медся ичот пенсия. Татшом йозсэ тиян советыд, ветераньяслон районьясса советьяс кызкэ кутанныд тэда вылын?

— Миянлы Уставным тшэктэ буре тэды, кызди овсьэ ветераньяслы

карын и сиктын, мый вöчсьö оломаяслөн котыргъясин. Сиктса арлыда йöзлысь сьöкыд оломсö ми төдам, дерт, адзам, мый налы ставыс вичмö карсаяслы серти этшаджык. Тайöс төд вылö босьтöмөн, зиям сиктса ветеранъяслы отсöгсö вичмöдны унджык — и сöветсянь, и ветеранскöй фондсянь. Велькыда кө шуны, сиктса олома йöз вöсна юрным миян ёнджыка висьö. Но ми вывтi гöльöсь, уна отсавны от вермöй. Көть эськö и республикаса Юралысь бердын котыртöм оргкомитет зильö жö та бокаянь. Г.М.Дзуцев медводз век кутö син водзас сиктса ветеранъясöс — кызди мoгмöдны найöс лекарствoяслөн, шойчöдны дон босьттöг санаторийясын, мукöд бурдöдчанiнъясын.

Быд куим төлысьын оргкомитетлөн чукöртчылыгысö районьясса юралысьяс висьтасьöны, мый найö вöчöны сиктса ветеран-пенсионеръяслысь оломсö кокньöдöм могысь — кызди найöс мoгмöдöны пeскöн да мукöд ломтасöн, оланiнъяссö дзоньталöмөн, автотранспортөн, кызди котыртöма сикт-грездысын вузасьöм да сiдз водзö. Сёрниыс мунö ёся, стрöга, но... бурлань вежсьöмъясыс этша. И медводз сьöм абутöм вöсна. А дон мынтытöг некод нинöм вöчны оз кöйы, миян татшöмторйыс абу на пырöма вираным.

— Арлыда йöзлөн оломыс бөръя дас онас, сiдз шусяна реформаяс кадö, вежыс вывтi ёна. Зэв уна лoи öткөн кольöм пöрысыс — карын и сиктын. Воясөн виччысьöны, кызди эськö веськавны индомö, кодъясöс небыдика нимтöны öнi интернат-керкаясөн. Кор ветлан Вылыс Човса выль шойна вылö, сзсь адзан зэв уна эновтöм гу, көнi чурвидзöны пöвйысь тувйыштöм пасъяс. И лыдыс налөн öтарö содö. Тайö гуясас дзeбöма Човса да Тентюковса интернат-керкаясын кувсьöм пöльпöчьясöс. Пöв паса уна лыда эновтöм гуяссö адзан да, сьöлöм вылад абу ёна лöсьыд. Тöдан, мый на дорö некор некутшöм волюсь оз лoлы. Дерт, интернат-керкаясыс пырöны социальнöй могыяс кузя министрствoлы, но öд видзöны сзнi öткөн кольöм либö ныв-пиянөн эновтöм пöрысьясöс. Ветеранъяслөн сöветъясын мыйкö думыштлöны-ö та кузя?

— Да, мый эм, сысыс он пышйы, он соссы. Ветеранъяслөн сöветъясын тшöкыда пансьылö и сы йылысь сёрни, мый уна лыда сьöкыдунъяскöд тшöтш миян странаын пыр унджык йöз воштöны сöвeстьсö. Оз лыддыссыс некутшöм яндысянабн эновтны нэмсö мырсьöм, вермытöмö вöм пöрысь бaть-мамöс, сiдз жö, кызди некодысь да нинöмысь яндысьтöг пондiсны ставсö гөгөр гусявлыны, весиг и грабитны да виавны йöзöс. А пöрысь морттö эновтöмысь уналөн öнi морöс пытшкaс нинöм оз вöрззы. И татшöм йöзыслы, позьö кө шуны найöс мортъясөн, дзик веськодь, көнi куйлöны чужтысь-быдтысь бaть-мамыс.

Сьöкыд та йылысь сёрнитны, но талун ветеранъяслөн сöветъясын оз на тырмыны кияс, вын, сьöм, медым эськö быд кувсьысь ветеранöс морт ногөн кольöдны мöдар югыдö, дай водзö кeжлö видзöдыштaвланы налөн гуяс бöрсяыс.

Ме чайта, оломыс тшöктас мыйкö вöчны та кузя быдөнöс, коды тайö инмö. И миян юръясным ёнджыка висьöны талун мöдтор вöсна на. Воддза предприятыеас да учреждениеас киссисны. Уджывса вывтi уна ветеран-пенсионер колины ас кежсыныс, кодъяс дорöдз некодлы быттö некутшöм мог эз лo, некодлы тöждысьыштны. Сзся унаөн локтaлiсны мукöдлаысь, бара жö ставныс öткаöсь. Став татшöм олома йöзсö колö кызкö котыртны, öтувтны, мед найö эз кывны асьнысö дзик нин эновтöм войтырөн. Карын и сикт-грездын тыр татшöм пöрысыс, кодъяс дорöдз некодлы быттö и делö абу. И миян медшöр могыясысь öти — тöждысьыштны татшöм йöз вöснаыс, лов сетыштны налы.

— Дас воысь унджык нин коли, кор республикаын вöли дасьтöма да вынсьöдöма "Тöждысьöм" ("Зaбота") программа. 1989 воö сийö петaлiс весиг сизимсё лист бока (!) öтувтöм книгаөн. Сзн лыддьöдöма, мый колö вöчны ветеранъяслысь оломсö бурмöдöм могысь быд карын, быд сиктын, быд деревняын, весиг ов-ним-вичьяссö урчитöмөн. Прог-

раммасо кӧнкӧ артыштӧма вӧли куим во кежлӧ, кӧнкӧ и вит кежлӧ. Дерт, сы бӧрын воддза став олӧмыс путкыльтчис, унджык "тӧждысьӧмыс" лои дзикӧдз эновтчӧма, но программаыс веж жӧ коли. Мыйынкӧ кадысь кадӧ стӧчмӧдыштны, вежлалӧны, нюждӧдӧны урчитӧм срокъяссӧ да мый да. Ветеранъяслӧн сӧветъяс первойсянныс вӧлины танӧ нырщикъяс лыдын. Ӧнӧ мыйкӧ вӧчсыӧ "Тӧждысьӧм" программа олӧмӧ пӧртӧм могысь?

— "Тӧждысьӧм" программасӧ ӧнӧ лӧсьӧдӧма 1996—2000 вояс кежлӧ. Да, ветеранъяслӧн республикаса сӧвет, кызди и воддзжык, вӧли тайӧ программасӧ дасытысьяс лыдын. И став вежсьӧмъяс пыртӧны сэтчӧ миянкӧд сӧрнитӧмӧн, а каръясын да районъясын сэтчӧс ветеранскӧй сӧветъяскӧд ӧтвылысь. Республикаса Юралысьӧн вынсьӧдӧма "Тӧждысьӧм" программа олӧмӧ пӧртӧм могысь оргкомитет, и ме лоа тайӧ комитетса председательлӧс вежысьӧн. Татшӧм ногӧн жӧ вӧчӧма быд карын да районын. Верма сӧмын содтыны татчӧ, мый "Тӧждысьӧм" программаыс некутшӧм эновтчӧм абу. Но а став сьӧкыдлуныс — оз тырмы сьӧм.

— Георгий Васильевич, вель бура тӧданныд, кутшӧм гӧля овсыӧ ветеранъяслы, карын кӧть сиктын, вӧвлӧм госслужащӧйясыс ӧтдор. Унджыкыслӧн абу некутшӧм позянлун мыйкӧ выльмӧдыштны киссьӧм кӧм-паськӧмысь. Ветеранъяслӧн сӧветъяс мыйкӧ вӧчӧны-ӧ, мед эськӧ паськӧдны татшӧм йӧзыслы дон босыттӧм отсӧг? Уналӧн ӧд, торъя нин карьясад, коль вель на бур паськӧм и кӧм, мый позь чукӧртны да сетапны налы, кодъяс оз вермыны ньӧбны выльсӧ...

— Татшӧм отсӧг котыртан уджас медводз босытчӧны буретш ветеранъяслӧн котыръяс. Нимкодъ сыысь, мый бур сьӧлӧма йӧзнас ми абу на гӧльӧсь. Зэв уна водзмӧстчысь ветеран, кодъяс вермӧны на, ӧна отсалӧны вермытӧм пӧрысьяслы быдторйӧн. Татшӧм йӧзыслы ми вермам сӧмын шуны сьӧлӧмсянь петысь аттӧалан кывъяс. И буретш найӧ жӧ век мыйкӧ вӧйӧны, кызди эськӧ нӧшта мыйӧнкӧ отсыштны вермытӧм пӧль-пӧчъяслы. Ветеранъяслӧн республикаса котыр татшӧм уджас век ӧтвытчӧ социальной могъяс кузя министерствокӧд: сьӧм, штатнӧй уджалысьяс — тайӧ ӧд ставыс налӧн. Ӧнӧ республикаын лӧсьӧдӧма да уджалӧ йӧзлы социальной отсӧг сетан кызь ӧти шӧрин, сэсся эм татшӧм жӧ могъяса квайтывын нель юкӧн; восьтӧма бурдӧдчан квайт юкӧн, лунын шойччан кык керка, мукӧд отсӧг сетан кызысь унджык юкӧн.

И век жӧ ланьтӧдчыны водз на. Позьӧ шуны, олӧмаяслы да мукӧд нуждайтысьяслы отсӧг сетан уджыс миян сӧмын на чужан выйын. Тайӧ уджас ветеранъяслӧн сӧветъяслы колӧ, дерт, кыскыны томджык, водзмӧстчысь пенсионеръясӧс, а сэтшӧмъясыс карын и сиктын вель уна. Мед эськӧ на отсӧгӧн паськыдджыка котыртны шогмана на кӧм-паськӧм да мукӧд кӧлуй чукӧртӧм. Ме чайта, и быд сикас предприятияс да учрежденияс, кӧть кызди найӧ ӧнӧ оз шусыны, матыса кадӧ бӧр жӧ бергӧдчасны асланыс коркӧя ветеранъяслань, пондасны отсыштавны налы сьӧмӧн да мый да. А ӧнӧ кызкӧ торйӧдны да бур боксянь лыддӧддыны татшӧм уджсӧ нуӧдӧмын, позьӧ шуны, некодӧс на.

— Сӧветысь ӧтдор, тиян эм ветеранъяслӧн фонд. Кодъяссянь да кызди чукӧрмӧ сэтчӧ сьӧмысь? И, абу кӧ гусятор, кодъяслы да кытчӧ мунӧ сьӧмыс тайӧ фондсыс? Мый босытсӧ тӧд вылӧ фондсянь отсӧг сетигас?

— Ветеранъяслысь фонд лои котыртӧма 1992 воӧ. Став сьӧмыс локтӧ сэтчӧ предприятияссянь да организацияссянь дзик налӧн лышкыдлунон, некутысьянь да некутшӧм тшӧктӧм виччысьтӧг. Ме эськӧ медводз пасйи миян фондлы отсӧг сетӧмысь сэтшӧм акционерскӧй обществасӧн юралысьясӧс, кызди А.С.Пошуменский ("Комитекс"), В.А.Козлов ("Связь"), В.В.Мальцев ("Сыктывкархлеб"), И.П.Май ("Сыктывкарса сур пуан завод"), А.Н.Зольников ("Комиснаб"), О.А.Чхетнани ("Сысолалес"), В.С.Чураков ("Двина"), Н.Н.Шмань (М-222), нӧшта мукӧдӧс.

Ставныс найо бура гогорвооны, мый вермытомьяслы овсёо вывти сьокыда и отсалоны быд шыодчылгөн.

Оломаяслон тайо международной воас нин ветераньяслы лои сетома отсөгсö фондусь сё сюрс шайт. Дерт, тайо этша. Но ичотик отсөгус воис век жö сюрсусь унджык ветеранлы. Арнас бара на лои вуджодома карьясса да районьясса ветеранской советьяслы кызь вит сюрс шайт — ставсö вермытомьяслы сьомон отсыштöм могусь.

— Татшöм юалöм сэсса, Георгий Васильевич. Ветераньяслон советьсь тьяндзса юралысьыс, покойной В.В.Путинцев, служитлис гырысь чингысын, да сылы, ме думысь, кокни вöли аддзыны öти кыв республикаон юралысьяскöд. А ти кызди кыланнуд асьнытö на кытшын?

— Вит во чöж (1990—1995) ме вöли Коми АССР-са Верховной советын депутатон. Миянös сэк медводдзаясь бөрйылысны сідз шусяна альтернативной подулөн — быд депутатос некымын кандидат пиысь. Позьö шуны, буретш сійö Верховной Советус дасытис олан подувсö öния Коми Республикалы, коді чужис воддза АССР пыдди. Республикаса Юралысьлөн администрацияын, правительствояын, муниципальной образованияесон юралысьясон, öния Государственной Советын кызыннас уджалоны найö, кодыясös бөрйылысны 1990 воö Верховной Советса депутатясон. Меным найö бура тöдсаось, аддзыны öти кыв абу сьокыд. Сэсса öд ме вель дыр вöли Сыктывкарса военной комиссарон...

Босьтны кө нöшта тöд вылö сійös, мый республикаса ветераньяс советса президиумын колины найö жö, кодыяс вöлины и таодз, да быд ногыс зилисны отавны меным выль уджын, абу сьокыд вежортны, мый ме первоясыныс кыли ачымös колана местаын и водзö мөвпала уджавны став эбösон да водзмöстчöмөн.

— Бергöдчылам сиктса олöма йöз йылысь сёрниö. Кор кок вылас суалысны совхозьяс, найö, дерт, тöждысьлысны ветераньяс понда, отсавлысны налы и пескөн, и сёянон да мукöдторйон. Совхозьяс жö кутлысны ас тшöт весьтаныс вермытомьяслы интернат сяма керкаяс, көни позис шоныдынын да котырөн моз төвйыны. Государственной овмөсьяс киссисны, көни эмös на, муртса ловьяös да нинöмөн нин асланыс ветераньяслы отсавны оз вермыны. Ти, дерт, тöданнуд и аддзад ставсö. А мый верманнуд вöчны?

— Ме эськö көйи вочавидзны сідзи, мый совхозьяс да лес-промхозьяс пыддиыс öд кутшöмкö выль нога овмөсьяс чужисны да рöдмисны. Вöрысь барыш босьтöны, мукöдторйысь. Миян могным, тыдалö, медводз сыын, медым татшöм выль көзыньяссö заставитны бергöдчыны бөр ветераньяслань чужöмөн да босьтны найös мыйсюрöын асланыс кошт вылö. А сы вылö лача, мый и вөр овмөсьяс и видз-му овмös бөр ловзясны да сувтасны кок вылö, ми эг воштöй. Эскам, мый тадзи и лоö. И та боксянь ми кутам öтвылысь зильны и республикаса Юралысьлөн администрациякöд, и Государственной Советкöд, и муниципальной артмөдöмьясон юралысьяскöд.

Мöд мог, кодös ми аддзам ас водзын, пöртны олöмö "Сиктса ветераньяслы" программа. Сы отсөгон позяс ловзьöдны да бөр сувтöдны кок вылас сиктса потребкооперация. И кутас сійö оз сöмын вузасын сёян-юанон да гортгöрса овмөсьясын колана көлуйон, но и сетас сиктса олысьяслы позянлун инавны лöсялана донусь град выв пуктасьяс, ягса-нурса вотös, тшак да мукöдтор.

Ветераньяслон советьяс водзö кутасны сюся видзöдны "Тöждысьöм" программа олöмö пöртöм бöрся, и медводз сикт-грездыясын, и быдторйын — кызди пöрысь йöзös могмөдöны пескөн, лекарствоясон, шогманаось-ö налөн оланіньясыс.

Республикаса Юралысь бердын ветераньяскöд удж нуöдан оргкомитет стрöга лöсьöдчö видзöдны сы бöрся, мед ставыс, мый пöлагайтчö ветераньяслы закон серти, воис быдöнлы налы тырвуйö. Но и некутшöм нюжөдöмьяс эз вöвны мед пенсия мынтöмын.

Ветераньяслон совет выльысь лосьодчö шыасьны Республикаса Юралысь дорö да Государственной Советö, медым пенсияяс дорö содтöд мынтисны удждон динö моз войвывса коэффициент. Но и ог кольйö сідзи и сійöс, мый сэтшöма топöдисны став йöзсö коммунальной могъясысь вöвлытöм донъясон. Йöз вылын тадзи смекайтчыны оз позь.

Ветераньяслон республикаса совет надейтчö, мый сиктса олöма йöз вöсна тöждысьöм оз ваймав, а пондас бурмыны. Татшöм надеясö ми кутам медводз сы подулöн, мый эм миян öта-мöдöс гөгөрвоом и Республикаса Юралысь Ю. Спиридоновкöд, и Госсöветса председатель В. Торлоповкöд. Найö оз шенасьны миянысь, кывзöны шыасьöм-корöмъясьнымöс гөгөрвоомöн. Но и надея кутан мöд подулöн лои сійö, мый локтан воыс öд Великой Победа шедöдöмсянь 55-öд во. Сы жежлö дасьтысьöны нин страна пасьтала. И медводдза местаын тан колö лоны сылы, медым кытшавны сьölöмаджык тöждлунöн войнаса ветераньясöс, но и найöс, кодъяс отсалисны дорны Победасö тылын.

Но и медбöрын.

Кöсья шыöдчыны сикт-грездса олöма йöз, "Войвыв кодзув" журнал лыддысьяс дорö: медводз энö энöвтчöй асьныд, энö вунöдöй öта-мöд йывсыныд. Сöмын öтвылысь вермана дорйысьны öния сьöкыд олöмас. Сэсья унаторйын öта-мöдыдлы позьö отсавны. Буретш öтувъялунöн да öта-мöд дор чорыда сулалöмөн ми и крепыдöсь. Энö зыксьöй. А кор мыйынкö лоö вывтi нин сьöкыд, позьö шыöдчывны и ветераньяслон республикаса советö, кодлөн адресыс татшöм: 167610, Сыктывкар, К.Маркс улича, 210. Телефонъяс: 42-31-30; 42-31-45; 42-05-34. Ветераньяслон республикаса совет.

Йӧзлӧн дзоньвидзалун вӧсна

Коми йӧз важысянь овмӧдчылӧмаӧсь Эжва, Печора, Мезень, Луза юяс да налӧн вожьяс пӧлӧн. 215 сюрс мортысь, кодьяс артависны Коми муын 1909 воын, 115 сюрсыс олісны Усть-Сысольск уездса 32 вӧлӧстын. Кӧдзыд поводдя, лёк санитарно-гигиенической условиеяс — ставыс тайӧ тӧдчис йӧзлӧн дзоньвидзалун вылӧ. Пӧшти быд во пӧрӧсӧн муніс то ӧти, то мӧд висьӧм. Ёнджикасӧ тайӧ вӧліны биа висьӧм, кысталан биа висьӧм, пьсьти, мыт, скарлатина, корь, коклюш, мукӧд висьӧмъяс. Пӧрӧсӧн шымыртӧм деревнясын восьтывлісны эськӧ недырся приёмной покойяс, но сәні эз вермыны бурдӧдны став висьысьсӧ.

Надзӧн воссялісны больничаяс, ньӧжйӧ содіс бурдӧдысьяслӧн лыдыс.

Усть-Сысольской уезд пасьта, земство лӧсьӧдігӧн (1868 во) вӧлі сӧмын куим приёмной покой, кӧні уджалісны куим пельшер: Визиньн, Кулӧмдінын да Ношульын, да дас пьсьтиасьысь. Быд приёмной покойын вӧлі нель крӧвать. Земской собрание на йылысь пасйӧ тадзи: «Крайне бедны бельём, одеждой, необходимой мебелью, а главное — аптечными принадлежностями и медикаментами».

Усть-Сысольск уездса земской собраниелӧн первой сессия вылын нин шуӧма вӧлі восьтыны ещӧ нель приёмной покой: Мылдінын, Койгортын, Немдінын да Нёбдінын.

Сьӧкыда, надзӧн муніс вьль приёмной покойяс восьтӧм кузя уджыс. Койгортын да Нёбдінын пельшерыс кӧть и вӧлі, но приёмной покойясыс эз уджавны. Документас та йылысь пасйӧма: «По недостатку средств и дороговизне квартир». Пельшер абутӧмла эз воссыны приёмной покойясыс Мылдінын да Немдінын.

Мӧд во вылас вӧлі урчитӧма ыдждӧдны Визинса да Кулӧмдінса приёмной покойяс кык жырйӧдз: ӧти мужичӧйяслы, мӧдсӧ — нывбабаяслы, а Ношульын куим жырйӧдз: кыкыс — мужичӧйяслы, ӧти — нывбабаяслы. Мукӧд приёмной покойяссӧ пӧдлаісны да колісны сӧмын пельшерской пунктъяс. Татшӧм жӧ пунктъяс содтӧд восьтісны Лоймаын да Щугӧрын. Но мӧд онас земстволӧн сьӧм тырмытӧм понда пельшеръяссӧ чӧвтисны Койгортысь, Мылдінысь, Немдінысь да Лоймаысь. Коли сӧмын нель пельшер: Ношульын, Визиньн, Кулӧмдінын да Нёбдінын.

Ношульын важысянь вӧлі ыджыд пристань, сы пыр мунісны купечьяслӧн тӧвар тыра уна пыжъяс. Но Вятка да Котлас костын кӧрт туй стрӧйтӧм бӧрын Ношульса пристаньлӧн коланлуныс быри, чиніс и олысьыс. Сыыс кындзи 1893 вося «Устав лечебных заведений ведомства Министерства Внутренних дел» серти приёмной покойяссӧн веськӧдлысьясӧн вермис лоны сӧмын врач. А Ношульын врачыс эз вӧв. Сы вӧсна тайӧ сиктас шуисны приёмной покойсӧ пӧдлавын. Стрӧйбасӧ шуӧма вӧлі сетны пельшерлы, «сійӧ кӧ кӧсьяс». Но кор та йылысь сёрнитисны земской собрание вылын, шуисны: «Ношульский приемный покой не закрывать, как значится в штатах, составленных земской управой, а оставить его на прежнем основании».

Гырысьджык сиктъясын земство старайтчис бурмӧдны приёмной покойясын уджалан условиеяссӧ. Ношульын приёмной покой улӧ вӧлі ньӧбӧма вьль керка. 1882 воын Визиньн 500 шайтысь ньӧбисны керка Еньяыбса крестьянин Поповлысь. Ревизионной комиссия шуис, мый керкаыс ён и лӧсьыд: «Имелось в ней четыре комнаты, где были две

печи, обшитые железом. Кухня построена особо. В одной связи с домом находились погреб и амбар, сарай и каретник и стояла особо баня».

Кулөмдинын приемной покой уло куим во кешло контракт кузя босьтисны керка (70 шайтысь) крестьянской дөва Турьева Ксения Осиповналысь. Керкаыс вөлі важ, больнича улад, дерт, эз шогмы, сийон и шуисны тан, мый восьтомнас коло виччысыштлыны — выль стройба лэптытөдз. Земстволон 1889 вося йирым (октябрь) 18 лунся шуом серти, Усть-Сысольской уездсо лои юкома куим участок выло: 1 — кар да Благовещенской вөлөсть (Паджга), бөрынджык татчо пырисны Вьльгорт вөлөсть да Додз, Озёл, Сейты, Корткерос сиктыяс; 2-од участок пырисны вөлөстьяс, кодыяс лыддысисны Усть-Сысольской уездса I-ой станын (сиктыяс, кодыяс вөліны Сыктыв да Луза ю кузя. — Л.Л.); 3-од участок — вөлөстьяс, кодыяс лыддысисны уездса II-од станын (Эжва да Печора ю йывьясса сиктыяс).

Кулөмдино да Визино приемной покойгысон веськөдлыны воисны врачяс Шмелев Вячеслав Александрович да Серков Василий Сергеевич.

Приемной покойяссө коть и бурмөдисны ичотика, уджавны сәни вөлі сьөкыд. Колоны вөлі выль стройбаяс. Та йылысь сёрнисө земствоса собраниеяс вылын унаысь лэптылісны. 1890 вося йирым (октябрь) 15 лунө Земской собрание шуис:

«1. Построить за счет земства здания больниц в сс.Визинге и Усть-Куломе согласно представленным собранию планом и смете стоимостью на 9382 рубля 32 копейки в каждом пункте.

2. Первоначально приступить к постройке больничных корпусов и служб, как то: погребя, бани и покойницкой.

3. Ассигновать на возведение вышеупомянутых построек по 5 тысяч рублей на каждый участок, всего 10 тысяч рублей, которые внести в смету расходов на будущий год.

4. Наблюдения и все распоряжения по постройке домов поручить земской управе, которая в случае необходимости имеет право приглашать сведущих лиц».

Пөдрадсэ Кулөмдинса больнича стрөитөм выло босьтис 1890 шайтысь Антоновский Дмитрий Потапович да 1891 вося моз (август) төлысьо заводитис нин удж. Сийө жө онас көч (сентябрь) төлысьө заводитисны лэптыны больнича Визинын. Тани уджаліс Петр Южаков, коді вөлөма Сольвычегодской уездса Метилевской вөлөстьысь.

Мөд онас водзө уджсө Визинса больнича стрөитөм кузя босьтис Вьльгорт вөлөстьысь крестьянин Костин Афанасий Андреевич. Отасысь пыдди босьтис асланыс вөлөстьысь крестьянин Шеболкин Степан Ивановичөс. Уджсыс урчитисны 1900 шайт. Уджьяссө нуөдөм бөрся видзөдисны уездса управаысь шлен Морозов да участкас врач Серков. Йирым (октябрь) төлысьөдз больнича срубыйс вөлі нин дась, да и вевтгөма тыөсөн. Помлань мунісны уджыяс и больничабөрдса мукөд стрөйбаяс вылын. Неыджыд лөсьөдчөмгыяс бөрын 1893 вося көч (сентябрь) 14 лунө Визинса больнича вуджис выль керкаө.

1892 воын Кулөмдинса больничалон выль керкаыс вөлі вевт улын жө. Заводитисны тэчны пачьяс, да и мукөд стрөйбаясыс вөліны дасьөс. Уджьяссө нуөдөм бөрся видзөдисны уездса управаысь шлен Игнатов да участкас врач Дундуков. Но кызди тыдовтчис, Антоновскийыд уджсө вөчөма абу лючки. И сылысь лои перйөма 355 шайт водзөс, а водзө уджсө нуөдны босьтчөма Егор Кипрушев.

Мөд во помас (1893) Кулөмдин больнича вуджис жө выль керкаө. Вьль стрөйбаясө вуджөм бөрын Визинса да Кулөмдинса больничаясын кровать лыдсө вайөдисны дасөдз, а 1897 воын дас витөдз. Ношульса приемной покойын ставыс коли важ ног.

Уездса врачебной совет 1898 вося гожөмын чукөртчылігөн вөзйис Земской Собраниеы Визинской врачебной участокысь торйөдны Луза бөрдса вөлөстьяссө торъя участкаө, шөр сиктнас шуны Ношульөс. Кулөмдинса врачебной участокысь торйөдны Эжва бөрдса вөлөстьясыс

Корткерössянь Пöддельнöйдз, шöр сиктнас шуны Нёбдін. Но Земскöй Собрание шуис выль врачевнöй участокьяссö восьтыны Нёбдінын да Абьячöйын. Тайö сиктъясас и корисны выль врачьясöс.

Тайö жö чукöртчылігас Кажымса кöрт вöчан заводыс управляющöй В.С.Косолапов корис выль участок восьтыны и Кажымын, кытчö эськö пырисны Кажым да Кобра вылö мунан тракт пöлöнысь вöлöstьяс. Заводоуправлениес кöсийс сетны жыр 5 крöвать сувтöдöм вылö, а земстволы вöзйис ас сьöм вылас кутны бурдöдчысьяссö.

Гласнöй Тур М.И. шуис, мый ылын Кулöмдінсянь Мылдінса сиктъясöдз, колö и сэтчö восьтыны врачевнöй участок.

Ставсö артыштöмön, Уездса Земскöй Собрание шуис лöсьöдны врачевнöй участокьяссö тадз:

I-öд — Карса, кытчö пырисны Усть-Сысольск да матібердса вöлöstьяс: Богоявленскöй (Зеленеч), Вьльгорт да Кöрткерöс вöлöstьялön юкön. Тайö участкас вöлі 6 приход, олысьыс — 8532 морт.

II-öд — Визинса, кытчö пырисны Визин, Межадор, Волся, Ыб, Благовещенскöй (Паджга), Воронцовскöй, Койгортса, Кебраса вöлöstьяс, кöні вöлі 14 приход, олысьыс — 29034 морт.

III-öд — Абьячöйса, кытчö пырисны Абьячöй, Шиловскöй, Уркинскöй, Борисовскöй, Ношульскöй да Кочергинскöй вöлöstьяс, 7 приход, олысьыс — 14779 морт.

IV-öд — Нёбдінса, кытчö пырисны Нёбдін, Висер, Пöддельнöй, Мордін вöлöstьяс да Кöрткерöс вöлöstьялön юкön, 10 приход, олысьыс — 14315 морт.

V-öд — Кулöмдінса: Кулöмдін, Дереваннöй, Немдін, Помöсдін вöлöstьяс, кöні вöлі 8 приход, олысьыс — 19301 морт.

VI-öд — Мылдінса, кытчö пырисны Саваяг, Мылдін, Шугöр вöлöstьяс, 6 приход, олысьыс — 3929 морт.

VII-öд — Кажым завод бердын.

Но нель выль участокысь земскöй собраниелön 1896 вося чукöртчылігкежлö воссис сöмын Абьячöйса участок. Кажымын да Мылдінын эз вössыны, кызди вöлі шуöма, — «из-за неприбытия вызванных врачей». Врачевнöй сöвет шуис: «В Кажиме и Печоре открытие врачевных участков приостановить до более благоприятного времени». И век жö мöд вонас Мылдінса участокö воис врач Е.Савастьянов, Кажымö — Кан.

Врачевнöй участокьяс бердас вöліны больничаяс: Усть-Сысольскын 35 крöвать вылö, Визинын да Кулöмдінын 15 крöватьön, а лечебнициясын (Кажым, Абьячöй, Нёбдін, Мылдін) — 5 крöватьön.

Медлөк условияс вöліны Абьячöйса да Мылдінса лечебнициясын, кызди шуöма уездса медициналön отчөтын: «Не отвечают своему назначению по малопригодности для рационального ухода за больными». Та вöсна уездса Земскöй Собрание вылын, кодї вöлі 1900 вося кöч (сентябрь) 15 лунö, вöлі шуöма сетны сьöм Абьячöйын да Мылдінын больнича стрöйбаяс кыпöдöм вылö.

Мöд вонас Мылдінын лöсьöдöмаöсь стрöйтчан вөр, а 1902 воö торйöдöм местаас лэптисны керкасö. Уджсö вöчны медасьлöма Зеленеч сиктса крестьянин Камбалов Дмитрий Иванович. Став доныс, стрöйтчан колуйнас, сувтис 5881 шайт.

Абьячöйын больнича улö местасö бöрйисны скод приговор серти 1901 вося моз (август) 30 лунö Пунеговскöй грездсянь неылын, Лузалön важ ворга бердö — ты дорö. Мöд вонас лöсьöдисны стрöйтчан материал. 1903 вося урасьöм (февраль) 10 лунö Борисовскöй вöлöстнöй правленнöйын вöлі торг больнича стрöитан пöдрад пöлучитöм вылö (пудьясисны). Пöдрадön уджавны индїсны Вятскöй губерняысь Орловскöй уездса крестьянин Черных Егор Карповичöс. Ода кора (май) тöлысьö заводитчисны нин уджьяс. Подувсö вöчисны кирпичысь, срубсö лэптисны нитш вылö да вевттисны тьöсön. 1904 воын вöчисны пытшкöс уджьяс: тэчисны пачьяс, лöсьöдисны öдзöсьяс да öшиньяс. И сийö жö воас больнича вуджис выль керкаö.

Нёбдінса лечебница век на вóлі кóтмалóм патераын. И сóмын 1904 вося кóч (сентябрь) 29 лунó врачёбнóй сóвет чукóртчóм вылын шуисны, мый больничасó колó стрóитны оз Нёбдінó, а Пóддельнóй: «Как более центральном для предполагаемого по плану больницы сети пункт и расположением в весьма здоровой местности на высоком сухом берегу реки Вычегды у соснового бора, пригодной даже для санатория».

Больничасó шуисны стрóитны óти судтаóс кирпичысь. Управа вынсьóдís смета 14093 шайт 07 ур дон.

1906 да 1907 воясó Яренскóй уездысь Айкатыла вóлóстьса Керóс грезд дорын крестьянин Лютоев Михаил Степанович босьтчис кирпич дасьтóмó: 1906 воó вóли вóчóма 201600 кирпич, 1907 — 200000. Мунís удж и керка подув вылó из, цемент, известь лóсьóдóм кузя.

Пóдрадсó больница стрóитóм вылó босьтís мастер Кононов Н.Г. Уджсьис корис: подув вóчóмысь 500 шайт, стенас быд сюрс кирпич тэчóмысь 4 шайт 50 ур. 1907 воó подувсó лои вóчóма. 1908-1909 воясó тэчóма больница стен да больницабердса заразнóй барак. 1910 вося арын земскóй техниклысь уджсó вóчысь Г.Сорокин юóртís Пóддельнóйын больница стрóитóм помасьóм йылысь. Тайó жó арнас больницаыс вуджис Нёбдінысь Пóддельнóйó. Нёбдінó колис сóмын 5 крóватя приёмнóй покой.

1909 восянь Пóддельнóйын заводитísны стрóитны и кык судта пу керка, вылí судтаыс — врачлы патера улó, а улиас кык патера пельшерьяслы. Уджавны медасисны Пóддельнóй вóлóстьса Киршин вокьяс да Исаков 2000 шайтысь. А ставнас керка доныс смета сертиыс артмис 11797 шайт. Помасьóны уджьяс и заразнóй барак стрóитóм кузя, джын жырсó кодлысь вóли шуóма сетны лёк висьóмóн висьысьяслы.

Нуóдсисны вежсьóмьяс и врачёбнóй участокьяс лóсьóдóм кузя. Сидз, 1906 воó Земскóй Собрание шуóм серти пóддалísны врачёбнóй участоксó Мылдинысь, шуисны сы пидды восьтыны приёмнóй покой вит крóватьóн. Веськóдлыны индísны сьма пельшерóс, кодлы сетísны 600 шайт удждон вонас да дась патера.

Казнаса представитель Лобурцев вóйóм серти 1907 воó шуисны восьтыны врачёбнóй участок Кóрткерóсын.

1908 вося моз (август) 2 лунó уездса Земскóй Собрание чукóртчóм вылын шуисны локтан вонас восьтыны ещó земскóй больничаяс Немдінын да Ыбын.

Но эзджык артмы. Помóсдинын да Ыбын вóссисны сóмын приёмнóй покойяс вит крóватьóн, пельшер веськóдлóм улын.

Вежсьóмьяс лоины и Кóрткерóсса врачёбнóй участокын: сы местаó лóсьóдóма лои Пригороднóй врачёбнóй участок, кытчó пырисны Вьльгорт, Сёська, Паджга, Слóбóда, Зеленеч да Кóрткерóс. Но Кóрткерóсын коли приёмнóй покой вит крóватьóн. Сэни уджалísны кык пельшер. Вóссисны нóшта нель пельшер пункт: Вьльгортын, Паджгаын, Зеленечын, Мордінын. Врачыс оліс карын да висьысьяссó примитís ас патераас, а ветлíg-мунигьясó воывлís висьысьяс дорó гортаныс.

Неуна бурдóдчысь кадрьяс йылысь. Лои пасйóма нин, мый водзсó уездын вóли óти врач, кодí веськóдлís карса больничаóн да пельшерьяса приёмнóй покойясóн. 1878 воó земство сетís нóшта óти врач вылó места. Кык врачóн уездыс оліс 1889 воóдз: óтиыс — уезднóй правительственнóй — юралís карса больничаóн да бурдóдís карбердса вóлóстьясысь висьысьясóс. Мóд врачыс — земствоса уезднóй — юралís став уездса медицинанас, сы видзóдóм улын уджалísны уездса пельшерьяс. И сóмын 1890 воó уездó воóны сиктса врачьяс, кор земстволóн 1889 вося йирым (октябрь) 18 лунся индóд серти уездсó вóли юкóма куим врачёбнóй участок вылó. Визинó воис Серков Василий Сергеевич, Кулóмдинó — Шмелев Вячеслав Александрович.

Лои лóсьóдóма и Врачёбнóй Сóвет, кытчó пырисны председатель, врачьяс — Земскóй Управаса членьяс, татчóс соборнóй протоиерей, уездса исправник да крестьянскóй делóяс кузя чиновник. Врачёбнóй

Совет видлаліс медицина кузя вопросъяс да ассыс коромъяссо петкодіс Земскоѳ Управан да Уездса Земскоѳ Собраниеон видлалом ыло.

1898 во, кор лои нин лосъодом нель врачевноѳ участок, воисны нощта кык врач: Абъячойо — Архангельский, Нёбдино — Матулайтис. 1900 во волис врач Кажымо — Кан, но сийо уджаліс зев этша. Сийос вежис Герцфельд, Мылдино воис Е.Савастьянов.

Кызьодо нэм пансигон уездын уджалісны квайт врач, кодыяс веськодлісны врачевноѳ участокъяснас.

1902 во лои лосъодом санитарно-эпидемиологическоѳ врач места, но мортыс тайо удж ылас эз сюр, котъ эсько Уцрава унаысь шыодчыліс коромон.

Япониякод война заводитчом борын врачяс Милотворский И.М., Герцфельд Г.С. да Дзюба Н.И. мунісны военноѳ служба ыло. Война помасом борын воис бор алас участоко — Визино — сомын Н.И. Дзюба. Уездын врачяс эз тырмыны. Вызовъяс лои вочома губерныса земскоѳ управалон санитарноѳ отделениео да роч врачяслон Пироговскоѳ обществоса газето. На серти Мылдино воис врач Блашне-де-ла-Ром Александр Викторович, но 1906 онас вобгдаса губернатор вештис сийос уджсыс. 1907 во Абъячойо воис Фомин Н.В., коды индісны нуодны уездын санитарно-эпидемиологическоѳ удж.

1907 во Корткеросын врачевноѳ участок лосъодом борын уездын коло вולי лоны 8 врачевноѳ участоклы, но Ыбын да Немдинын больничаяссо колісны пельшерьяслы, та восна и врач лыдыс коли важыс — квайт. Санитарно-эпидемиологическоѳ врачысь удж вочысь Н.В.Фомин вולי оттшотш и Абъячойса больничаян врачос вежысьон. 1909 во Корткеросса врачевноѳ участоко воис медводдза нывбаба врач — Бельская Е.В., но мод онас бор муніс татысь.

Сы восна мый Печораса волостъяс воліны зев ылынось да врачяслысь отсог ковмыліс виччысьны вывти дыр, земстволы бор ковмис восьтыны врачевноѳ участок Мылдинын (1911 во). Татчо мододісны врач А.А. Тарутинос, а сы борын Д.И. Розановос, коди таодз недыр уджаліс Абъячойын.

1912 во, Пригородноѳ участок лосъодом борын, врачнас тані вולי Н.А. Бронников. Университет помалом борас сийо сизим во уджалома Яренск уездса Емдин сиктын.

Первой мироѳвой война водзвылын уездын уджалісны сизим врач: Шмелев В.А., Дзюба Н.И., Попов И.С., Кедровский А.Н., Розанов Д.И., Гаврилов П.И. да Бронников Н.А. Но тшокыда овліс и сидз, мый уездын кольлісны сомын витон либо квайтон; сэки налы ковмыліс вочны уджсо и курсъяс ылын велодчысь врачяслысь.

Удждон врачяслон енасо эз вежлась. 1875 во карса врачлы сетісны 1500 шайт (вося удждон): 1200 шайт удждон да 300 шайт патераысь. Борынджык вощом участокъясса врачяслы удждонсо индісны татшомос жо. Сомын 1910 во мылдинса врачлы урчитлісны удждонсо 2200 шайт, сы восна, мый тані врачясыс тшокыда вежласисны, эз сомын ылі понда, но и сьокыд удж понда — унджык олысьсы воліны староверьясон, а накод уджавны волі вывти сьокыд; врачяслы эз эскыны, олісны асланыс уставнас.

Тодчанаон коло артавны Земскоѳ Собраниеысь 1898 вося йирым (октябрь) 22 лунся решение, код серти медицинаын уджалысьяслы (кыдзи и учительяслы) кокъямыс во уджалом мысти удждонсо содтісны 60 шайт, ещо квайт во мысти бара 60 шайт. И тадзи водзо. Артмис, мый кызь во уджалом борын удждон содтодыс лоис онас 180 шайт. Борынджык (1909 во) во лыдсо чинтісны витодз, дасодз, дас витодз. Удждон содтомыс вולי поэянаон сомын бура уджалигон да врачевноѳ советлон шуом борын.

Сьокыд удж ыло видзодтог, мукод врачыс нэм кежло йитісны ассыныс оломсо коми мукод. Сидз, коллежскоѳ советник Михаил Иванович Турос 1883 во пуктісны карса больничаян веськоддысьон да сэксянь сийо эз нин энотлы Усть-Сысольск карсо. Карса больничаян

веськӧдлӧм кындзи сійӧ вӧлі правительственной да уездной врачӧн, а 1885 восянь удждон босыттӧг врачалис женской прогимназияын. Бур уджсыс М.И.Турлы сетлісны 3-ӧд степеня Станислав орден. Кувсис сійӧ 1903 воӧ Усть-Сысо́льскын.

1890 восянь Усть-Сысо́льской земствоын уджаліс Вячеслав Александрович Шмелев. Сы йылысь земской управаса член С.П. Канев 1911 вося кӧч (сентябрь) тӧлысья сессия вылын шуис: «Как глазной врач, он обслуживает весь уезд, откуда к нему приходят все лишившиеся зрения и большая часть их возвращаются зрячими». Казнаса представитель Лобурцев вӧйӧм серти земствоса Собрание шуис: «Выразить земскому врачу В. А. Шмелеву свою благодарность за его труд и полезную службу в пользу края с пожеланием видеть его еще много лет своим земским врачом и повесить его увеличенный портрет в золотой багетной раме в приемной городской больницы с надписью: «От благодарного и умеющего ценить заслуги Усть-Сысо́льского земства». Шмелевлӧн бур удж йылысь вӧлі сідзжӧ юӧртӧма Вӧлӧгда губерняса врачевной инспекторлы.

Дас вит воысь дырджык земствоын уджалісны сиктса врачьяс Николай Иванович Дзюба да Ипполит Степанович Попов. Дзюба — Визиньын, а мӧдыс — Кулӧмдінын. 1909 воӧ земство шуис: «Возбудить установленным порядком о всемилостивейшем награждении врачей Попова И.С. и Дзюба Н.И. орденами за долговременную и полезную службу в Уездом Земстве».

Н.И.Дзюба ветліс да тышкасис кык война вылын: русско-японской 1904—1905 вояӧс да первой мировой 1914—1917 вояӧс. Уджсыс да война вылын повтӧмлунысь сійӧс наградитлісны уна орденӧн: мӧд да коймӧд степеня «Святой Анны», коймӧд степеня «Святого Станислава», нельӧд степеня «Святого Владимира». Н.И.Дзюба кувсис 1920 воӧ сыпной тифысь. Тайӧ вонас и тайӧ жӧ висьӧмсыс кувсис ещӧ ӧти врач — Бронников Николай Алексеевич. Сійӧ ачыс чужліс коми муын, велӧдчис врачӧ Юрьев карын. Первой уджаліс Емваын, а сы бӧрын локтіс Пригородной врачевной участокӧ, кӧні и уджаліс кувсытӧдзыс.

Врачьяс кындзи ыджыд удж йӧзӧс бурдӧдӧмӧ пунктисны пельшерьяс, акушеркаяс да писытиасысыяс. Земство улӧ вуджитӧн уездын врач кындзи вӧліны куйм пельшер да дас писытиасысь. Медводдза сессия вылас жӧ земской собрание шуис пельшер лыдсӧ вайӧдны нельӧдз, а мӧд вонас содтыны ещӧ кыкӧс. 1880 восянь пельшер лыдыс кутіс содны: 1889 воын вӧлі дасысь унджык нин, 1895 воын — дас вит, 1900 — дас кӧкъямыс, 1901 — кызь, а 1905 восянь пельшерьяс вӧліны нин быд вӧлӧстын.

Акушерка местаяс йылысь сӧрни муніс Земстволӧн 1878 вося йирым (октябрь) тӧлысьӧ. Шуӧма восьтыны кык акушер места. Но эз артмы. Мӧд вонас тайӧ сӧрниыс кыптис вылысь. Шуисны лӧсьӧдны акушеркаяс велӧдӧм кузя проект. Сы серти карса больнича бердын кык во велӧдчӧм да экзамен сдایتӧм бӧрын акушеркаясӧ мӧдӧдісны уездса бӧрийӧм местаясӧ.

Земство шуис сӧсса мӧдӧдны кык коми нылӧс, — дас квайт арӧсысь мед эз вӧв этшаджык, — Вӧлӧгдаса повивальной бабкаяс велӧдан училищӧ. Сійӧс помалӧм бӧрын налы быть коліс уджавны куйм во земстволӧн индӧд серти. 1883 воӧ Визинӧ индӧма акушеркаӧс, а Кулӧмдінӧ — бабитчысьӧс. Сӧрӧнджык сӧні лӧсьӧдісны пельшер-акушеркалысь места. Воисны акушеркаяс 1890 воӧ Ношульӧ да Нӧбдінӧ, а 1894 воын бабитчысыӧс индісны Ыбӧ, Койгортӧ, Нӧбдінӧ да Мылдинӧ. Удждонсӧ вӧлі пунктӧма быдӧнлы 180 шайтӧн вонас. 1898 воӧ уездын вӧлі куйм акушер-пельшер да сизим бабитчысь. 1905 восянь пельшерьяс да акушеркаяс лоины быд вӧлӧстын.

Уналысь бур уджсӧ вӧлі пасйӧма сьӧма премияӧн: Усть-Сысо́льскысь пельшер Дурицкий, Шыладорысь пельшер Холковских, а Кӧрткерӧсысь С.Я.Поповы сьӧм кындзи вӧлі сетӧма потомственной гражданин ним.

Сідзкӧ, бур уджыд сійӧ кадӧ эз кольлы пасйытӧг.

Коми гижöдын ывла выв серпасъяс

Мортлы, кöть кытöн сийö эз ов, кутшöм удж кöть эз вöч, медся матыссаон пыр вöлни не сöмын орчöн олысь йöз, но и ывла вылыс, вөр-ваыс, налön олöмыс.

Сöвет кадся критикаыд эз ёна чуксав гижысыясöс петкöдлыны вөр-ва, ёнджыкасö видзöдiс сы бöрся, кызди найö серпасалöны йöз олöмын вежсьöмъяссö: Октябрьскöй революция, коллективизация, индустриализация да сiдз водзö.

И век жö Илля Васылön "Мунöны" поэмаын бура петкöдлöма комияс олöмын Октябрьскöй революциякöд йитчöм лöмторъяссö, но сэнi нöшта на ярьюгыдджыкöсь вөр-валön серпасъясыс:

Дзордзав жö, Коми му, коляоз дзоридзöн,
Сьöлаоз синъясөн, гöрд лежнöг цветъясөн,
Быдмы жö, парма шöр коз,
Кисьмы жö, керöсдор оз!

Сы вöсна, мый тайö серпасъясыс поэтлön артмисны вынаджыкöсь, сийöс ас кадö ёна чиршöдлiс критика.

1959 воын Илля Васылön йöзöдöм "Шоңдi петигөн" кывбур чукöрын артмылöма весиг татшöм опечатка: "Дзордзав жö, Коми му, колхоз дзоридзöн".

Наборщикъяслы, корректоръяслы да редакторлы "колхоз" кывйыд лöма матыссаджыкөн да гöгөрвоанаджыкөн "коляоз" дорсыыд.

Но кöть кызди эз көвъявны коми гижысыяслы социальной тема, век жö найö окотапырысь гижлисны и вөр-ва йылысь.

Гижöдыяссö видлалiгөн казялан, мый найö бура аддзöны-кылöны ывлавывса серпасъяссö, кужöны сьölöмсянныс петкöдлыны морт олöмын налысь тöдчанлунсö. Тайö медводз, дерт, артмö сы вöсна, мый асьныс гижысыясыс, налön бать-мамыс, пöч-пöлыс нэмъяс чöж олісны вөр-ваыскöд. Коми мортлön олöмыс, торъя нин сиктсалön, кытысь ми ставным петiм, йитчöма ывла выв олöмкöд. Комиясыд уна нэм вöвлісны вöралысыясөн, чери кыйысыясөн, му вöдитысыясөн. И буретш тайö уджъясыс сетлісны налы кынöмпöт.

Öнi, кор зверь-пöтка чинöмкöд кыйсян уджъясыд комияслön кутісны бырны, со кызди курыд нюмön гижö та йылысь А.Ванеев "Вöрса грамота" кывбурын:

Коми инженеръяс да доцентъяс
Рöдмöны, кызд сус пу вылын коль.
Тайö — бур.
Ме мöдтор вылö шензя:
Тöлка кыйсысь сымдаыс эз коль.

Öтшöтш бырöны олöмсыыс и национальной характерлön аслыс-пöдслунъяс: олöмын ас вылö надея, профессиональной тöдöмлунъяс босьтны зильöм, ас мывкыд да морттуй вылö мыджсьöм. Öд кый-сьылісны öткөн, став надеяыс вöлі сöмын ас вылö, ас тöдöмлунъяс, ас вын да кужöмлун вылö.

Комияслön серпаса гижöд панысь Куратов ёнджыкасö тöдса кызди социальной темаяс вылö гижысь. Но ывла выв да вөр-ва серпасъястö сылысь позьö жö аддзыны и социальной гижöдыясын. Сiдз, "Пыж" гижöдын поэт ас гöгөр олөм кылөмсö, бурджыктор шедöдны зильöмсö

петкөддөмө вадорсө, вадор пөлөн быдмысь козъяссө да чеччалысь гыяссө серпасалөмөн.

Куратовлөн "Гөль зон" кывбур лыддигөн син водзад сувтө шондіа ывла выв, петшөра йөр, видзьяс вылын йирсысь вөв-мөс, сур моз ворсысь гудыр юыс.

Вөр-ваыс, ывла вылыс саридз гысянь да кодзулөдз, шобді тусьянь да ылі колаөдз И.Куратовлөн гижөдъясын лирической героилөн матысса сёрни ёртъяс.

Ывла выв юкөнөн кыліс асьсө и ачыс поэтыс, гөгөрвоис, мый оломыс оз помась өти морт кулөмкөд, мый өти көлена бөрын локтө мөд. Та йылысь сійө гижліс: "Ой, мөд йөз коляс енвевт улас", а мөдлаын содтө: "Абу шог мем, коляс морт, вежас менө"...

Уна гижис вөр-ва йылысь Тима Вень. Сылөн гижан туйыс пансис вөр-ва серпасалөмсянь. Босьтам көть сылысь "Ылі йөз мусянь ас чужан му йылысь. Гаж бырөм" пасйөдъяс либө "Көнкө веж турун пөвс" кывбур. "Ылі йөз мусянь"... пасйөд-казытылөмгьясыс коми му, коми вөр-ва ошканаөсь, нимөданаөсь. Царской армияса садат Чисталёв оліс сэк Украинаын, Днепр ю дорын. Сійө зэв ёна гажтөмтчис ас мусыс, надейтчис войналөн регыд помасьөм вылө, сійө кад вылө, кор бөр воас аслас муө. 1917 воын сійө тадзи гижис ылі войвывса муса му йылысь:

Көнкө веж турун пөвс
муртса кылыштө "чоль" —
Чукльөд-муклөдлігтыр
сөстөм визувтө ёль...
Мича веж коръя пу
— ззысь сямөда кыз —
Менам юр весьтын дзик
нора шпарөдіс кырсь.
Небыд турунъяс йыв
төвру котраліс сэн.
Налысь кокныдик юр
улө копраліс мем.

Ас вөр-валөн серпасъясыс йитчөны кывбурас радейтана нывлөн портреткөд; вөр-ваыскөд тшөтш нылыс виччысьө фронт вылысь муса мортлысь воөмсө.

Мый Тима Вень кужис гижны вөр-ва йылысь, висьталөны и сылөн "Рыт-асыв кылөм", "Тувсов войясын", "Кайла — видзөдла", "Гожөм пом" кывбуръяс.

Кызди и Куратов, Тима Вень кыліс асьсө вөр-валөн юкөнөн, төдчөдіс, мый буретш тайө и сетіс сылы мывкыдлун лөсьөдны гижөдъяссө:

Гашкө, лөзов чөд тусь пиын
Быдми меёй вөр туй дорын,
Да өктіс кудьяс ветлысь-мунысь.
Гашкө, вөр ты пыдөс ваыс
Вөлі меным потан пыдди,
Чөж-пөткаыс "өввө" сывваліс.
Гашкө, вөлі лөня вөрыс...
Меным висътыяс йөлөгаө
Төлысь югөр чукөрталіс.

Вөр-ваыслысь вежласяна серпасъяссө кужис петкөддыны и Илля Вась. Ас чужан муыс поэтлы, кызди и Тима Веньлы, вөлі потанөн, кытысь сійө петіс ыджыд оломө, и кодкөд, бытгө мамыскөд, эз ородлы йитөдъяссө, кытчө көть эз шыбит оломыс. Илля Васьлөн гижөдъясын вөр-ваыс мывкыда-ловья. Шондіыс нюмгялө, вөрзөддытөм пармаыс ворсө, сьылө, тулысыс паськыд зырийөн весалө мусө нйитысь, енэжыс сунгысьө нюмгялысь юө.

Вөр-васө петкөдлігөн Илля Вась кужөмөн вөдитчө паськөдөм йөзкодялөмөн:

Оз ланьтны пыдбстөм Эжвалон гыяс;
Увгöны-мунöны водзöджык пыр.
Пессьöны кумöльга визувкöд найб,
Катöны ва паныд косяситгыр.

Тани стöча петкöдлöма войвывса вөр-валон этш тöдтöм төв нырыс,
сылон ас руа выныс.

Илля Васылон быва выв йылысь гижöдьясын поэзö аддзыны и небыд
рöмьяс. Со найö "Шойччö тувсов вой" кывбурысь:

**Шоныд тувсов войой,
Мыйкö меным мойд!
Мойд... Но, зарни чойой,
Сьёлöмöс эн дойд!**

Ярьюгыд мичкывьясөн, аслыспөлöс öткодялöмгясөн вöдитчö поэт.
Лым йылысь öтилыын сийö шуö: "Небыдик, гон кодь, кокныдик, төв
кодь", мöддаын — "Йой морт моз чайысис лым".

Илля Васылон вөр-ва йылысь гижöдьясын тшöкыда паныдасьлöны
öта-мöдкöд орччöдöм глаголгьяс: "тирзёны-ворсöны пуяс", "увгöны-
мунöны гыяс", "ломзё-дзирдалö сыэжын шондi", "рунгöны-кайöны
мöсьяс", "мургöны-юргöны шыяс", "пульскöдчö-польскöдчö-чужьясьö
пелыс", "лювзыштö-лявзыштö сынан тув", "шондiыс ва вылас чивкья-
лö-чеччалö, шпыннiлö-йöктö" и с. в.

Кöть и скуп рöмьяс вылö войвывса вөр-ваыд, уна выль пөлöс рöм
поэзö аддзыны коми гижöдьясысь, кодыр авторгьясыс босьтсьöны
серпасавны челядь дырсян тöдса вөр-васö. Уна гижöдьясын тыдалö
вөр-ва вöсна тöждысьöм, сылон аския лун понда полöм да майшасьöм.

Быва выв, вөр-ва заводгясөн да машинагясөн тшыкöдöм йылысь и,
веськыда шуны, сийöс виöм йылысь медводдзаөн коми гижысьясысь
панiс сёрнисö К.Ф.Жаков. Сийö гөгөрвоис, мый важ Войвывлы воö
пом: "Кöрт зыр да напаргья инмöдчисны сöстöм мусин дiнö, кодi öнöдз
видзис вөрзёдытöм озырлун". Войвыв быва выв йылысь Жаковлысь
куруд мөвгьяссö пыдди пуктiс да юкис Тима Вень. Торйон бура тайö
тöдчö "Трипан Вась" висьтын. Буретш коми му вöдитысь-дöзьöритысь
Трипан Вась да сийöс серпасалысь Тима Вень став сьёлöмсяныыс, ловнас
аддзисны чужан муса быва вывсö, тöждысисны сылон дзоньвидзалун
вöсна.

Морт лов вылнаö пуктiсны да пуктöны быва вывсö уна коми гижысь.
Найöс оз нин вөрзёд сiдз шусяна индустриальной пейзажыд, мортон
лöсьбöдöм карса серпасгьясыд. И.Тороповлон "Чужин кö мортон"
романын карса серпасгьясыд майшöдланаöсь нин, тöжд ваянаöсь: "Кар
таладор помсö кизьöриника югдöдiсны зэв шоч бияс. Вой кежлö ёна-
кодь кöдздöдöм быва вылын некод эз тыдав. Кимлөн вежöрыс, кодi
талун уджалiс кызкö зэв нин ясыда да писькöса, кутшöмкö здукö
весиг пасйис: "Бытгöь ме веськалi тöдтöм планета вылö, кодöс
эновтöмаöсь став олысьясны".

Индустриальной пейзаж вылö коми гижысьяс видзöдiсны эз öткодя.
1920—30 воясö унджыкыс нимкодясисны ас кион вöчöмторгясөн да эз
тöдчöдны, мый техникаыс зырö быва вывсö, торйон нин вөр-васö, а
сыкöд тшöтш и асьсö мортсö. 1932 воын Акинь пилон (З.А.Старцев)
петалис быдса кывбур чукöр "Индустрия марш", кöни авторыс вöсьтö
коми литератураын индустриальной тема. Сьöдз, 1929 воын тайö тема
вылö В.Савин гижлис "Станция Сыктывкар" кывбур. Сэни эм татшöм
кывгьяс:

**Кочегар лöдсалас öдсö,
Машинист öдздöдас "ходсö",
Жер вöма поездыс зымöдас,
Вөрзылас муыс и сынöдыс.**

Оз эскыссьы, мый ставыс тайö кутiс вöчсьыны муын, кöни важысян
дивитiсны вөр-ва дойдöм-дöзмöдöмысь. А.Ванеевлысь лыддям:

И тóлка чери кыйыс кульман юсö
Ни кывтыдсянь,
Ни катыдсянь эз пом,
Чигарка помсыс пöймсö эз уськöд,
Ни бипурсыс эз шыбит сэрапом.

А.Размысловлөн "Бать" висьтын (1992 во) сёрниыс быттьöкө муно колан удж нуодом йылысь, стöчджыка кө, выль керка лэптöм йылысь. Но керка лэптысысь оз видзны вөр-васö. Гижысь веськыда индö, мый мортыс кө оз сёлöмсянь уджав, медводз вөр-ваис висьмö, а сэсся и мортыс заводитö нёрпавны лёк васö юомысь да лёк сынöднас лолалöмысь.

Сы йылысь кыдзи бырöдöма нин да бырöдсьö вөр-ваис, гижö В.Лодыгин:

Дозмöра ягысным бырысны,
Вотöса расьясным кушмисны,
Юясным керьясөн тырысны,
Сёлöмгяс шогысла рушмисны.
Колис сöмын аслыным
Парма шöрын еджыд лым.

А öд парманым, кыдзи пасйö поэт, миянös "чужтö-быдтö, вердö-юкталö, көмöдö-пасьтöдö" и, содтам, ловтö веськөдö-бурдöдö. Нинöм вылö лоö надейтчыны, сийö кө бырö. Со öд кутшöм ыджыд миян оломын вөр-ваислөн тöдчанлуныс.

Вөр-ватö коми мортыд пыр радейтлис, сёлöмөн сылы сетчылис. Буретш та понда коми гижысыс пыр аддзывлисны медся пöсь да мича, ловтö кыпöдана кывгяс вөр-ва йылысь: М.Лебедевлөн «Коми му кузя ме муна» кывбурсянь, В.Юхнинлөн «Алöй лента» романсянь, (кодi лоис збыльысь национальнойöн эз сöмын сы понда, мый сийös гижис кужысь морт, но и сы понда, мый сэнi ыджыд муслунөн петкөдлöма вөр-ванымös), Серафим Поповлөн «Катшасингяс» да Лидия Чувьюровалөн «Пелысь» сыланкывгясöдз.

Буретш вөр-ваис и велöдö коми морттö лоны винёвөн, став сьöкыдсö вермысьөн. Тайö мөвпас вайöдö лыддысысьсös и Г.Юшков аслас «Коз» кывбурён:

И вой тöv куснявлö,
И көдзыд кынтывлö,
И мöд пу дзескөдö,
А быдмö веськыда.

Тайös шуöма абу сöмын торгя морт йылысь, но и, дерт жö, став коми йöз йывсыс. Велöдны верстьöös и челядьös видзны вөр-васö, мый эм на, гөгöрвоны да дорйыны-жалитны сийös — öнiя гижысыслөн зэв ыджыд мог.

*Журналын йöзöдтöм гижöдгяс
редакция оз рецензируют и авторыслы найös оз мöдöд*

Техн. редактор **А. Одинцов.**

Корректор **Е. Панюкова.**

Адрес редакции: 167610, г. Сыктывкар, Дом печати, комн. 26

Телефоны редакции: 42-47-52 (гл. редактор), 42-51-52 (отв. секретарь).

Подписано к печати 11.11.99. Формат 70x108^{1/16}. Печать офсетная. Усл. печ. л. 7; усл. кр.-отт. 5,64; учетно-изд. л. 7,54. Тираж 1382. Заказ № 6804. Регистр. № Ф0095.

ОАО «Коми республиканская типография», 167610, г. Сыктывкар, ул. Первомайская, 70.

Арся свадьбаяс

Съыланногыс И. Козловлөн.

Кывъясыс С. Поповлөн.

Меліа

1. А-лөй тугъя пе-лысь
ми-ян кер-ка до-рын. Су-ла-лө зэв чө-ла,
оз вөр ө-ти кор. Ар-ся ры-тыс ме-лі,
а-бу нин зэв го-ра тэн-сыд ва-ров сёрни
ба-ра кы-ла кор.

The musical score is written in a single system with seven staves. The first staff is a treble clef with a key signature of two flats (Bb, Eb) and a 2/4 time signature. The melody is marked 'Меліа' and features a long, sweeping line with various ornaments and slurs. The lyrics are written below the staves, with some words aligned with specific notes or rests. The score includes repeat signs and first/second endings.

2. Томлуныд дзик өтчыд тэрмасьмөн волас
Сійос нэмыд кежлө питшөгад он суй.
Өти сиктын тэкөд уджалам да олам
Но оз тшөкыда тай вомөнасылы туй.
3. Чужан муыд паськыд, но менө оз ылөд
Мунны чужан сиктысь медся мича кар.
Оз весьшөрө өні менам муса нылөй
Озырлунсө ассъыс козьнав зарни ар.
4. Пöрысьос и томөс свадьбуйтныгтө корам
Сы йылысь мед ылөдз кывсяс шуда висеть.
Кыдзи кыа рөмөн мичмөм пелысь дорын
Оломсө мөс лысьтыськөд йитис тракторист.

Индекс 73069

Доныс сёрнитчём серти.